



Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
377 D 8







Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
377 D 8




Early European Books. Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
377 D 8







Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
377 D 8




~~XIV~~ a 191












W 377 D 8  
JACOBI BOURICII

FRISII. I. C.

# ADVOCATUS.

DANIELIS XII.

*Qui ad Justitiam erudiunt multos, quasi Stellæ  
fulgebunt in perpetuas æternitates.*



HARLINGÆ FRISIORUM,

---

Typis HERONIS GALAMA, Bibliopolæ.

c l o I o c L x v i.

THE  
JACOB BOONICK  
1711  
A D V O C A T U S

OF THE  
CITY OF AMSTERDAM  
AND OF THE PROVINCE OF HOLLAND  
AND WEST-FRIESLAND



PRINTED BY  
J. VAN DIJK, BOOKSELLER  
IN THE CITY OF AMSTERDAM



## Præfatio ad Filium.



A rerum humanarum conditio est, GISBERTE fili, ut hominum vulgus, de omnium artium ac scientiarum præstantiâ ac vilitate, sibi sumat Judicium, & ut plurimum propter abusum, hominumque malitiam, scientiam artemque, humanæ societati utilissimam, maximèque necessariam, rejiciat atque contemnat: perperam certè de rebus ipsis Judicans. Neque enim, ut rectè quidam dixit, propter sycophantas, & sophistas, cæterarumque rerum abusum, eloquentia, & ipsæ res, sed illi qui bonis rebus abutuntur, in crimen vocari debent. Cum nulla res tam sit bona ac salutaris, quæ malè utendo, depravari non possit: Quemadmodum quoque nihil in rebus humanis tam sanctum, tam pium, tam cœleste est, quod hominum corruptissimi mores, sibi non vertant in perniciem. Exemplo sunt scientiæ illæ primariæ, Theologia nimirum, Jurisprudentia, & ars Medica: quæ licet in humanâ vitâ, & ad rempubl. benè feliciterque administrandam, usque adeò necessariæ sint, ut iis pulsæ atque remotis, summa rerum omnium confusio, quam αἵρεσις Græci vocant, successura sit: quotidianâ tamen docemur experienciâ, præclaras istas scientias, hominum malignitate ac vitiò tantoperè perverti, ac abusu fœdari, ut locò salutis, & præsentis & futuræ, quam adferre possunt & debent, hominem in malorum lernam, æternumque interitum præcipitent, atque demergant.

A 2

Etiam-



P R E F A T I O.

Etiamſi enim Theologiæ, præpotentis illius & glorioſæ omnium artium reginæ, ſcopus finisque ſit, hominem ad veram DEI notitiam adducere, timorem divini numinis, hominum animis incutere, & ad immortalis vitæ beatitudinem aſſequendam erudire; Ea tamen impietate & perversitate, in literis ſacris docendis explicandiſque, à multis retrò ſeculis, Spiritus quidam erroris, ac mendaces magiſtri (ita enim eos vocat *D. Paulus*) verſati ſunt, & verſantur etiamnum, hòc ſeculò corruptiſſimò, ſacræ Scripturæ locis, ad errores ſuos ſtabiliendos, ac prava dogmata detortis, abutentes, ut magna pars hominum, hòc noſtrò, heu nimis infelici ævò, non ſolùm ad pernicioſas, damnataſque hæreſes, & dogmatum monſtra, fidei ſimul ac concordiæ *Chriſtianæ* venena, ſed ipſiſſimum Atheiſmum decurrat atque delabatur: Cùm tamen nemo ſit tam obſcæ naris, corruptique Judici, qui id Theologiæ ſacræ imputandum, aſcribendumque arbitretur. Et quidam rectè dixit, non ideò damnandam eſſe ſacrarum literarum exactam cognitionem, ſi quidam ſuò vitiò, ſibi vertant in perniciem, quod ſuapte naturâ bonum eſt ac ſalutiferum. Conſimiliter quoque de Iuriſprudentiâ, & arte Medicâ dici poteſt, quarum illa, licet dicta factaque hominum, ad juris Iuſtitiaſque normam componat, certisſque regulis, præceptisſque conſtringat, & ut unicuique quod eſt ſuum, tribuatur, efficiat: Hæc corporis ſanitatem, aut à morbis præſervet, aut amiſſam reſtituat atque reſtauret; Lippis tamen & tonſoribus notum eſt, homines improbos, omni atate, inventos fuiſſe permultos, & nunc quoque non paucos reperiri, qui & Iuriſprudentiâ,

## P R E F A T I O.

tiâ , & arte Medicâ ad pernitiem , ad corruptelam , ad magni denique parvique mundi conturbationem , abutuntur : Quis , quæso , sanæ mentis , prædictis scientiis artibusque propterea debitum honorem laudemque abrogandam , detrahendamque existimabit ? Iniqua siquidem (teste *Cicerone*) in omni re , accusanda , prætermisilis bonis , malorum enumeratio , vitiorumque selectio : Nam istò modò , ut idem *Cicero* ait , vel consulatus vituperabilis est , si consulum , quos enumerare nolo , peccata collegeris . Quod & de rebus omnibus ac DEI donis , ad usum vitæ suppeditatis ac necessariis , dici potest , quæ tamen propter abusum non rejiciuntur neque damnantur . Denique , quid est in rebus humanis tam felix , cui non suæ pestes sint additæ ? Quid tam malum , quod non aliquam utilitatem adferat ? nam & ex viperæ carne , singulare morbis remedium fit , quod theriacam appellant . Quòd si ita se res habet , uti revera se habet , non teturbare debet , G I S B E R T E fili , vel alium quemcumque Advocatum probum , quòd advocationem , rem pulcherrimam ( teste *Plinio Secundo* in Epistolis ) tantopere plerique homines infectentur , probrisque excipiant , quorundam improborum advocatorum perfidiâ commoti . In quos , & veteres Iureconsulti , & moderni meritò invehuntur , convitiaque projiciunt ; Digni siquidem sunt qui traducantur , ac perstringantur , & non foro tantum , sed hominum quoque societate pellantur , & ad Scythas , aut Sauromatas , & si quæ sunt aliæ magis barbaræ nationes , relegentur , nunquam redituri . Te itaque moneo , G I S B E R T E fili , ut professionis tuæ dignitatem præ oculis habeas , nec à



# P R Æ F A T I O.

tramite recto, ullius vel hominis, vel rei gratia, unquam deflectas, clientes tuos in causis iustis, fortiter diligenterque tuearis atque defendas: Id quod te facturum spero, si monita præceptionesque meas, in hoc tractatu libenter legeris, atque relegeris, nec cuiusquam exemplo malo, à via virtutis abduci te patiaris: Tibi siquidem, & fratri tuo consanguineo Hectori, si quando ad hanc professionem illum pervenire contingat, hunc qualemcumque laborem sumpsi, mihi gratulaturus, si ad alios quoque utilitatis aliquid inde promanaverit. Nec vero existimo, quemquam tam morosum ac iniquum censorem fore, qui mihi vitio vertendum arbitrabitur, quod ipsemet Advocatus, de *Officio Advocati*, ad filium Advocatum scribam, eumque præceptis salutaribus instruam, qui, exactis in hac professione annis triginta tribus, litibusque propemodum contritus, *Homericum* illud de me prædicare non verebor,

τοῖον καὶ οἶδεν ἔκαστος καλὰ τὲ καὶ τὰ χεῖρα:

Imò teste *Nasone*,

*Seris venit usus ab annis.*


Praxis quidem forensis scientiam, multò felicius perfectiusque, ex Tancredo, Speculatore, Ferrariensi, Maranta, Schenck, aliisque consummatissimis practicis hauries, sat scio, sed hujus Curix stylum, formamque procedendi in causis, tum civilibus, tum capitalibus, & quæ in iis tractandis vel observanda, vel fugienda, vitandaque sunt, hic tractatus noster, aliquatenus tibi suppeditabit, nisi me fallit animus. Ut ut sit, tibi gratum fore hunc laborem meum nihil addubito, certus, nihil à me proficisci, quod tu gratissimo



P R Æ F A T I O.

simo animo, ac peramanter non sis amplexurus. Vale, GISBERTE fili, & Ethnici Poëtæ sententiam hanc planè Christianam; *Est profectò Deus, qui, quæ nos gerimus, auditque & videt*, menti tuæ imprimas, infixamque retineas, quæ sæpius ruminata efficiet, ut nihil dicturus facturusque sis, imò ne quidem cogitaturus, quod Deum, ex alto res actionesque hominum prospicientem, ac corda renesque scrutantem, offendere queat.

*Leovardiae, ipsis Calendis Ianuariis, anno reparatæ salutis humanæ, millesimo sexcentesimo quarto.*



B E-

## BENEVOLO LECTORI S.

**M**editationes hasce meas de Officio Advocati, in suprema Curia Frisicæ, ante complures annos quasi delineatas ac adumbratas, & paulatim ad instar fœtus ursini, lambendo in formam præsentem effigiatas, ac tandem ad umbilicum (quod dici solet) perductas, in manus hominum emittendas existimavi: Non quidem eò, quod pro dignitate Advocacionem à me tractatam, aut non ab aliis plenius doctiusque pertractari posse, confidam, (cum hoc seculum nostrum, doctissimorum & exquisitorum hominum, in qualibet facultate, copiam proferat) sed potius, ne caducis tantum laboribus, vitam hanc brevem fluxamque fatigasse, silentioque transsegisse videar: Maximè vero, ut iis, qui praxin forensem hujus Curie aggressuri sunt, tanquam veteranus nauclerus, multis variisque naufragiorum periculis ereptus, viam modumque commonstrem, ut scopulos quosdam effugere, ac veluti Scyllam Charybdimque præternavigare, & evadere queant. Scio equidem & fateor, ac non sine animi dolore errores meos, quibus in praxi, tanquam undoso & æstuoso pelago exagitatus ac involutus fui, quotidie recolo: sed quid facias? conqueri licet, mutare vel corrigere non licet. Illud certè Christiana postulat charitas, quam Christus Dei filius, Servator noster, tantoperè nobis præcipit & inculcat, ut alios idem iter ingressuros, meis periculis cautiores reddam, ne in consimiles aliquando scopulos impingant. Quod si vero non eò verborum ornatu, styloque tersò ac limatò hasce meditationes conscriptas quisquam arbitrabitur, aut alicubi à me erratum putabit, (nihil enim tam humanum quàm  
labi



## A D L E C T O R E M.

*labi & errare) dabit, ut spero, mihi in salebrosis practi-  
corum traditionibus, annis fermè triginta tribus ver-  
sato, litibusque, tum exercendis, tum in tribunalibus  
inferioribus decidendis, penè detricto, veniam. Neque  
enim alium mihi scopum propositum habui, quàm ut iis,  
qui deglutitis in scholà legibus, scabrosam illam diffici-  
lemque praxin forensẽ, (quã velut asperã quadam  
tempestate relictã, in tranquillum quendam, & securum  
jam portum confugi, ut intrã cor meum arcam salutis  
ædificem) auspicaturi sunt, in quã leges, ut ita dicam,  
digeruntur, ac in nutrimentum vertuntur, præceptio-  
nibus monitisque datis prosim, eorumque commodis in-  
serviam. Quo fit, ut in spem certam adducar, fore,  
ut benevolus lector, & symmystæ mei, operam hanc studi-  
umque meum æqui bonique consulturi sint, versiculi il-  
lius Flacciani memores :*

*Est aliquid prodire tenùs, si non datur ultrà.*

*Neque verò quemquam fore reor tam iniquum rerum  
æstimatorem, qui me reprehendendum existimabit,  
quod alicubi datâ occasione, quosdam Advocatorum er-  
rores vitiaque liberius insector, cum id sine cujusquam fi-  
at reprehensione (neque enim quisquam nominatim per-  
stringitur) & materia ipsa istius modi taxationem inter-  
dum postulet. Ut ut est, è multis doctissimis practi-  
cis, quòs habet hæc ætas, qui mihi & ingenio, & di-  
cendi facultate præstant, aliquem hisce meditationibus  
excitatum iri spero, qui de Officio Advocati, ex pro-  
fesso doctius elegantiusque, Ciceronem, aut Fabium il-  
lum Quintilianum secutus, scripturus sit, ac rem pro  
dignitate, verborumque pondere pertractaturus. Id si*

B

fa-



## A D L E C T O R E M.

*factum fuerit, bene mecum actum putabo, nec me studii laborisque hisce meditationibus insumpti, unquam pœnitebit. Quod si vero quisquam sit, qui aliquâ parte à me erratum putabit, eum obnixè oratum volo, ut liberè candidèque errores aperiat atque demonstret. Is enim sum, qui mediocritatis meæ, curtæque suppellectilis, non ignarus, labi & errare me posse, libens profiteor, & errores commonstratos promptissimè sum agiturus, & correcturus. Proinde hac præsentì epistolâ, coram omnibus protestor, nihil mihi, qui veritatem, justitiæ matrem, rebus omnibus anteponendam agnosco, & hujus tractationis patronam constituo, gratius accidere posse, quàm si errores mihi declarati fuerint. Quem non solum humanæ fragilitatis communis sors ab omni probro tuebitur, sed & illa celebris apud Xenophontem sententia, quæ habet: Haud facilè opus aliquod reperias, cujus nullam partem quisquam reprehendat: difficile namque est, ita quicquam peragere, ut nihil erres. Et quod Imperator Iustinian. ipsemet quoque declarat, Omnium habere memoriam, & penitus in nullo peccare, divinitatis magis quàm mortalitatis esse, ab omni reprehensione contemptuque facili negotio me vindicabit. Vale, Benevole Lector, & quicquid tandem est quod offertur, hilari fronte, & in bonam partem accipe. Ipsis Cal. Ianuariis, 1605.*



D E

## OFFICIO ADVOCATI.

## CAPUT PRIMUM.

*De Etymologia vocabuli , & variis  
Advocati appellationibus.*

**A**NTEQUAM ad ipsam tractationem accedamus , operæ precium facturos nos arbitramur , si vocabuli etymon explicemus , ac præmittamus , quod in aliis omnibus disciplinis factitandum esse , suadet Ulpianus in *L. 1. ff. De justit. & Iure*. Et nemini quidem dubium est , quin à compositâ dictione , Advoco , derivationem habeat : Advocare siquidem significat , aliquem ad se vocare , alicujus rei gratiâ : In hac nostrâ materiâ significat , aliquem ad se vocare , ut ope consilioque adsit , ac in judicio patrocinium præstet : Hinc Advocatus , qui in exercendâ lite alicui jus suggerit , ac præsentiam commodat. Varias autem esse Advocati appellationes , extra controversiam est : Aliquando enim caularum patronus , *l. 4. ff. de postulando l. advocati C. de Advoc. divers. judic.* nonnunquam causidicus , *l. 6. C. de postulando l. 2. C. de Advoc. divers. jud.* subinde orator , sæpè togatus dicitur. *l. 3. 5. 6. 8. 9. C. d. Tit. Ambros. Epist. ad Marcellum. 24.* Esse verò nomen honoris ac dignitatis , testantur Imperatores

*unde Advocati nomen  
est derivationis :*

*varia sunt nomina  
ut appellationes*



*Judæi non possunt  
esse Advocati.*

*Syndici Universitatum  
improprie appellantur  
Pensionarii.*

tores Tit. suis, *De Advocatis diversorum Judicum, & de Advocatis diversorum judiciorum*: Quod usque adeo verum est, ut Zasius ad Tit. de just. & jure, dicat & colligat, Judæos doctores & Advocatos esse non posse, ob id quod Advocatum esse, dignitas sit, *l. laudabile. C. de Advoc. div. jud. l. finali C. de postulando.* unde & infames ab Advocatione repelluntur, *l. 1. & 3. ff. de postulando.* qui tamen, ut & Judæi, Procuratores esse permittuntur, quod vile munus sit procuratoris § *fin. Inst. De excep. glossa & Bart.* Porro & Syndici universitatum Advocati dicuntur ac defensores, quos vulgus improprie Pensionarios appellat, ex eo quod salarium è publico percipiant, quod abusive fit, cum pensio apud classicos sit id, quod pro alicujus rei usu solvitur, veluti domus, vel agrorum pensio, quam conductores solvunt locatoribus suis *l. lecta. §. igitur. ff. De rebus creditis.* Imperator verò Justinianus, honorificis nominibus Advocatos appellat, quos nunc judiciorum athletas, nunc oratores maximos, & justitiæ satellites appellat. *in proem. Pandectarum versic. discip.* Alciatus in *l. credimus C. de pactis.* eos nominat patronos & oratores causarum, qui in foro, & vivâ voce causas tuentur.

## C A P. I I.

*De Definitione seu descriptione Advocati.*

E Tymologiam vocabuli, variasque Advocati appellationes, cap. primo retulimus, ex quibus definitionem



onem non difficulter colligere licet, quem his verbis definimus; Advocatus est, qui in Judicio, apud eum qui Jurisdictioni præest, causis agendis vacat, operamque navat, atque præsentiam suam vocatus commodat. *c. dilect. de dolo & contumacia.* Nam qui excusat eum, qui ipsemet in jus venire nequit, nec alium mittere potest, propriè excusator dicitur. Quod plerunque in causis judiciisque capitalibus contingere solet, in quibus admittitur aliquis, ut reum absentem excuset. Definitioni autem prædictæ congruit ea descriptio, quam ponit Ulpianus in *L. 1. vers. advocatos. ff. De variis & extraord. cognit.* his verbis: Advocatos accipere debemus omnes omninò, qui causis agendis, quoquo studio operantur. Quà quidem largâ descriptione, & Procuratores comprehenduntur. Nam & illi litibus in judicio peragendis, dant operam. Inter eos autem licet magna sit vicinitas; duobus tamen potissimum feceruntur: quod nimirum procurationem nemo invitus suscipere teneatur, *l. invitus C. hoc tit.* Advocatus vero etiam si nolit, à prætore dari possit *l. 1. §. ait prætor. ff. De postulando.* Hi dignitatem habeant; illi nullam; cum & viles esse procuratores possint, ut antè dictum est. Deinde, quod in Advocato præterea requiritur juris scientia, tempore ab Imperatore Iustiniano præfixo. *§. sed quia verò solitum, in Proæmio Pandectarum,* acquisita, titulisque Doctoratus, vel Licentiæ insignita atque comprobata; Quorum neutrum in Procuratore requiritur, sæpe idiotis ac Latinæ linguæ imperitis, apud iudices inferiores causas agentibus. In hac patriâ nostrâ, in Supremâ Curia, Procuratores, causas in foro dicere, nunc non per-

B 3

mit-

Definitio Advocati in  
L. 1. ff. de t. etiam recipit  
Procuratorem.

Differentia Advocati  
& Procuratoris.

Procuratoris godo in  
foro causas dicere non  
permittitur.



## DE OFFICIO

mittuntur, licet ex antiquis Curiae praedictae Com-  
mentariis, liquido pateat, Procuratores quoque ad-  
missos fuisse, sicut etiamnum in Curia Hollandica fi-  
eri videmus, & nos, cum in magno Senatu Mechli-  
niae Advocati munere fungeremur, fieri quoque con-  
speximus. Ut autem revertamur unde digressi simus,  
dicimus, ut antè quoque diximus, Advocatum esse  
cum, qui jus suggerit, ac praesentiam tuam amico vel  
cuiilibet alii, patrocinium opemque ejus desideranti,  
commodat. Omnium autem optimè ac honorificen-  
tissimè, non tam definiunt quàm describunt, Advoca-  
ti munus, utilitatem & necessitatem, Impp. Leo &  
Anthemius, in *L. advocatis. C. de Advoc. divers. judici-*  
*orum.* quorum haec verba sunt, *Advocati, qui dirimunt*  
*ambigua fata causarum, suaeque defensionis viribus, in*  
*rebus tam publicis, quàm privatis lapsa erigunt, fatiga-*  
*ta reparant, non minus providentes humano generi,*  
*quàm si praeliis, atque vulneribus, patriam parentesque*  
*salvarent: qui gloriose vocis confisi munimine, laboran-*  
*tium spem, vitam & posteros defendunt.* Quà quidem  
descriptione periphrastica, non solum munus officium-  
que Advocati graphicè declarant praedicti Impp. sed  
& dignitatem amplitudinemque omnibus numeris ab-  
solutam, ob oculos ponunt ac praedicant. Quam le-  
gem, nos aliquando, si Deus permiserit, latius per-  
sequemur, ac de dignitate Advocationis, ex professo  
tractabimus, ut eorum, qui huic professioni parum  
aqui, imo iniqui planè sunt, contradictiones con-  
temptionesque redarguamus ac revincamus. Quam-  
vis autem in jure, promiscuè Advocati dicantur, &  
causarum patroni, & causidici, & oratores, & Pro-  
cura-

*Permittuntur autem  
in Curia Hollandica  
et Senatu Mechlinia.*

*Quid sit Advocatus?*

*Egregia Lex Codicis  
in Laedem Advocatorum.*

*Not enim solos nostros in  
poro militato ordinis illos  
qui gladiis, equis, et lorari-  
bus militantes per totam adve-  
ntos: Militant namque causa  
reum Patroni (qui in illa  
lego et omnia)*



curatores, atque etiam cognitores, distinguuntur tamen apud classicos autores, *Budæus in adnotat. ad Pandectas.* qui patronum dicunt esse eum, qui defendit alium in iudicio, Advocatum, qui jus suggerit: Procuratorem, qui negotium suscipit, mandato etiam absentis: Cognitorem verò qui præsentis causam novit, & sic tuetur, ut suam. Quid autem inter Cognitorem & Procuratorem intersit, tradit *Alciatus, lib. 2. parerg. cap. 5.* quem consulere licebit. Nos superius adductis contenti, non putamus necesse esse, hisce diutius immorari.

*Quid sit Patronus?  
Quid sit Advocatus?  
Quid sit Procurator?  
Quid sit Cognitor?*

C A P. I I I.

*Quod sit officium Advocati in genere,  
erga Deum et homines.*

**Q**uid sit Advocatus, & quemadmodum describatur, suprà diximus: nunc ordo postulat, ut de officio partibusque ejus dispiciamus. Antequam autem ad istam Tractationem descendamus ac progrediamur, illud præmittendum arbitramur, Advocati nimirum, ut cujuscunque hominis Christiani, munus ac officium, duabus potissimum virtutibus contineri: Quarum prior est, ut Advocatus de Deo ac religione recte sentiat, alioqui in numero advocatorum haudquam recipiendus *l. fin. C. de postulando.* Et quidem meritò, cum præsumptio contra talem militet, quod bonâ conscientia causas non sit acturus, sed potius operam daturus, ut turpis lucri gratia, homines ad-

*Advocatus ad Deum & homines  
recte debet attendere  
ut i. et de Deo ac  
religione recte sentiat.*



adversus se invicem, tanquam canes committat: quod  
 ii facere consueverunt, qui litium concinnatores ap-  
 pellantur, quos *Salomon* in Proverbiis *cap. xvi.* dicit;  
 lites fuscitare. Horum quoque meminit *Ulpianus*,  
 in *l. nequicquam §. circa advocatos ff. De offic. procon-*  
*sulis.* quos *Alex. ab Alexandro lib. 4. genialium die-*  
*rum cap. 15.* describens, dicit esse homines improbos,  
 qui novas lites, simulatis captionibus, & cavillis im-  
 probis in longum ducere student. Istiusmodi Advoca-  
 tus non verebitur quoque, lites effectis mendaciis,  
 verborumque lenociniis perpolire. Non erubescet  
 quoque lites redimere quotidianas, atque pecuniâ mer-  
 cari, illasque pactionibus muneribusque pellicere, qui  
 & Vitiligator, id est vitiosus litigator, fucatis ar-  
 gumentis, Judici imponens, ac alienæ litis intercep-  
 tor dicitur: Quales, leges omnes, omniaque Jura  
 exosos habent, ac foro & Advocatione prohibendos,  
 ac tanquam reipub. pestes ulceraque nocentissima, pel-  
 lendos fugandosque censent. Non cessabit quoque isti-  
 usmodi impius Advocatus prævaricari, id est, clien-  
 tis sui jus causamque, parti adversæ prode, & ut  
*Ulpianus* inquit, diversam partem adjuvare proditâ  
 causâ suâ; & ut *Saturnini* verbis utamur, infidas ad-  
 vocationes exercere: *l. Athletas ff. De his qui not.*  
*infamia.* Deniquè excusso divini numinis metu, sacra  
 prophanis, divina humanis miscere, & totam rempub.  
 conturbare non desinet. Et sanè de istiusmodi Ad-  
 vocatis, accipiendus est locus *Taciti*, à *Lipso* allegatus  
 in politicis, *lib. 2. Cap. 11.* dicentis, publicæ mercis  
nihil tam venale esse, quam Advocatorum perfidiam.  
 Cui congruit locus ibidem ex *Columella* citatus, qui  
 in-

## A D V O C A T I.

infidam *Advocationem*, concessum dixit esse latrocinium. Quæ convicia & dictæria, utique *Advocatos* probos non tangunt; quos bonæ testimonium conscientiæ, quæ ab homine divelli nequit, ac mille testium instar est, quamque *D. Paulus Apostolus*, gloriam dicit esse *Christianorum*, abundè solari poterit. Illi siquidem persuasum sibi habent, in occultissimis recessibus, & procul ab omnium oculis, atque adè in corde ipso atque animo, se habere ac circumferre DEUM arbitrum, testem, & judicem, omnium etiam cogitationum suarum, cujus præsentiam reveriti, nihil non modò faciunt, sed ne in animum quidem admittunt, quod est nefarium ac turpe.

### C A P. I V.

#### *Quomodo recte inter homines aget Advocatus.*

**R**ECTè inter homines agere, ut est cujuslibet hominis *Christiani*, ita vel maximè *Advocati*. Nam cum virtutis laus omnis in actione consistat, (teste *Cicerone*) & eum sibi scopum propositum habeat *Advocatus*, ut in judicio laborantibus suo patrocinio adfit, opem subsidiumque præstet, judicem de causæ meritis, bonâ fide rectâque conscientia instruat, quò id quod justum legibusque subnixum est, decerni, atque eâ viâ reipub. tranquillitas conservari possit. Utique *Advocato* adlaborandum enitendumque est,

C

ut

et 2<sup>o</sup> et rectè inter  
homines agit.



ut quoad fieri potest, juris legumque scientiam sibi comparet, ne illius ignorance, aut Judicem in errorem inducat, aut clientem amissâ lite, in inutiles sumptus conjiciat. Proinde operam dare debet *Advocatus*, ut hac parte sibi prospiciat, jurisque cognitionem exquisitam comparet: Quam nisi pertinaciter nixu, labore indefesso, teste *Zasio*, non consequetur, qui, si in legibus non addiscit, dediscit. Nam ut exercitatio continua confirmat scientiam, ita inexercitatio ignorantiam parit. Quod usque adeo *Ioanni illi Andreæ* cordi fuit, ut annis viginti in lecto dormire noluerit, quò solidam juris scientiam sibi compararet, quam omnium quoque testimonio, summam consecutus est. Ad quam, licet cuilibet adspirare non detur, operam tamen hanc dare debet *Advocatus*, ut quatenus licet, jura legesque addiscat, non ignarus, improbo labori cuncta cedere, ac præterea *altius ituros*, teste *Fab. Quintil.* In præmio *Instit. Oratoriarum*, qui ad summa nituntur, quàm qui præsumpta desperatione, quò voluerint evadendi, protinus circa ima substituerint. Neque verò reprehensionem tantum meretur *Advocatus*, si jus, in quo versatur, ignoret, quod & turpe est, l. 2. §. *Servius*, ff. *De orig. juris* sed insuper quoque pœnis legum obnoxius redditur. Tritæ liquidem juris regulæ sunt, quod quisque id scire teneatur, quod ad officium suum pertinet. Et quod imperitia culpæ adnumeretur. §. *præter. Instit. de l. Aquilia*. Quod quidem usque adeo procedit, ut com-

munis Doctorum calculo receptum sit, *Advocatum*, si *Advocatus* notabili ignorantia, aut negligentia causam clientis sui justam perdat, tam in foro fori, quàm poli ad re-

*Majora Praxis est et notabili ignorantia, aut negligentia causam sui justam perdat, tam in foro fori, quàm poli ad re-*

*fun-*



fundenda parti damna teneri, *Spec. tit. de Advocacis: argumento l. idem juris ff. ad l. Aquiliam.* cum is damnum dare dicatur, qui damni causam præbet, vulgatâ juris nostri regulâ. Deinde quoque summâ ope adniti debet *Advocatus*, ut Juris præcepta, quæ profite-  
tur, in omni vitâ observet. Quorum illud primum est, ut honestè vivat, id est sobriè & continenter, neminem exemplo suo malo offendat. Nihil enim magis mores vulgi corrumpit, quàm si videat, viros doctos ingenuisque artibus imbutos, ac in dignitate quoque constitutos, (advocatum siquidem esse, dignitas est *d. l. laudabile C. de advoc. divers. judic.*) dissolutè vivere, aleâ tempus terere, luxûque diffluere: Ut è contrario nihil efficacius ad componendos hominum mores, quàm probata eorum vita, qui scientiâ & honore in repub. præfulgent, ac conspicui sunt. Quæ ipsa quoque efficiet, ut nemo ad injustæ causæ patrocinium ipsum advocaturus sit. Solent enim homines improbi, calumniosas injustasque causas, iis advocatis committere, quos norunt, solius lucri, è re qualibet redacti, spem sibi propositam habere, & absque ullo discrimine, passim clientibus operam suam locare, quos divinus ille Philosophus PLATO, accipitres pecuniæ appellat, qui tamen ipsi, justum ac tenacem propositi virum ita reformidant, ut limen domus illius subintrare erubescant. Quod si omnes Advocati eâ integritate, & constantiâ, quâ debent, lites tractarent, non ita malè ordo noster apud populum audiret. Sed quia cum perfectis (teste CICE-  
RONE) non vivitur, & præsens seculum nequam est, teste APOSTOLO, unusquisque, qui vocationi suæ



fatisfacere, Spartamque quam nactus est, ornare cupit, hanc dabit operam, hoc aget, hoc studebit, ut vitæ integritate nomen famamque sibi comparet talem, ut credant homines, nihil inhonestè, nihil injustè, nihil malitiosè facturum, etiamsi DEUM hominesque fallere posset, quippe qui scit & firmiter credit, DEUM nihil vel dictum, vel factum, vel cogitatum, latere posse.

## CAP. V.

*Quod non sufficiat, si Advocatus honestè vivat, nisi ab alterius læsione abstineat, & unicuique quod suum est tribuat.*

PRæcepta juris prædicta, ut ad omnes in universum homines, nemine exceptò, ita quoque ad *Advocatum* pertinent: Et eo quidem magis, quòd professio in quâ versatur, illorum trium præceptorum observantiam ab eo postulet. Nam si *Advocatus* est Justitiæ minister, imò & sacerdos, *Ulpiano* teste in *L. i. ff. De justit. & jure*. justitiam colens, æquum ab iniquo separans, licitum ab illicito discernens, certè nemo dubitare potest, quin *Advocatus*, tum demum officium facere censebitur, si DEO quod DEI est, *λατρίαν*, id est adorationem tribuat, magistratui ejus ministro, omnem honorem, reverentiam atque obedientiam deferat, concivibus verò suis, fidelem operam

ram patrociniūque in civili & capitali causā postulantibus, præstet. Id enim in *Advocato* propriè est, unicuique quod suum est tribuere, quod **PSALMISTA** *Psal.* XIV. vocat, operari iustitiam, & in iis, qui in monte sancto **DEI** habitaturi sunt, requirit, non contentus, si ingrediatur sine maculâ, quod vitæ honestatem designat, quæ ad beatitudinem vitæ immortalis consequendam non sufficit, sed insuper proximo charitatis officia præstari vult, quod idem **PSALMISTA** vocat, bonum facere: Illa siquidem conjungit alibi, *Psal.* XXXIII. *Diverte, inquit, à malo, & fac bonum, inquire pacem, & persequere eam; Solvere autem quod alteri debeas, ad omnes in universum homines spectat, (teste D. PAULO Apostolo, ad Romanos. XIII. qui præcipit, ne cuiquam quicquam debeamus, nisi ut invicem diligamus: Ad hæc præstabit Advocatus, ne quemquam vel dicto, vel facto lædat, quod futurum est, si caveat, ne infidâ advocacy, proximum damno afficiat, propriam conscientiam peccato vulnerans. Nam si clienti suo injustam causam fovendi, patrociniū præstet, & adversarium jus suum persequentem, dolosis subterfugiis & frustratoriis dilationibus impediat, ac remoretur, non solum proximum ac rempub. sed semetipsum lædit, iramque divinam in se provocat: Qui enim malum bonum, & bonum malum, lucem tenebras, & tenebras lucem appellat (teste Prophetâ **ESAÏ.** cap. x. abominabilis apud **DEUM** reputatur.*



## CAP. VI.

*Quomodo in litibus exercendis generaliter  
se gerere debeat Advocatus.*

PRæmissis officiis generalibus, ad omnes omnino homines pertinentibus, reliquum est, ut de officio *Advocati*, in exercendis litibus, in genere differamus. Et ante omnia *Advocato* considerandum est; DEUM OPT. MAX. ad conservandam inter homines concordiam, amicitiae fontem, constituisse Reges, Principes, ac magistratus, jura legesque dedisse, ut justitiam administrent, omnem vim atque injuriam prohibeant, ac ne ad arma veniant, suas partes interponant. Sed cum aliqui ingenio, prudentia consilioque destituti, sibi ipsis in judicio superesse non possunt, nec quid justum sit aut jecus, indagare valent, necessitas rerum coëgit, ut quorundam hominum, ingenii, scientiarumque dotibus præditorum, opem subsidiumque implorent: hi *Advocati* sunt; quorum est officium, omnes ingenii nervos intendere, ut hominibus discordibus, ac ad judicium vocatis, vel convolantibus, salutari consilio adsint, quò suum consequi, aut iniquam petitionem refellere atque avertere queant. Antequam verò causam in judicium deducant *Advocati*, omnem operam dabunt, ut, quatenus fieri potest, animos hominum, ad lites propendentes, ad pacem & concordiam inflectant, maximis multiplicibusque litis incommodis, ob oculos positis; ut  
ni-

nimirum dicat *Advocatus*, ad causæ patrociniū vocatus; Negociosam rem esse, litigare, & non rarò susceptâ lite, periclitari amicitiam, ac dilectionem mutuam, tantoperè Christianis commendatam à Servatore nostro, scindi atque divelli; temporis quàm plurimum perire; facultates atteri, & quod omnium maximum est, animi tranquillitatem, cunctis rebus præferendam, perturbari; denique litem *ἰλιαν καὶ* secum trahere ac comitari; quod usque adeò verum est, ut Ulpian. in L. 4. ff. de alienat. judicii mut. causa fact. verecundam cogitationem ejus qui lites execratur, non esse vituperandam, asserat: præterquam, quòd litis, ut belli eventus dubius sit *l. quod debetur ff. de peculio*. ac non rarò major pars meliorem vincat. Quæ quidem usque adeò vera sunt, ut Poëta Martialis inter ea, quæ vitam faciunt beatiorem, quoque connumeret, nunquam litem habere. Quibus omnibus incommodis molestisquē enarratis atque propositis, si consultor deterritus à lite abstinerit, ac ad transactionem, amicabilemque compositionem animum converterit, benè se res habet, & fecit *Advocatus* quod debuit; eò ipsò declarans, se non proprium compendium, sed consultoris utilitatem solam respicere. Quod si vero spretis omnibus prædictis, consultor omninò sibi litigandum arbitretur, multi siquidem in Frisiâ quasi morbo quodam litigandi detinentur, proxima cura erit *Advocati*, ut causæ propositæ merita diligenter excutiat, & si justam legitimisque probationibus fultam (si facti quæstio fuerit) subnixamque perspexerit, suo patrociniò defendendam tuendamque suscipiat, observatis iis, quæ juris scripti decisiones,

ac



ac stylus curiæ ordinationesque observari præcipiunt, prout in sequentibus latius declarabitur. Quod si verò causam injustam, aut legitimis probationibus destitutam intellexerit, omnibus modis ab eâ intentandâ eum dehortabitur, propositis animi periculis longè maximis, cujus jacturam facturum sit, si in malitiâ perseverans, proximo molestiam creaverit sine causâ, non evasurus quoque Curie censuram, quæ notorias litigatorum calumnias, in processu deprehensas, multâ pecuniariâ coercere consuevit, ut ex duabus antiquis hujus Curie sententiis, xx. Decembris, anni cio ci XLIX. pronuntiatis cognovimus. Quo casu consultori, si urgeat ac instet, patrocinium denegare, ac periculi prædicti commonefacere debet, ne peccati contagione inquinetur, quod futurum est, si eum falsâ victoriæ spe lactatum, in litem præcipitaverit, magnis incommodis sumptibusque obnoxiam, non ignarus, quod si superior evaserit, parti adversæ ad restitutionem damni, sin succubuerit, clienti quoque suo omnia quæ injusta lis abstulit, resarcire teneatur.

Notoria litigatorum calumnias et fraudes in processu deprehensas multâ pecuniariâ coercere consuevit.

Exempla

## CAP. VII.

*Utrum justam causam fovendi liceat, adversarium injustè litigantem, dolò circumvenire.*

**A** Pud interpretes quæsitum meminimus, utrum Advocato justam causam fovendi permissum sit, adversarium injustè litigantem, dolo technisq; circum-

Questio

cumscribere. Et primâ quidem fronte affirmativa pars defendi posse videtur, ob id, quod reipub. expediat atque intersit, causam injustam persequentem, tanquam improbum civem, & justitiæ perversorem, reprimi, ac quoquo modo succumbere; ut eâ viâ justitia, omnium rerumpub. salus & conservatio vigeat atque floreat: injustitia, societatis humanæ putredo, repellatur atque exterminetur. Quam *Advocati* intentionem, justam, probatamque utique nemo diffitebitur, ac proinde laude ac commendatione dignam: Nam & in Canonibus, & legib. civilibus reperiuntur regulæ quædam & axiomata, huic affirmationi patrocinantia; nimirum, permissum esse, uti dolo adversus dolum adversarii, ac versutiam eludere: c. dominus 34. 2. ibi glossa, verbo malignantium. Archid. & Gemma. in c. cupientes, de Elect. in 6. Et in Reo, qui in veritate justam habet causam, omnino permissum esse asserunt DD. allegantes *Auth. quod attinet. C. de probat. & L. si quis in gravi. Ad Senatuscons. Syllaniam*: Quod & *Alciatus in tractatu præsumpt. Reg. 2. præsumpt. 31.* defendit; imò & *D. Augustini de bello* exstat sententia hæc: *Cum justum bellum suscipitur, ut apertè pugnet quis, aut ex insidiis, nihil ad justitiam interest.* Quibus tamen non obstantibus, *Euangelicâ lege*, quæ omnibus nobis Christianis mordicus observanda est, & retinenda in omnibus actionibus nostris, si divinam gratiam conciliare nobis velimus, id nequaquam, nec in reo quidem permissum censemus. Disertis siquidem verbis *Moses, Deuter. xvi.* omnibus, sive in judicio, sive extra judicium negocia tractantibus, præcipit: *Iuste quod*

D

ju-

*Resp.*

*neg.*



justum est persequere, ut vivas, & possideas terram,  
quam dominus DEUS dederit tibi. Quinimò & apud  
 Ethnicos ea in legibus duodecim tabularum extat de  
 gerendis bellis sententia, his verbis; *Bella justa justè*  
*gerunto.* Intelligebant siquidem viri isti summâ pru-  
 dentiâ præditi, istarum legum autores, licet Ethnici,  
 posse bellum esse justum, & tamen non justè geri.  
 Consimiliter quoque de litib. quæ privatorum sunt  
 bella, dici potest: quæ, licet justæ sint, injustè tamen  
 exerceri possunt. Quapropter *Advocati*, ista conside-  
 rantes, cavere debent, ne sub hujusmodi colore, Ad-  
 versarium clientis sui, licet injustè litigantem, dolo  
 circumveniant, vel supplantent. Id enim si fecerint,  
 non solum laudem apud cordatos piosque viros nullam  
 inibunt, sed famam nomenque suum denigrabunt:  
 ac semet conviciis probrisque objicient: denique i-  
 ram & indignationem divinam, ut simulatores & cal-  
 lidi, in se provocabunt. Neque enim patitur DEUS,  
justitiam sacrosanctam, (quæ virtutum regina est, &  
virtutes in se continet omnes) technis, machinationi-  
 bus ac mendaciis inquinari & contaminari; sed vult,  
eam veris legitimisque defensionibus sustineri atque  
defendi: non eget subdolo patrocínio ac fulcro: seip-  
sam tuetur ac vindicat: premitur quidem ad tempus  
nonnumquam, sed non prorsus opprimitur: imo cum  
matre veritate, ut palma, contra impositum calumni-  
arum onus assurgit. Ac proinde causa etiam justissi-  
 ma, in judiciis, non nisi veris, justis legitimisque  
 modis & mediis est asserenda & promovenda. Quod  
si dicas, non posse te obtinere quod rectum ac justum  
est, nisi istis artibus ac dolosis machinationibus utaris,  
 ref-

Object:

respondebitur, generalem esse regulam; non esse faci-  
cienda mala; ut eveniant bona: & non licere tibi *resp.*  
injustè agere, non magis quàm Adversariò. Præcep-  
 tum enim DEI, omnes sine ulla distinctione homi-  
 nes stringit, prohibentis omnem injustitiam dolum-  
 que malum. *Deuter. xxv. Marci x.* Cui consonat  
 D. PAULI Apostoli prohibitio disertis verbis con-  
 cepta: *Epist. i. ad Thess. cap. iv. Ne quis circumve-*  
*niat (inquit) in negotio fratrem suum.* Qui generalem  
 quoque regulam DEI, Corinthiis *Epist. i. cap. vi.*  
 in memoriam revocat. *An nescitis (inquit) quod ini-*  
*qui regnum DEI non possidebunt?* Unde non excusa-  
 bit te iniquitas adversarii tui, si eam imitatus fueris,  
 ad excludendam illius iniquitatem & injustitiam, diffi-  
 dens de potentia DEI; qui vera justitia & veritas ip-  
 sa cum sit, facilè, si volet, effecturus est, ut causa  
 justa ad optatum finem perveniat. Quod si tu justâ  
 causâ, veris legitimisque defensionibus usus, cecide-  
 ris, quod aliquando fit, ludicibus per sordes, aut im-  
 peritiam lapsis (homines enim sunt, labi & errare pos-  
 sunt) cogitare debes, mundum hunc in maligno po-  
 situm esse totum, teste Apostolo, *IOAN. epist. i. cap.*  
*v. & cum imperfectis tibi rem esse, qui quod æquum*  
*aut iniquum est, non intelligunt, aut licet intelli-*  
*gant, sequi recusant.* Deinde & illud tibi persuasum  
 habere debes, DEUM OPT. MAX. qui ad salutem  
 nostram cuncta dirigit, velle, ut cum patientiâ (in  
 qua animas nostras possidere debemus, teste CHRISTO,  
*Luc. xxi.*) injustam sententiam, tanquam hujus seculi  
 afflictionem, excipias, ut, hujus vitæ pertæsus, dis-  
 cas, DEUM cum affectu orare, ut illius regnum,



justitiâ, veritate, ac pace plenum, adveniat tibi in hâc lachrymarum valle peregrinanti. Quod si verò justam causam, injustis modis ac mediis non licet tueri, prout ex literis sacris ostendimus, quid his *Advocatis* exspectandum erit, qui injustas causas (quas *Zasius* iniquorum advocatorum pascua vocat) ex professo agunt & tuentur, exiguo lucellò redempti? Profectò pessimè sibi tales *Advocati* consulunt: Nam & conscientiam perjurio vulnerant: hominum odium ac vituperationem sibi comparant: & famæ jacturam irreparabilem faciunt: ac velut abjectamenta populi contemnuntur; etiam ab iis, quos malis artibus ac dolis defenderunt atque tutati sunt. Utinam hæc *Advocatorum* mentibus insculpta impressaque hærent! ac nobilitatem professionis suæ (l. 7. *C de postulando*) ipsi perpenderent! Certè non tam malè audiret apud vulgus hominum ordo noster, odio plus quàm *Vatiniano*, doctis infensum infestumque. Sed quia multi reperiuntur (proh dolor!) *Advocati*, qui, prædictorum obliti, solum lucrum, quo jure quæve injuriâ partum, tanquam scopum sibi propositum habent, ad quem collimant. Hinc illæ lachrymæ: hinc in *Advocatos* convicia, viris bonis honestisque non ferenda; quæ nunquam evitabunt, nisi bonâ fide ac conscientia causas agentes, ac eâ gravitate atque modestiâ praxin exercentes, quâ debent, ipsis factis ostendant, timorem DEI præ oculis se habere: ac operam dare, ut virtutis ac probitatis famam & existimationem apud homines sibi comparent. Atque huic quidem sententiæ nostræ adstipulatur quoque amplissimus vir *Ioachimus Hopperus*, *Eques auratus*, & *Status Belgici apud Philip-*

*lippum*, II. *Hisp. Regem, Consiliarius*, singulare Frisæ decus & ornamentum, summus & philosophus & jureconf. qui in libello, cui titulum fecit, Ferdinandus, sive de Institutione Principis, his verbis utitur: *Haud est bonum facere, nisi id ipsum benè facias; hoc est, eâ ratione ac viâ, quâ oportet: Unde in sacris literis judicia Dei justè judicari jubentur. Estque non minus vitiosum, rem justam facere injustè, quàm ipsum facere injustum.* Proinde non est, quod quisquam sibi blandiatur, si dicat; bonum esse dolum quo utitur, eumque legibus Civilibus, quinimò & Canonicis, permis- sum esse, solertiamque vocari à Jurisconf. l. 1. §. 2. ff. de Dolo malo. Lex enim divina clara est ac rotunda, omnibus Christianis mordicus observanda, quæ omnem omnino dolum, fraudem, ac circumventionem proximi prohibet, absque ullâ distinctione & exceptione, si iram ac vindictam divinam incurrere nolint. DEUS enim non irridetur; cujus regnum aut sinceris animis adeundum est, aut æternum supplicium accipiendum.

## C A P. V I I I.

*De Cautionibus, quas Cautelas vulgò appellant, & quatenus Advocato usus earum, permissus sit.*

CUM nemo ignoret, passim eos, qui forensē praxin exercent, malè audire, cū ob alia, tum



eo quoque nomine, quod vulgus hominum jactitet ac spargat; nihil ferè in exercendis litibus Advocatos agere, quàm ut adversarium, certis quibusdam verborum formulis, tanquam decipulis, callidisque machinationibus ac tricis circumscribant, cautiones nempe denotans, veri earum usus ignarum: operæ precium nos facturos existimamus, si & hanc ab *Advocatis* calumniam, sinistramque opinionem, amoliamur. Illud quidem negare non possumus, exstare multorum scripta, quibus cautelarum materia pertractatur ex professo, quæ in omnium manibus sunt. Inter quos celeberrimus est *Bartholomæus Cæpolla Veronensis*, insignis autor, qui in hac materiâ primas facilè tenet. Cujus in causis criminalibus responsa, quæ consilia vulgò dicuntur, per totam Europam omnium manibus teruntur. Hunc secuti sunt complures alii, *Thomas Ferratius*, *Ioannes de Arnono*, *Marc. Ant. Blanc.* *Raimondus Pius Fickard.* qui in diversis hominum judiciorumque actionibus, varias cautiones clausulasque literis mandârunt. Quarum aliquæ non solum ineptæ sunt, atque ridiculæ planè, sed quoque impiæ reperiuntur, homine ethnico, imò *Barbaro*, *Gotho* ac *Vandalo*, nedum *Christiano* indignæ, quæ expungi, perpetuoque premi silentio, merentur. Quas nos vulgi dictæ, contumeliosisque *Advocati* appellationibus, occasionem præbuisse arbitramur, ut nunc rabulæ forenses, modo vulpes, nunc pilorum sectores, ac Curiarum canes & harpyiæ dicamur, aliisque probrosis nominibus passim traducamur. Hæc ut effugiant *Advocati*, operam dare debent, ut verum legitimumque cautionum (quæ & remedia à Jurisconsultis ap-

quæ sunt cautela?



appellantur *l. statu liberos. §. idem Servius. ff. De statu liberis. l. si quis duos ff. De solut.*) usum intelligant atque percipiant; ut eâ ratione sibi clientibusque, quos in fidem suam receperunt, prodesse ac prospicere queant. Id enim, Iurisperiti munus esse ac officium, testatur Cicero, eloquentiæ parens, libro 2. de officiis. his verbis: *In jure cavere, consilio juvare, atque hoc scientiæ genere prodesse quam plurimis, vehementer & ad opes augendas pertinet, & ad gratiam.* Proinde *Advocati* officium in eo versari existimamus, ut in causis agendis, litibusque exercendis, rectè legitimèque cautionibus atque juris remediis utatur, prospiciens, ne adversæ partis malitiâ doloque deceptus, cliens damnum accipiat, ac in captionem incidat. Neque enim alius cautelarum usus admittendus est: Nam adversarium clientis sui, dolosis ac reprobatis technis ac machinationibus tricisque circumvenire, & supplantare, Christiano, bonæque fidei *Advocato*, permisum non esse, etiamsi injustam ille causam moveat, cap. 7. disseruimus, ac sacræ Scripturæ autoritatib. confirmavimus. Nam & D. PAULUS Apostolus, *Epist. 1. cap. xiv.* expressis verbis monet Thesalonicensis: *Ne quis (inquit) fratrem suum in negotio supergrediatur ac circumveniat.* Et Colossensibus prædicit; *eum, qui injuriam facit, recepturum id, quod iniquè gessit. cap. 3.* Utetur itaque *Advocatus* circumspectus cautionibus licitis, remediisque juris permissis, à Cæpolla, aliisque autoribus traditis, tanquam pharmacis quibusdam, à morbis impendentibus corpus præservantibus, non verò venenis malis (sunt enim & venena bona, teste Cajo in l. qui venenum ff. de verb.

sig-



*significat.*) adversario clientis sui damnum præjudici-  
umque inferentibus: Id enim nec *Advocato* Christia-  
no, nec viro vel politicè probo, licere antè diximus:  
Interim tamen, non imus inficias, ad munus offici-  
umque providi *Advocati* quoque pertinere, ut istas  
cautelâs reprobâs, vâfriciâsque captiosâs, notâs per-  
spectâsque habeat, ut eâ ratione ac viâ, adversarium,  
istiusmodi decipulis utentem, repellere, atque à clien-  
te damnum avertere possit. Nam ut Medico non so-  
lùm salubrium herbarum est notitiâ necessaria, sed &  
noxiorum quoque pharmacorum ac venenorum, ut à  
se aliisq; opem illius implorantibus, malum arcere  
ac fugare possit: Ita quoque Jurisperito & Advocato,  
in foro versanti, (cui *Ulpianus in l. justitiâ. versic. fi-  
nali ff. de justit & jure.* justî injustique scientiam tri-  
buit) harum cautelarum reprobatarum notitiâ necessa-  
ria est; ne illarum ignoratione in captionem incidant,  
quos patrocinio suo defendendos suscepit. Et sanè  
rectè *Ulpianus* injusti scientiam jurisperito tribuit,  
*in d. l. justit.* praxin vero minimè; utpote qui non  
ignorabat, legum scopum esse unicum, pœnarum me-  
tu homines in officio continere, & à delictis deterre-  
re. Tametsi juxta *Plinium Secundum*, in Epistolis,  
*lib. 2. Epist. 27.* Nos, qui in foro versamur, verisq;  
litibus terimur, multum malitiæ, quamvis nolimus,  
addiscimus. Concludendum itaque in hac materiâ est,  
licere non tantùm *Advocato*, sed & expedire, ut cog-  
noscat, quid sit reprobatum, quid noxium: sed proximo  
nocere, damnumque dare, artibus illis reprobatis,  
& lege charitatis, à CHRISTO nobis traditâ *Matth.*  
VII. vetamur, & honestati politicæ, quam Ethnici quo-

quoque fervarunt, minimè consentaneum est; quod *Cicero* eleganter & latè in libris de officiis tractat. Ad quam charitatis legem, tanquam ad *Lydiū* lapidem (quod dicitur) hominum actiones examinabuntur. Ut autem revertamur, unde digressi sumus, dicimus, scientiam eorum, quæ prava noxiaque sunt, improbari non posse, quando non in hoc nobis mala proponuntur, ut ea sequamur, sed ut cognita vitemus ac detestemur. Alioqui enim nec venenatæ rerum materiæ, nec virus ejaculantia reptilia, scripto prodenda essent, ne aliqui his ad perniciem utantur. At cū venenatorum cognitio hoc commodi præbeat, ut ne ignari ab illis lædamur, aut vitæ damnum incurramus, non mirum est, si *Advocato* reprobatarum cautionum notitiam necessariam esse concludamus.

## C A P. I X.

*Quod sit officium Advocati in tractandis litibus coram hac supremâ Curiâ.*

Hoc membrum capite sexto tractare cœpimus, sed non plenè discussimus: ideoque consultum esse arbitramur, illud paulò plenius excutere. Diximus prædicto capite, *Advocato* ante omnia advigilandum, ne quælibet causas, absque discrimine, agendas suscipiat: sed ut merita ejus, quæ intentanda defendendaque proponitur, diligenter examinet, ac re in omnes partes perpensâ, eam tantum suo patrocini-  
E
dam



dam adsumat, quam justam, legitimisque rationibus probationibusque fultam, perspexerit. Ut autem id consequatur, adniti debet, ut animum ab omnibus affectibus habeat liberum: Nam si, vel amore vel odio, vel spe vel metu, præoccupatus fuerit, nullo modo quod justum æquumve, aut secus est, percipere poterit. Quod eleganter *Boëtius* in libro de consolatione philosophiæ, lib. 10. his versibus describit:

*Tu quoque, si vis, Lumine claro  
Cernere verum, Tramite recto  
Carpere callem, Gaudia pelle,  
Pelle timorem, Spemque fugato:  
Nec dolor adsit; Nubila mens est,  
Vinetaque frenis, Hæc abi regnant.*

Liber enim in deliberatione debet esse animus, nec ullis affectibus abripi: liber autem esse nequit, cui affectus imperant & cupiditates dominantur. Quem, quia aliqui *Advocati* ad causam concreditam non adferunt, fit, ut non tam quid justum æquumque sit, quam quid ad victoriam causæ, quam susceperunt, obtinendam expediat, inquirent: & si spes victoriæ nulla supersit, hoc agunt, hoc moliuntur, ut adversarium litemque, dilationibus pluribus ac tergiversationibus extrahant, morasque injiciant, & quantum fieri potest, immortales reddant. Quo nomine pessimè noster ordo apud populum audit, atque traducitur, adeò quidem, ut in proverbium ferè abierit: *Quo quis jurisperitior, eò nequior*. Durissimum quidem & abominandum est istud dictærium, & viris honestis non ferendum: sed si verum fateri velimus, reperiuntur ali-

aliqui, qui absque ullo discrimine, si modo spes doli affulserit nummi, causas agendas suscipiunt, & quo minus habent injure fundamenti, eò plus diligentiae impendunt, ut eas ad optatum finem perducant. Quod si palmam, Judicibus circumventis, tenebrisque objectis, per fas nefasque obtinuerint (quod nonnunquam fit; sunt enim homines, labi & falli possunt) quasi re benè gestâ, gloriantur in malitiâ, & fertiliorrem sibi in posterum praxin pollicentur. Qui tamen magis probare debebant, satius esse honestè vinci, quam vincere malè per contrarium spiritum; cum animam lædat conculcata justitia. Hi & consimiles *Advocati* in bonis viris connumerandi non sunt; sed potius tanquam carcinomata pestesque reipub., hominum commercio atque societate (ut antè diximus) pellendi. Nam, ut Nilus Episcopus & Martyr inquit: *Qui malis præstant patrocinium, non solum scelerum adjutores sunt, sed & peccati communione inquinantur.* Quod genus hominum *Plato* ille divinus usque adeò execratur, *Dialogo. II. de legib. in fine.* ut lege latâ civem, in rep. bene constitutâ, morte plectendum censeat, si avaritiâ justitiæ vires, in animis judicum, in contrarium vertissè, ac præter opportunitatem, multa litigia movissè, aut moventibus adfuisse, convictus fuerit. Et in istiusmodi ritè quadrat probrosum dictærium antè relatam: de bonis & integris *Advocatis* non accipiendum; qui legibus & magistratibus obsequentes, in hoc solum incumbunt, ut unicuique quod suum est, salvum esse, concordia inter cives retineri, & reipubl. tranquillitas conservari possit; quâ conturbatâ convulsâque, privatorum facultates in tuto esse non



possunt. Quemadmodum autem sollicitè *Advocatum* prospicere debere diximus, ne injustæ causæ patrocini-  
um ullatenus suscipiat, alioqui gravissimè DEUM offen-  
surus, Ita quoque cavere debet, ne justæ causæ defen-  
sionem requisitus deferat; præsertim, si pauperem, vi-  
duam, vel aliam personam miseratione dignam, cau-  
sa concernat. Istiusmodi enim personis, omni hu-  
mano præsidio subsidioque destitutis, in iudicio labo-  
rantibus adesse, opemque ferre gratis, si paupertate  
premuntur, tenetur, etiam si à iudice non injungatur:  
quo jubente si reculaverit, advocationibus sibi inter-  
dictum iri non dubitabit: l. providendum. C. de postu-  
lando. Cùm certum sit, ad officium iudicis quoque  
pertinere, ut pauperi, adversus potentiorē litigan-  
ti, & advocatum habere non valenti, aliquem det at-  
que constituat, l. nec quicquam. §. observare ff. de  
offic. proconsulis. Qui illius defensionem, & quidem  
gratis, ad litis eventum (si inopem se esse, & fide-  
jussorem invenire non posse, jurejurando affirmet)  
suscipiat. Eâ siquidem declaratione factâ, ab impen-  
diis Curiae, ad litis eventum, liber erit. Proinde *Ad-*  
*vocatus*, cujus partes sunt, quàm plurimos consilio  
juvare, si nomini famæque consulere velit, ac con-  
scientiam liberare, enitendum sibi putabit, ne quis-  
quam sit, qui sibi denegatum ab eo patrociniū fuis-  
se, aut causam non pro dignitate plenèque tractasse,  
sed dicenda transisse, & quæ inculcanda, infigenda,  
repetendaque fuerant, cursim breviterque (quod *Pli-*  
*nus* prædictus prævaricationem vocat, *lib. 1. Epist.*  
*ad Corn. Tacitum*) attigisse, meritò conqueri possit.

CAP.

*Si Advocatus jubente  
iudice pauperis & viduæ  
causam orare recusaverit  
advocationibus ipsi interdictum  
potest.*





scientiæ suæ satisfaciant, si causam injustam, aut probationibus destitutam, deprehenderint, opëram dabunt, ut ab eâ intentandâ consultorem dehortentur, positis ob oculos litis incommodis damnisque, Capit. vi. relatis. Id enim facere tenentur, ac clientem suum ad justitiam erudire, ut tanquam stellæ in perpetuas fulgeant æternitates. *Daniel. xii. cap.* Quod si vero justam causam, legitimisque probationibus instructam, (utrumque siquidem requiritur, l. cum qui ff. de probat.) perceperint, alacriter eam defendendam suscipient. Antè omnia verò de mandato legitimo sibi prospicient, idque Actis inscribi curabunt:

Advocate autem omnia  
in iudicio et et sibi pro  
spiciat de legitimo ma  
dato;

Alioqui enim contingere potest, ut mandati, à cliente transmissi, amissione, si bonæ fidei non fuerit, magnis molestiis, quinimo & damno *Advocati*, involvantur. Quod alicui, ex primariis hujus Curie *Advocatis*, viro docto & acuto, olim contigisse intelleximus; cui res erat cum homine versipelle & improbo, qui Curie sententiâ ad certam pecuniæ summam non modicam condemnatus, negabat, se *Advocato* mandatum dedisse. Qui, nisi Curie de mandato, oretenus dato, fidem fecisset ex aliquibus indicis, solutionem adjudicatæ pecuniæ evadere nequisset. Itaque, ne in istum scopulum impingat *Advocatus*, faciet, quod paulò ante dictum est. Nisi mandatum à Notario à Curia approbato, aut coram Juridicis seu Decurionibus confectum, vel si Prælatus, pastor aut nobilis sit, ipsius sigillo ac subscriptione confirmatum, clausulâ substituendi munitum, habeat: istiusmodi siquidem procuratoria (ut loquuntur practici) paribus passibus ambulant, eandemque vim ob-

Quid sit et quomodo  
confici debeat Legitimum  
mandatum?

ti-



tinent, quam eâ, quæ Curia Actis inscripta sunt,  
 ut ex Ordinatione Curia liquet, *Rub. 10. Lib. 3.*  
 Et tantò quidem magis de mandato valido sibi prospi-  
 cere debent *Advocati*, quòd inter interpretes magna  
 sit concertatio, utrum is, cujus nomine litigatum est,  
 post latam sententiam, ea, quæ ipsius nomine absque  
 mandato gesta sunt, rata habere possit, quibusdam id  
 affirmantibus, aliis vero negantibus; ob id, quòd  
 post latam sententiam, peremptâ instantiâ, ratihabi-  
 tioni locum esse negent: inter quos est *Ferrariensis*  
 exquisitissimus autor, *In formâ responsionis Rei, in*  
*glossâ super verbis, Simonius Spelta.* Deinde curabit  
*Advocatus*, ut instructionem, à cliente suppedita-  
 tam, juxta Curia Decretum, 20. Decembris anno  
 1541. promulgatum, & Enchiridio Statutorum inser-  
 tum, scriptis mandet, atque penes se conservet, ut  
 requisitus, eam Curia ostendere possit, ac clientem,  
 quandò in causâ scribendum est, magnis sumptibus  
 evocare sæpè non sit necesse: Id enim si fecerit, Cu-  
 ria suam conscientiam comprobabit, quæ percipiet,  
 nihil ab eo allegatum, articulisque probatoriis com-  
 prehensum esse, quod instructio, à cliente data, non  
 contineat, & clienti, postmodum amissâ lite conque-  
 renti, facili negotio os obstruere poterit. Hæc quia  
 rarò fiunt ab *Advocatis*, hinc in judicio voces illæ in-  
 excusabiles multorum audiuntur; *respondere nequeo,*  
*quia instructione careo;* in portu (quod dici solet) nau-  
 fragium facientes. Qui tamen ignorare non possunt,  
 paria esse, scire vel scire debere.

*Questio*

*Pretor Advocato in*  
*respondendo d. et instructio*  
*non à cliente accipiat.*  
*nam scriptis mandet.*



## CAP. XI.

*Quomodo apud Judicem se gerere debeat  
Advocatus.*

SUPERIORIBUS aliquot capitibus explicatum est, quæ sint partes *Advocati* ergà omnes in genere homines: deinde ergà proprium clientem: nunc quomodo apud judicem se gerere debeat, inquirendum est. Illud autem in primis observare debet *Advocatus*, ut judicem, tanquam DEI ministrum, omni honore ac reverentiâ afficiat, debitam obedientiam ei deferat, nihil contrà dignitatem illius acerbè, vel contumeliosè dicat, vel scribat. Id enim Ordinatione Saxonica, Enchiridio Statutorum, *Tit. de Advocatis, artic. 17.* insertâ, expresse prohibetur. Deindè, juxta ejusdem Curia Decretum, 15. Martii anno 1597. publicatum, & prædicto Enchiridio comprehensum, *Advocatus* in judicio honestè decenterque se gerere, ac loco, & corporis habitû decore componere tenetur, prout honestas exigit, non divagari in auditorio, nec clamosis sermocinationibus, imò fabulis, illud turbare debet: Subtrahere verò sese absque Commissarii licentiâ, quandò copiam sui facere debet, quod à quibusdam fieri vidimus, non solum turpe est, sed in contemptum & judicis, & adversarii tendit, quos eludere velle videntur, qui id faciunt, quos in aliis Tribunalibus non impunè ferunt. Jam verò, si quid in judicio oretenus proponendum,  
aut

aut postulandum erit, clarâ voce, & consueto loco, ac intrâ subsellia *Advocatorum* consistens *Advocatus*, id facere debet; ita quidem, ut à Curiae Delegato (quem *Commisarius* vocant) *Advocatus* exaudiri queat, adhibitâ præmissâque verecundâ præfatiunculâ, exemplo Tertulli Oratoris, *D. Paulum* accusantis, *Act.* xxiv. & ipsius quoque *Pauli*, apud Regem *Agrippam* causam suam defendentis, *Act.* xxvi. & non illotis (quod dicitur) manibus in verba prorumpere, quæ omnia, constitutione Curiae prædictâ, cauta atque præcepta sunt. Debet itaque *Advocatus* omnem Curiae reverentiam deferre, ut dictum est; ne secus faciens, & violati jurisjurandi notam sibi contrahat, & indignationem Consiliariorum incurrat, quinimo & coercitionem arbitrariam excipiat.

*Advocati si Senatori et Senatoribus iustam deus gentem reverentiam præstare arbitrio possunt: et exemplum dicitur:*

Cujus rei exemplum nos, cum *Mechlinia*, *Advocati* munere in magno Senatu fungeremur, in primario ejusdem *Parlamenti Advocato*, amico & familiari nostro vidimus, nimis triste: Is enim, quod Præsidem ejusdem Senatus, Dominum de *Waterdyck*, Equitem auratum, è prosapiâ *Comitum Bergensium*, à quo pridie in auditorio, *Advocatis* ac *Procuratoribus* præsentibus, acerbè taxatus perstrictusque fuerat, supplici libello (quem nobis postea, re non integrâ, legendum dabat) prædicto Senatui magno, nimis calido consilio, insciis omnibus exhibito, contumeliosè traduxisset, post diutinam apud primum apparitorem detentionem, in Senatum prædictum adductus, omnibus *Advocatis* *Procuratoribusque* ad spectaculum evocatis, cum ad *Procuratoris* generalis interrogationem, flexis genibus, libellum supplicem, quem manu

F

te-



tenebat, à se conscriptum exhibitumque declarasset, verbis, præeunte prædicto Procuratore generali, palinodiam deprecationemque solennem continentibus, prolatis, prædictum libellum supplicem suis manibus dilacerare iussus fuit; quod nobis omnibus inspectantibus quoque fecit; cui & unius anni spacio *Advocatione* etiam interdictum fuit. Proinde isto exemplo deterriti, refrenandum esse stylum, & intrà limites modestiæ manendum, consulimus, quoniam est

*Felix quem faciunt aliena pericula cautum;*

Ut habet versus ille notissimus. Nos certè ante annos triginta, eam reverentiam Curia ejusque Delegatis exhiberi vidimus, ut nec inhonesti verbi prolatio impunita fuerit. Quidam enim apud Commissarium turpiloquio usus, relatione ad Curiam factâ, duodecim Carolinos aureos fisco inferre condemnatus fuit. Quam irreverentiam *Ordinatio Curiaë Hollandicæ* quoque strictè puniendam coërcendamque præcipit. *artic. 72.* Et, ut verum fateamur, in eo potissimum sita est reipub. salus & conservatio, si Magistratui iudicibusque sua constet autoritas & reverentia; quam vel maximè tueri debent *Advocati*, juris legumque periti & justitiæ sacerdotes: qui in hoc incumbere debent, ut homines omnes reverentiâ iudicum in officio contineantur. Ad hæc cavebit *Advocatus*, ne iudicis animum fictis coloribus, falsisque allegationibus pervertat: id enim si fecerit, DEUM, qui ipsa justitia & veritas est, gravissimè offendet, & contrà viri boni, nedum Christiani, officium peccat & delinquit. Ex quo patet, quantoperè peccent ii, qui clientibus

exc-

*Quid sit observandum  
Advocatis?*



execrandum consilium dant, ut iudicis animum integritatemque donis muneribusque expugnent atque pervertant, ut victoriam consequantur, quorum quanta sit vis, in istâ impietate patranda, abundè sacræ literæ docent: *Excæcant enim munera oculos sapientum, & mutant verba justorum. Deuteron. xvi.* Nulla certè major iniquitas ab *Advocatis* perpetrari potest, quàm si scelestis istiusmodi consiliis, & clientum, & iudicum animos corrumpant, ut sui voti injustissimi compotes fiant. Quam improbitatem leges civiles usque adeò detestantur, ut litigatorem, istius criminis convictum, amissione totius causæ mulctandum decernant: l. utputa. §. sed & si dedi. ff. de condict. ob turpem causam. *Advocatum* certè, præter infamiæ notam, æternus manet interitus: Facit enim impio isto consilio, ut cliens, injustam causam obtinens, parti adversæ quod suum est, sub velamine *Justitiæ* auferat. Quo casu in conscientiam consulere tenetur clienti victori, ut adversario restituat, quod injustâ sententiâ ademit: quinimo & ipse ad salarii, quod pro patrocinio turpissimo solutum est, restitutionem tenetur, cum sit lucrum longè iniquissimum, teste *Domino AUGUSTINO, Epistola xxxviii. Mona. Titul. de Advocatis.* Deinde cavebit *Advocatus*, ne iudicem falsis allegationibus vel abrogatis legibus, in suam trahat sententiam: quod qui faciunt, & conscientiam perjurio vulnerant, & honori pessimè consulunt, *Justitiam* & iudicem supplantantes, & proximo, quod suum est, injustâ sententiâ auferentes. Qui certè gravissimè contra legem charitatis, nobis tantoperè à *CHRISTO* Salvatore commendatam, peccant,

F 2

&amp; in

Si litigans convictus sit  
sed iudicem donis muneribus  
corruptum voluit  
amissionem totius causæ mulctandum  
advocatum greg  
qui istius consilii auctor erat  
præter infamiæ notam æternus  
interitus.



& in præceptum Decalogi, *non furaberis*, impingunt. Licet enim manibus rem alienam non contrectent invito domino, faciunt tamen, ut proximo quod suum est auferatur, sub juris etiam justitiæque velamine; quæ utique deterrima furti species est. Isti autem certò sibi persuasum habere debent, non defuturam ultionem divinam, quæ tanquam *Nemesis* & *Adrastia*, implacabiliter scelera vindicat, infensa impiorum facinoribus, eisque insuper, qui his patrocinantur; quod *Philo* Judæus justitiæ tribuit, in *Tractatu de confusione linguarum*, peculiare ac proprium.

## CAP. XII.

*Quomodo clientis sui adversarium tractare  
debeat Advocatus.*

**S**uperioribus capitibus demonstratum est, quod sit *Advocati* officium erga proprium clientem, item erga judicem causæ; nunc videndum, quomodò clientis sui adversarium tractare debeat. Illud itaque semper *Advocato* considerandum & cogitandum est, se justitiæ sacrosanctæ ministrum esse, imò & sacerdotem: nec lege divinâ, etiam humanâ cessante, licere sibi quemquam vel verbis, vel scriptis lædere atque traducere. Si enim secus fecerit, non censebitur rectè inter homines agere, sed contrà legem charitatis peccare; quâ vetamur alteri facere, quod nobis factum nolumus. Cavebit ergo *Advocatus*, ne in adversarium

rium clientis sui sit injurius, illum in processu conviciis lacerando, quod ab aliquibus sine discrimine fieri videmus. Nihil enim turpius fingi potest in *Advocato*, qui legum scientiam profitetur, quam si eò insolentiæ progrediatur, ut adversarium clientis contumeliosè perstringat. Quam conviciandi libidinem usque adeò à foro judiciisque remotam esse debere asseverat *Plato*, ut XI. dialogo de legibus, lege latâ fugandam prohibendamque contendat his verbis: *Multis autem modis homines furore aguntur; alii morbo, ut hi, de quibus modo diximus: alii per iracundiam prava naturæ vitiosamque educationem, qui parvis inimicitiiis moti, altius inclamant & turpiter inter se conviciantur. Nihil verò tale in civitate bonis legibus institutâ fieri decet. De convicio igitur hæc una omnibus lex ponatur: Nemo alicui convicietur. Sed quicumque cum alio de re quapiam ambigit, discat omni conviciò prorsus abstinere. Cum enim sibi invicem verbis turpibus maledicunt, muliebres habentur, & in primis ex verbis, quæ certè levissima res est, odia gravissima & inimicitia sæpè nascuntur. Rationem certè gravissimam subjicit *Plato*, quare à conviciis projiciendis in proximum sit abstinendum: Nam & inimicitia maximæ sæpè nascuntur, inquit, quæ non rarò in cædes ac homicidia exeunt. Turpe certè esse, conviciis se invicem proscindere, maximè in judicio, nemo diffitebitur; cum plerunque & ridiculi fiant conviciatores, ridicula per iram, & commotionem, ut plurimum in adversarium proferentes, ut idem *Plato* prædicto loco subjicit. Quod si verò causæ, quam tractat, qualitas talis sit, ut necessitate ad illius defensionem, personæ, cum*



*Duo casus quibus Advoca-  
to permissum est, si  
adversarius perstringatur.*

2<sup>o</sup>

quâ cliens litem habet, turpitudinem allegare cogatur: utpote si frater aut soror ab hæreditate fratris sororisve, turpi personâ institutâ, exclusus fuerit, quam nisi allegatâ hæredis instituti turpitudine, obtinere nequit, nihil præter boni viri officium fecisse censebitur, si eam objecerit, cum jure legibusque permittentibus id faciat, *l. fratres. C. de inoffic. testamento* ac ob id iustè. Quod & tum locum habet, si objectâ clientis iustâ exhæredationis causâ, ad excludendum eum ab inofficiosi querelâ, de inhabilitate objicientis exceperit, quod videlicet in pari turpitudinis causâ, potior sit hæredis instituti, quam ejus, qui per inofficiosi querelam hæreditatem petit. Nam & alias, si hæres institutus indignus esse hæreditate dicatur, aut ex causâ ingratitudinis, legibus expressâ, exhæredatus, non dubium est, quin causarum istarum allegatio *Advocato* permissa sit: neque enim ex libidine conviciandi, sed necessitate officii, talis sit objectio & allegatio, *arg. l. mater. 2. C. de calumniat.* Quod si iste casus inciderit, providebit *Advocatus*, ut sufficienti mandato munitus, ea scriptis complectatur, aut subscriptione clientis omnem à se invidiam divertat & amoliat. Illud certè *Advocati* Christiani fuerit, cum modestiâ in istis allegationibus odiosissimis versari, ne ullam adversario clientis, vel judici occasionem præbeat suspicandi, quod libenter & cum voluptate, istos proximi defectus vitiaque detexerit & revelaverit: Quin potius in istis chyrurgorum mores consuetudinemque imitabitur, qui non, nisi summâ necessitate compulsi, ad extrema ista remedia, sectiones, ustionesque procedunt, nec sine commiseratione quidem. Quod



Quod si eâ conscientiâ, in istiusmodi causis litibusque versatus, odium inimicitiasque sibi conflaverit causarum patronus, ut solet plerumque fieri, hominibus laicis rerumque imperitis, lapidem projectum, more canum, non projicientem mordentibus, non debet commoveri nec indignari; sed humanæ fragilitati adscribere, & cogitare, ita naturâ comparatum esse, *ut obsequium amicos, veritas odium pariat*; teste Comico. Interim tamen nemo diffitebitur, per molestam esse *Advocatorum* provinciam, qui plerumque in partis adversæ, totiusque cognationis familiæque odium incurrunt, ac offensas maximas subeunt, quas nos non rarò experti sumus. Sed quid facias? ferenda sunt ista; ac cogitandum, quod cum perfectis non vivitur; nec perfectionem in hâc vitâ, hominibus naturâ ad pessima propensis, sperari posse: eaque omnia æquo animo ferenda esse, Deoque committenda; qui novit, quid nobis maximè expediat. *Advocatus* certè firmiter credere debet, non defutura sibi præmia, quæ (CHRISTO teste) manent eos, qui persecutionem patiuntur propter justitiam: Certè eam requirit in *Advocato* hæc professio animi fortitudinem, ut nec metu, nec minis, nec prece, nec precio, justæ causæ defensionem detrectet, vel injustæ patrocinium suscipiat; *Papiniani*, illius juris coryphæi, hominis ethnici, exemplum secutus, qui interfici, quam impii Principis *Caracallæ* parricidium excusare, maluit, dicens, facilius id patrari, quam defendi posse. Sed quia rarò in istas angustias *Advocati* rediguntur, quibus tales causæ non offeruntur, illud saltem præstare debent, ne in litibus exercendis, ab eo, quod re-

ctum



atum est, defleant, vel spe vel metu; istius versus memores:

*Tu ne cede malis, sed contra audentior ito.*

### C A P. X I I I.

#### *Quomodo partis adversæ Advocatum tractabit.*

MUltis videbimur frustrà hunc laborem sumere, descripturi *Advocatorum* officium erga se invicem: statim enim objiciet aliquis, anne nobis tacentibus id intelligant? Fatemur equidem *Advocatos*, qui legum peritiam profitentur, omniaque humanitatis studia ab incunabulis (quod dici solet) imbiberunt, ignorare non debere, quæ suæ sint partes ergà eos, quos capitibus præcedentibus commemoravimus; sed vel maximè erga se invicem. Sed quia *Advocatis*, ut hominibus naturà fragilibus, dum in hac lachrymarum valle peregrinantur, adest infirmitas ista, quam *D. Paulus* se sentire conquerebatur; *ut bonum, quod vellet, omitteret: & malum, quod nollet, faceret*: operæ pretium nos facturos arbitramur, si eam quoque partem paucis perstrinxerimus, Ita enim fiet, ut nostrarum præceptionum memores, operam demus, ne unquam præter officium aliquid committamus; audituri alioqui:

*Turpe est doctori, cum culpa redarguit ipsum.*

Et consequemur, ut filius noster, paternis præceptis monitisque instructus, advocationem absque reprehensione

sione sit executurus. Illud erit itaque *Advocati* ergà *Advocatum* partis adversæ munus, ut debitam illi reverentiam & honorem, tanquam symmystæ, tam in Curiâ atque auditorio, quàm in publico, & ubique locorum deferat, ab omni contumeliâ conviciisq; prorsus abstineat; alioqui in constitutionem Imper. l. *Quisquis C. de postulando* & ordinationem Curix, ultimâ novembris 1602. promulgatam, ejusque pœnam incursum. Neque enim patitur istarum legum dispositio, *Advocatum* eò insolentix progredi, ut non erubescat symmystam, ejusdemque professionis virum, conviciis lacerare, & planè caninam facundiam exercere. Et sanè animi impotentis est signum, affectibus usque adè abripi, ut publicæ honestatis publicarumque legum nullâ habitâ ratione, quis non vereatur, fratrem in professione contumeliosè excipere, jus clientis sui defendentem. Quod quia vulgus hominum fieri sæpe videt, hinc fit, quod simulatas istas contentiones rixasque advocatorum existimet, & summâ in Curiâ natas, vino postmodum dilui ac mergi asserat: Quod dièterium non aliâ viâ ac modo effugient *Advocati*, quàm si ab omni acriori contentione abstinentes, de jure partium modestè, graviterque & amicè, remotâ omni acerbitate verborumque amarulentiâ, inter se conferant. Ita siquidem futurum est, ut à contemptu populi, vulgique, literatis omnibus infestissimi, se vindicent, ac professioni suæ, multis laboribus, sumptibus, periculisque comparatæ, teste *Frederico Imperatore Auth. habita C. Ne filius pro patre* debitum honorem asserant. Quos artium liberalium scientia, divini humanique juris

G

pe-



observa-  
tio.

peritia, atque professio, meritò intra cancellos modestiæ continere debet; nedum divinæ vindictæ metus, divinique judicii extremi terror; in quo & de otiosis, nedum amarulentis verbis conviciisque, reddenda erit ratio. Tametsi & Curia censuram non effugiant *Advocati*, legis prædictæ violatores, pecuniariam multam irrogantis. Quod olim celeberrimis *Advocatis* contigisse, antiqua docet sententia, 15. Februarii 1547. pronunciata. Quàm autem sit turpe in judiciis conviciis certare, & qui sequantur effectus mali ac perniciosi, ex *Platone*, capite præcedenti citato, liquidò patet.

FINIS PRIMÆ PARTIS.

C A P. X I V.

*Quomodo in exercendis Ordinis Iudiciarii partibus versari debeat Advocatus, & primum in citatione impetrandâ et exequendâ.*

Antè capite decimo relatum est, quod sit *Advocati* officium ergà proprium clientem, atque ibidem tradidimus, cautè prudenterque facturum, si instructionem causæ à cliente datam, scriptis complectatur, atque penes se reservet, juxtà Curia Ordinationem ibi allegatam: Et rationes, quare id facere debeat, adjecimus. Nunc tractationis series postulat, ut explicemus, quæ sint *Advocato* Actoris observanda, causam

fam clientis sui in Iudicium deducturo. Ordo au-  
 tem postulat, ut supplici libellò Curia porrecto, &  
clientis proprii, & adversarii nomen domiciliumque  
continente, nec non qualratem exprimente, citatio-  
nem sibi concedi petat. Quam ut impetret, ante om-  
 nia dispiciendum erit, utrum cliens ipse Actor, per-  
nam standi in iudicio habeat. Nam si ex aliquo de-  
 fectu, quod vel mulier, *l. alienam. C. de procurat.* vel  
 miles sit, *l. qui stipendia C. eod. tit.* alieno nomine ex-  
 perturus, repelli possit, frustra citationem petit. Con-  
 similiter quoque si filiusfamilias, vel servus sit, qui,  
nisi certis casibus, iudicio interesse non possunt *l. cum*  
*oportet §. exceptis. C. de bonis quæ liberis. l. si quis à*  
*liberis. ff. De lib. agnosc. l. vix certis. ff. de iudiciis.*  
 Quod si verò filius patrem, vel avum, vel Proavum,  
vel remotiorem in ascendenti gradu utriusque sexus  
parentem, etiam naturalem tantum, in jus vocare  
volet, quod certis casibus potest, cavere debet *Ad-*  
*vocatus*, ne sine impetratâ veniâ id faciat, alioqui  
multam pecuniariam quinquaginta aureorum solutu-  
rus. *l. pen. ff. de in jus. voc.* Deinde, eo scrupulo li-  
 beratus, perpendere debet *Advocatus*, an lite pul-  
sandus, primâ instantiâ ad supremam Curiam vocari  
possit, quando nimirum sponte se Curia non subjecit  
in instrumento. Quod si de eâ non constet, aut cer-  
 tum sit, privilegio fori renunciatum non esse, pro-  
 xima cura erit dispicere, num ex aliquo Actoris  
privilegio, ad Curiam primâ instantiâ vocari possit;  
utputa si vidua sit, vel pupillus, vel morbo, vel te-  
nio, vel paupertate, vel consimili aliquo respectu,  
miseratione dignus. Eo siquidem casu reus compare-

Prima Advocati cum  
 clientis sui in Iudicium  
 deducti cura, et citatio-  
 nem sibi et legitime  
 impetret.

Actoris Privilegia in  
 eo quod adversarium pri-  
 mâ instantiâ ad Curiam  
 vocare possit.



re tenebitur, etiamsi inferiori iudici subiectus sit, ve-  
luti rusticus, vel civis. Sed cum Imperator in Ru-  
brica Tit. *Quando imper. inter pupillos, vel viduas,*  
*vel alias miserabiles person. cognosc. & ne exhibeantur.*  
adjiciat, (*vel alias miserabiles personas*) quæri solet,  
quænam istæ sint aliæ personæ miseratione dignæ? Bart.  
post Petrum & Cynum, ad L. unicam. C. dicto Tit.  
censet, istam rem iudicis arbitrio relinquendam esse.  
De eo aliquando quæsitum meminimus, an virgo, sui  
juris ac locuples, isto privilegio gaudere debeat? ne-  
que enim juxta propriam vocabuli significationem,  
vidua dici potest, cum in viduitate non fuerit: Dici-  
tur quippe vidua, quod sit sine duitate, quasi vedua:  
ve siquidem particula privat. *l. malum navis, vers. vi-*  
*duam. ff. de verb. significat.* Attamen casu in iudi-  
cio ventilato, & virgini, etiam diviti, privilegium  
illud competere nos asserentes, ac in contradictorio  
sustinentes, exceptione partis adversæ rejectâ, senten-  
tia Curia secundum nos lata fuit, autoritatibus vete-  
rum jurisperitorum & d. *versic. viduam.* subnixos.  
Quemadmodum non ita pridem in quæstionem voca-  
tum fuit, an prædictæ Rubricæ privilegio puberes gau-  
deant? Et factâ interlocutione ultimo Maji, anno  
1603. fori exceptio proposita rejecta fuit. Quod &  
in personâ viduæ, ad Curiam vocatæ, & exceptio-  
nem declinatoriam proponentis, decisum fuit: atque  
adeo confirmatum illud juris axioma; Quod privile-  
giatus contra privilegiatum jure suo non utatur; nam  
exceptione rejectâ, comparere coacta fuit. Deni-  
que miserabiles personæ reputantur omnes, quibus  
movetur natura ad commiserationem propter casus  
huma-

Quæstio

Resp:

Quæstio

- 242 § 3.

Resp:

observa-  
tio.

Quæstio

observa-  
tio.

Resp:

observa-  
tio.

Quid sint miserabiles  
personæ?



humani aut fortunæ injuriam, etiam si divites sint, juxta ea, quæ tradunt Azo, in Summa C. Quando Imper. inter. Innocentius c. ex parte. x; de foro com- pet. c. per vestras de Donat inter virum & uxorem.

Albericus, Andreas de Isernia, & Math. de Affli- ctis in constit. Neapolit. Quorum omnium tamen,

in pauperibus ea est limitatio & restrictio, ut de iis tantum pauperibus accipiendum tradant, qui adver-

sis fortunæ casibus, non propriâ culpâ ac luxu, ad paupertatem redacti sunt; Quod & in viduâ recep-

tum est, & eâ quæ in cœlibatu vivit. Nam si in- honestam vitam ducunt, & eo, & aliis omnibus pri-

villegus, respectu viduitatis cœlibatusque compe- tentibus, indignæ reputantur. Lucas depenna, & Fe-

lyn. in c. significantibus. De officio delegat. Illud su- perioribus addendum arbitramur, quod Didacus Co-

varuvias, Hispanus celeberr. Jurisconf. in practicis quæstionibus cap. 6. & 7. disputando resolvit; inter

miserabiles nimirum personas viduasque, non tan- tum cõnumerandas eas, quæ maritum non habent,

morte naturali rebus humanis exemptum, & veræ vi- duæ sunt, verum etiam eas hoc privilegio gaudere,

quæ maritos quidem habent superstites, sed inutiles; l. fina. ubi Accurs. C. Ad l. Fabiam. de plagiaris,

veluti qui in exilium acti, aut ab hostibus capti, vel ad triremes damnati sunt. Tametsi enim veræ viduæ

dici nequeant, cum mariti in rebus humanis esse non desierint, nihilominus tamen, quia omni subsidio au-

xilioque maritorum carent, & insuper in mœrore vi- tam ducunt, meritò prædicto privilegio potiuntur.

Neque verò solùm citationem invalidam & illegitimam

G 3

facit

De quibus pauperibus  
privilegium loquitur?

Si vidua et ea quæ  
in cœlibatu vivit hoc  
privilegio uti velit, requi-  
ritur et sint honestæ  
vitæ:

Quænam amplius inter  
viduas miserabiles per-  
sonas reputantur?



facit privilegii prædicti, in Actoris personâ, defectus, concedentis reum extra territorium suum ad Curiam evocari, sed & tum quoque effectum perdit citatio, si non sit libellata, *Imola in l. inter accusatorem. De pub. Ind.*

*Clar. q. 91. v. nunc quæro* (ut loquuntur practici) id est, si causam insertam non habet, ob quam reus vocatur ad iudicium. Consimiliter quoque & tunc viribus caret citatio, quando in formâ peccat, ac illegitima est; quæ in eo, qui citatus est, excludit contumaciæ crimèn, *l. filius, ff. de interrogat. act. l. 2. ff. si quis in ius voc.* Istis siquidem casibus comparere reus non tenetur. *Innoc. c. præterea. de Dilat. c. licet, de offic. deleg. c. finali de Dolo & contumacia.* Quemadmodum nec tunc, quando terminus, Ordinatione præfixus, servatus non est; nempe si pars adversa vocatam se conqueratur breviori spacio, quàm octiduo ante diem iudicum. Nonnunquam etiam corrui in ius vocatio, ratione temporis incongrui; ut quia tempus est feriarum in honorem Dei, sive solennes, sive repentinæ illæ sint, quarum imperator meminit. *in l. omnes dies C. de feriis.* Itidem & ratione loci, si in aliquem inhonestum locum adesse iusserit iudex, vel arbiter; impune enim ei non parebitur. *l. si cum dies §. si arbiter. ff. de Arbitris.* Ut nec tunc, cum locus, ad quem vocatur, præsentiam venienti periculofam facit. *l. 2. ff. si quis cautionibus.* Similiter hæredes, parentes, liberi, conjunx, agnati, cognati, affines, aut fidejussores defuncti, ante nonum diem conveniri, aut quocunque modo inquietari, aut aliquâ admonitione pulsari, aut in iudicium vocari non possunt, sive debiti gratiâ, quod à defuncto descen-

*2<sup>o</sup> casibus citatio  
officium solum præstat  
ut ob id comparere  
non fundatur?*

2<sup>o</sup>3<sup>o</sup>4<sup>o</sup>5<sup>o</sup>6<sup>o</sup>7<sup>o</sup>



descendit, siue alterius cuiuscunque causæ nomine, ad memoratas personas specialiter pertinentis. §. hæc autem. versic. sancimus. in Auth. ut cum, De appellat. cognosc. Collat. 7. Istis siquidem casibus, vocatus si absit, de contumaciâ accusari nequit, nec pœnam contumaciæ patitur, quem maioris causæ occupatio defendit. l. contumacia versic. pœnam. ff. De re judicatâ. Itaque, cum citatio sit fundamentum & principium iudicii, Spec. tit. de Citatione, Bart. in l. 1. ff. de in jus voc. & in l. probatam. C. de sent. & interloc. circumspecti Advocati est prospicere, ne quid omittat, quod pro formâ circâ eam requiritur. Denique illud quoque providebit, ut citatum, si per se, vel alium, legitimo mandato munitum, non compareat, de contumaciâ accuset; non contentus, si quisquam Advocatorum dicat se paratum esse, causam vocati nomine continuare, ac certiozem illum facere, ut compareat, vel mandatum legitimum transmittat. Tales siquidem continuationes nullius momenti sunt: ac, si admittantur, impediunt sæpè, ne adversus reum, secundâ vice vocatum & absentem, & de secundâ contumaciâ accusatum, per provisionem (Intendit vulgo dictam) sententiam obtineat, propter primæ citationis vitium atque defectum. Quod multoties accidisse Advocatis vidimus, tertiam citationem impetrare & exequi coactis, non sine maximis clientis sumptibus. Proinde cauti Advocati erit, operam dare, ne Citatio ex aliquo defectu, vel temporis, locorum vel personarum, vel vitiosæ executionis, (quam Galli Exploit appellat) corruat. Ea siquidem si redatur invalida ac nulla, omnia quæ postmodum su-

quid sit iudicium?

Observatio.

Citationes nullæ ac invalidæ, omnia quæ postmodum in iudicio peraguntur, sunt illegitima & nullius momenti.



perstruuntur, atque inde dependent, sunt nulla; *gloss. in l. accusatoribus, C. de Accusat. quam sequitur Bald. in c. si clericus. 1. col. de pace ten. in l. cum fratrem. C. de his quib. ut indignis. & cons. 173. libr. 3. Hipp. de Mars. cons. 64. Cantiuncula cons. 72. num. 71. & citatus comparere non tenetur: & si comparuerit, potest sine licentiâ recedere quodocunque impunè, juxta ea quæ tradunt DD. Andr. Barb. in c. consuluit. De offic. deleg. Hipp. de Mars. cons. 38. vol. 1.*

## C A P. X V.

*Quæ sint partes Advocati in defendendo Reo.*

SUPERIORI capite differuimus, quæ sint *Advocato* perpendenda, citationem clientis sui nomine petenti, ne in inutiles sumptus eum conjiciat. Nunc quomodo Reo legitimè citato & comparenti, consulere ac subvenire debeat, excutiendum venit. Et antè omnia utique examinabit, an cliens defensiones exceptionesque legitimas habeat, easque probare possit: Reus siquidem excipiendo fit actor, & non minus ad probationes tenetur, quàm actor. l. in exceptionibus, ff. de probation. Deinde inquiret, utrum *Actoris Advocatus* vestem nuptialem habeat, id est, legitimo mandato, & nomen constituentis, constituti & iudicis, & adversarii, & causam & clausulam substitutionis & ratihabitionis continente *l. si procuratorem. ff. de Procuratoribus. cap. mandato. eod. tit. munitus, in iudicio compareat, causam acturus.* Nam si eo de-

fifi

sttuatur, aut requisitus mandatum exhibeat, juxta Ordinationem (20. Decembris 1541. promulgatam, & ultimâ Novembris 1602. renovatam) non confectum, à limine judicii repellendus erit. Alioqui enim, si de defectu mandati validi non exceperit, & absque tali mandato, alieno nomine litigantem admiserit, reddetur processus retrò nullus: quinimò & sententia desuper lata erit nulla. Idem & in Advocato Rei est observandum, ne judicium reddatur illusorium. Quod si de mandato utriusque legitimo appareat, Reus conventus reliquas exceptiones, sibi contrà libellum Actoris competentes, simul & semel (juxta Curiae constitutionem 27. Octobris, Anno 1554. publicatam, & ult. Novembris 1602. renovatam) proponere debet. Illud autem prospiciet Advocatus Rei, ne hominem peregrinum, immobilia non possidentem, vel alium quemcunque, non præstitâ pro litis expensis cautione, admittat, sed oppositâ ante litis contestationem exceptione, eum repellat, postmodum frustrâ oppositurus. Deinde, ut exceptiones tam declinatorias; quàm recusatorias ac dilatorias, ante litem contestatam objiciat, postea frustrâ priores duas oppositurus. Dilatorias autem, si post litem contestatam opposuerit, in mulctam libræ auri ex constitutione Imperatoris incurreret, *l. si quis Advocatus. C. de Except. nisi inopinatò supervenerint ex dispositione juris, l. 2. C. de consort. ejusdem litis c. insinuante. De offic. delegati.* Peremptorias verò, intentionem persequentis semper perimentes ac obstantes, post litem contestatam oppositurus. *l. pen. & fina. C. de Except. l. peremptorias. C. Sent. resc. non posse.* Quod si anoma-

Exceptions Dilatorias  
ante litem contestatam  
opponenda simul et simul

Exceptions Peremptorias  
post litem contestatam  
opponi possunt:

H

læ



*Quoniam appellatur & lae sint, quae & mixtae dicuntur, tam antè, quàm post  
 litis contestationem, opponi poterunt; quales sunt,  
 Excommunicationis Ecclesiasticae vel imperialis, falsi  
 procuratoris, inepti libelli, & quaecunque ostendunt,  
 iudicium nullius esse momenti. l. licet. C. de Except.  
 Ut autem ordo in iis omnibus servetur, ab exceptio-  
 ne declinatoria (nisi per contumaciam Reus, ab eà  
 proponenda, exclusus sit, quod Curiae stylo recep-  
 tum est) initium facere, deinde ad recusationem ju-  
 dicis progredi debet. Inter quas ea est differentia,  
 quod, priori proposita, iudex cognoscit, an sua sit  
 jurisdictio; quoniam non est privata sed publica res,  
 cujus inspectio separata est à personâ iudicis l. 2. §.  
 sed si dubitetur. ff. De judiciis. l. si quis ex alienâ ibi-  
 dem. posteriori verò, arbitri cognoscunt de suspicio-  
 ne, aut si plures sint iudices, collegae ipsius, non au-  
 tem arbitri. Quod si verò iudex, contemptis excep-  
 tionibus incompetentiae, procedat in causâ, statim  
 appellabit *Advocatus*: quod si omiserit, iudicem taci-  
 te & re ipsâ exceptiones rejicientem, approbare cen-  
 sebitur. c. ex parte. De Appellat. c. si à iudice. eod.  
 tit. lib. 6. Totam autem Exceptionum materiam hoc  
 loco tractare, non est nostri instituti, cum ea à viris  
 doctissimis summisque Practicis, *Speculatore*, *Olden-  
 dorio*, *Vindelino*, *Schelling*, *Schenck*, aliisque la-  
 tissimè sit pertractata, è quibus plenâ (quod dici so-  
 let) manu petere licet, sed tantum digito quasi de-  
 monstrare, quod sit solertis *Advocati* officium in Reo  
 defendendo, cujus vel maximè interest, coram in-  
 competenti aut suspecto iudice non litigare. l. aper-  
 tissimi, C. de judiciis.*

CAP. XVI.

## CAP. XVI.

*De Recusatione seu Rejectione Iudicis.*

SI cum perfectis viveretur, & omnes iudices tales essent, quales *Iethro* à *Mose* volebat eligi, nimirum, *Viri potentes, & timentes Deum, in quibus sit veritas, & qui oderunt avaritiam*, similes illi iusto, quem *Flaccus* Poëta describit, quem

*Nec ardor civium prava iuventium,  
Nec vultus instantis Tyranni,  
Mente quatit solidâ.  
Et si fractus illabatur orbis  
Impavidum ferient ruinæ.*

Si tales (inquam) essent iudices omnes, hæc Exceptio, in iudiciis, litibusque exercendis locum non haberet: omnibus sibi persuasum habituris, nihil eos facturos, quod legibus, æquitatque repugnat, nullâ spe, nullo metu, nullo odio, vel amore, ne latum quidem unguem (ut habet adagium) recessuros ab eo, quod iudicem integrum, incorruptumque deceat. Sed cum homines sint, corruptelæ ac peccato ex lapsu primi parentis obnoxii, & concupiscentiâ ad malum sollicitante depravati, inordinatâ aliquâ affectione transversim rapti, nonnunquam ab eo quod rectum est, legibusque consentaneum, delabuntur atque deflectunt: Hinc factum, ut legislatores litigatoribus, ex causâ legibus probatâ, iudices etiam ordinarios, tanquam suspectos rejicere ac recusare permiserint.

H 2

c. li-



*c. licet ex suscepto. De foro compet. c. cum speciali De Appellation. cap. suspicione. De offic. deleg.* Verum enimverò, cum ista recusatio plerunque ingrata sit iudicibus, neque ex quâlibet causâ permittitur, *Advocatus* providus causas suspicionis à cliente suppeditatas, diligenter examinabit, & si illegitimas perceperit, clientem suum ab iis proponendis dehortabitur, ne si eas rejici contingat, parum propitium postea iudicem experiatur. Quod si verò iustas, legitimasque, quales oportet esse juxta interpretes, Ang. & Alex. allegantes alias decisiones in l. quia poterat, ff. Ad Senatufconsul. Trebellian. deprehenderit, forti animo, nulla odii, quod sibi conflaturus est, ratione habita, eas proponere, Curiaque supplici libello porrecto (in scriptis siquidem, non vivâ voce exprimendæ sunt, juxta ea quæ tradunt DD. Iac. Butrig. Ang. Salyc. Fulgos in l. cum specialis. C. de judiciis.) specificè declarare debet, Alex. cons. 154. lib. 5. Dec. cons. 20. ac petere, ne in perrogandis Consiliariorum sententiis, istorum qui recusati sunt, habeatur ratio. Illud autem in confesso est, eam antè litem contestatam esse proponendam: nam lite contestatâ non admittitur, nisi causas suspicionis postmodum obortas esse, ac ad suam notitiam \*lite jam contestatâ pervenisse, litigator jurejurando affirmare paratus sit. l. non distinguemus. §. cum quidam arbiter. ff. De Arbitris. l. Iulianus ait. ff. De judiciis, c. insinuante, De offic. deleg. DD. in l. apertissimi C. de judiciis. Bart. in l. quidam consulebant. ff. De re judicata. Cantiuncula, cons. x. num. 10. Quo casu & post conclusionem in causâ proponi posse, stylo hujus Curia receptum esse *Ad-*

voca-

*Exceptio remissoria Ad  
per formam supplicii &  
illi Curia in scriptis por  
recta, et juxta antea  
item contestatam, nisi*



vocati non ignorant. Quo ordine verò proponenda sit, superiori capite quoque declaratum est. Ne autem temeritatis incusari possit, qui judicem recusare prætendit ut suspectum, Advocato illius perpendendum est, an id facere expediat, ne clientem in aliquod dispendium incidere contingat: præsertim si tales sint suspicionis causæ, quæ judicis existimationem aliquâ labe aspergant, ut puta si eum adversario nimis familiarem faventemque esse, si pecuniâ corruptum, si animi sui motum disputando aliis præsentibus, detexisse impingat: Siquidem si postea in probatione deficeret iste proponens, gravissimæ injuriarum actioni semet involveret, & judicem ex injustâ causâ, aut non probatâ recusatum, semper inimicum experturus esset. Proinde advigilare debet Advocatus, ut excussis probationibus clientis, si quas habet, expendat, quid facto sit opus. Ante omnia autem si quid istiusmodi proponendum arbitretur, ut de speciali mandato sibi prospiciat, curare debet Advocatus, aut libellum suspensiones complectentem, Curia porrigendum, clientis manu signatum exhibere debet, ne sinistra eum opinione gravari contingat. Jam verò cum variæ suspicionum causæ jure proditæ sint, operæ precium nos facturos arbitramur, si eas hoc capite obiter complexi fuerimus: Et primum quidem nemo ignorat, qui praxin forensensem vel à limine salutavit, judicem tam ordinarium, quàm delegatum recusari posse, si alterutri litigatorum vel consanguinitatis, vel affinitatis vinculo conjunctus sit *c. infirmus ante. De offic. delegati.* Quod ipsum tamen non simpliciter procedit. Nam si remoto gradu, veluti ul-

*Causa in jure et  
praxi recepta, ob  
quas jūdce recusari  
potest: j o*



trà tertium, alterutrum ex litigantibus attingit, certum est, eam causam ad recusandum iudicem ut suspectum non sufficere; præsertim in Frisiâ patriâ nostrâ, in quâ ad tertium gradum exclusivè, consanguinei, affinesque (istorum siquidem par est conditio) iudices esse non prohibentur. Sed cum diversarum nationum non eadem in hoc articulo sit consuetudo, non censemus opus esse, huic rei diutius immorari. Ad alias verò suspicionum causas quod attinet, dici posse videtur, easdem fermè causas, quæ in reprobando testibus allegari ac proponi solent, in recusando iudice quoque locum habere. Quemadmodum enim testem à dicendo testimonio repellit, si parens *l. testis idoneus, ff. De testib. l. parentes C. eod. tit.* si filius, *l. lege Cornelia. ff. De injuriis. si frater, l. pen. ff. eod. tit. si maritus, l. 2. C. eod. tit. si domesticus, l. 3. in princ. ff. eod. tit. si commensalis, si inimicus, c. accedes. ut lite non contestata. si dominus, si vassallus, si inimici mei familiaris & amicus, si socius, si Advocatus, si procurator sit, Ita quoque prædictæ causæ iudicem suspectum reddunt: Quibus & aliæ adnumerantur à Speculatore, aliisque Practicis, veluti si directè, aut indirectè, emolumentum litis aut aliqua portio, ad iudicem spectet: Item si similem aliquam litem habeat jam motam, vel verisimiliter movendam: Verendum enim foret, ne cum alterius detrimento suæ causæ præjudicium aliquod constituere vellet. Item si litem cum alterutro litigatorum foveat, *l. propter litem. ff. De Excusat. tut. Auth. si curatoris. C. qui dare tut. Cur. vel habuerit jam finitam.* Præterea & is ut suspectus reputabitur*

ac



ac recusabitur, quem alteruter ex litigatoribus (utriusque liquidem consensus requiritur) sibi dare judicem petierit, quod mali exempli esse, & ad verecundiam quoque judicis pertinere respondit *Callistratus in l. observandum. ff. De judiciis*. Confimiliter & is ut suspectus recusabitur, qui semet ingessisse, & ut Judex daretur, procurasse probabitur. *l. quæ omnia ff. de Procuratoribus*. Istis liquidem causis specialiter expressis atque probatis (quod omnino requiritur, cum sola allegatio non sufficiat, *c. suspicionis. De offic. delegati c. cum specialis. De Appellat.*) meritò, legibusque permittentibus, tanquam suspectus à dicendâ sententiâ repelli poterit, sive Ordinarius sive Delegatus judex fuerit. Quod usque adeò procedit, ut dicatur, Imperatori nihil magis cordi esse, quam ut sine suspicionem, omnes lites peragantur, & tractentur, *l. apertissimi C. de judiciis*, Usque adeò quidem, ut etiam ab imperiali numine dati judices recusari permittantur, *d. l. apertissimi*. Quinimò receptum esse interpretes dicunt, quod nec Princeps tollere possit facultatem recusandi judicem, *glossa in c. ad hæc. De Rescriptis Dec. c. quoniam contra De Probat.* Quæ recusandi judicem licentia, tantum favorem ob id in liberâ repub. semper habuit, ut *Plinius Secundus* in Panegyrico, *Traiano* Imperatori dicto, tanquam libertatis certissimum signum ac Imperatoriæ clementiæ ac lenitatis verum *Τεκμήριον* referat, quod recusari judices à litigatoribus, absque ullo metu ac offensâ potuerint, etiam in causis fiscum concernentibus, cujus nunquam malam esse causam dicit prædictus *Plinius*, nisi sub bono Principe. Ejus hæc sunt verba: *Sors & urna fisco*

19

Haec autem dicta causa specialiter exprimitur et probanda, nam sola ista: hæc allegatio non sufficit.



*fisco judicem adsignat, licet rejicere, licet exclamare, hunc nolo: timidus est, & bona seculi parum intelligit: Illum nolo, quia Cæsarem fortiter amat: Eodem foro utuntur Principatus & Libertas. Proinde nec iudices, qualescunque sint, iniquè ferre debent, ex justâ causâ se recusari, nec Advocatus absque reprehensione clienti hac in re deesse poterit, cum non ignoret, reculatione interpositâ, processum postea habitum, ipso jure nullum esse, juxta Innoc. Abb. & alios in c. cum speciali de Appellat. lat. Alex. conf. 89. vol. 1. etiam si non sit appellatum.*

## CAP. XVII.

*De libello, responsione, reliquisque processibus partibus seu scripturis.*

**I**Am verò si contra Citationem emissam iudicisque qualitatem, quod vel incompetens vel suspectus sit, nullis exceptionibus locus sit amplius, sed lis suo tramite omninò decurrere debeat, Advocatus, Actoris libellum, actionem & futuræ litis speciem complectentem, edere debet in iudicio, ut Reus conventus deliberare queat, cedere an contendere velit. Dabit autem operam Advocatus, ut factum causamque aptam quæ medium est concludendi, & ex quâ sequi possit condemnatio, claris aptisque verbis, omni dubio & obscuritate carentibus, in libello, per articulos ritè distincto, juxta Curix Ordinationem 20. Decem-

*Reus sit libellus?*

cembris anno 1541. publicatam, & ultimâ Novembris 1602. renovatam & Enchiridio Statutorum insertam, proponat, subjectâ competenti conclusione: Narratio siquidem & conclusio demonstrant, qualis actio proposita sit. Et cûm libellus sit substantiale fundamentum litis, usque adeo, ut eo ad nihilum reducto, processus reddatur nullus; *c. examinata. ibi Felin. De Iudiciis, & D.D. c. 1. de libelli oblat.* providere debet Actoris *Advocatus*, ut libellus sit aptus, omnique ex parte absolutus atque perfectus: Nam ex vitiosa petitione Actor obtinere nequit, licet probatio exquisitissima subsecuta sit. Proinde *Advocato Rei* considerandum est & inquirendum, an libellus non aliquo respectu impugnari & subverti possit. Nam *Exceptio ineptitudinis li-* illa exceptio ineptitudinis, vel incertitudinis, genera- *libelli & alia q. libelli na-* litatis, obscuritatisque libelli, in quâlibet iudicii par- *tura in q. libelli iudi-* te, atque adeo & post sententiam opponi potest: Ita *et parte, et post senten-* son in *l. si patronus ff. De Iurejurando. Bald. in l. Ex-* ceptionem. *C. de probat. Maranta in spec. aureo, parte* *vid fol. placid. 40.* 6. §. novum membrum, nu. 5. Panor. in *d. c. exami-* nata, nu. 3. & 4. *Dec. cons. 152.* Quinimò Judex ex officio talem libellum ineptum lacerare ac rejicere tenetur, *Baldus in l. final C de annali except. gloss. & DD. in l. 1. ff. de off. Ass.* Ad hæc prospicere debet *Advocatus* actoris, ne quid libello inferat, clienti suo damnosum, habetur enim pro confessione judiciali, quæ contrâ Actorem probat: Quod tum procedit, si reus talia narrata libello comprehensa, acceptaverit; secus si contradixerit: Eo siquidem casu istiusmodi narrata confessionem induentia, non nocent narranti & confitenti, juxta ea quæ tradit *Baldus, in l. si*



magnum. C. Qui accusare non possunt. l. 1. C. de confessis. qui dicit, ex libello negato neminem se fundare posse. Parisius conf. 115. lib. 1. num. 31. Denique providere debet, ne clausulam illam salutarem omittat: Peto mihi jus justitiamque administrari, omni meliori modo ac via, &c. Quæ ejus est efficaciam, ut videatur litigans omne jus suum qualitercumque competens, in judicium deduxisse, juxta communem Doctorum opinionem. in c. cum dilectus de ord. cog. c. 2. de offic. ord. Iason in l. petens. C. de Pactis. Ang. §. omnium. Instit. De Actionib. Imo operatur & efficit ista clausula, ut judex in judicando solum rei gestæ veritatem, quæ ex actis constat, non petitionem Actoris respicere debeat prout tradit Guido Papa, conf. 49. Dicens, quod propter hanc clausulam judex potius respicere debeat, ad jus partis, quam ad Actoris petitionem. Cujus virtute etiam expensas, licet non petitas, judex adjudicare potest, ut inquit Mynsingerus, consilio 16. num. 49. & sententiam super inepto libello quoque ferre, juxta ea quæ tradunt doctores diversis locis. Abbas in d. cap. cum dilectus. Socinus conf. 39. parte primâ. Iason in d. l. petens. Ang. d. §. omnium. Felyn. c. cum super De offic. delegat. Innoc. in c. examinata. de judic. Imò tantæ potentiam est prædicta clausula, ut si quis possessorium intentaverit cum d. clausulâ, etiam in petitorio obtinere possit, DD. in d. c. cum dilectus. Felyn. in c. licet Hely, De Simonia. Iason. in l. naturaliter §. nihil commune, De Acq. poss. Quemadmodum autem à libello abesse debet omnis obscuritas, generalitas & incertitudo: ita quoque responsio Rei omnibus

Clausula illa Peto mihi  
jus justitiamque administrari  
omni meliori modo ac via  
ut quædam sit officia?

Ratio est quia Actor per  
hanc clausulam judicem  
videtur impetere ut officium  
suum meliori modo ac via  
voluit.

2

3

4

5



bus prædictis vitiis carere debet, & elapso trium septimanarum termino, præcisè tradi & exhiberi, quæ non solum claris aptisque verbis litis contestationem inducentibus, articulisque distincta (prout de libello antè relatum est:) sed quolibet articulo unum tantum factum complecti debet. quod & Ordinatione magni Consilii apud Mechlinienses cautum reperitur, sub *Tit. de Advocatis & Procuratoribus*, art. 9. ac insuper ad singulos libelli articulos rotundè & categoricè, vel confitendo, vel negando non quidem generaliter, sed specificè respondere Reus tenetur, alioqui vi ac potestate Ordinationis ultimâ Novembris 1602. promulgatæ ac Enchiridio Statutorum insertæ, pro confessis omnia habebuntur, quæ ita refutata non fuerint. Quod autem de trium septimanarum spacio in iis exhibendis præcisè observando antè dictum est, locum habet, nisi causa aliquo privilegio subnixa, breviori termino in judicio ex Curia Decreto tractanda peragendaque veniat: ut est Alimentorum, Matrimonialis, Mercedis non solutæ causa, ac similes, in quibus octiduum præfinitum est. Quod si provisio locum habeat, aut lis 50. aureorum Carolinorum summâ minor sit, juxta Curia constitutionem extemplo respondere reus, ac intra octiduum litem peragere tenetur: Quod & in aliis causis locum habet, in quibus de plano, & sine figurâ judicii, summarie ac sine strepitu proceditur; in quibus sufficit petitionem Actoris, vivâ voce factam, actis inferi. *Clementina, sæpè. De re judicatâ.* Quod si verò materia tam sit lata & diffusâ, variisque circumstantiis usque adeò implexa ac involuta, ut libello responsioneque concludi nequeat, sed omninò

*Terminus 3 septimanarum  
in scriptis exhibendis  
non semper observatur, sed  
quibusdam casibus fallit.*



replicandum, duplicandum, aut ulterius quoque scribendum sit, utriusque partis *Advocati* prospicient, ut in processu omnia facta, quibus probatis, victoriam se consecuturos confidunt, aptè distinctèque proponant, nullisque repetitionibus ac superfluis verbis utantur, quod *βατολογία* dicitur. Nam interlocutione iudicis ad probandum admissi, non alia facta probatoriis articulis comprehendere permittuntur, quàm quæ in processu antè sententiam interlocutoriam proposita, atque narrata reperiuntur, exclusis tanquam impertinentibus, quæ postmodum articulis inserta sunt, quorum in processu nulla facta fuit mentio, prout Ordinatione Curiae 20 Decembris, Anno 1541. promulgata, & ultimâ Novembris, 1602. renovata, cautum reperitur. Atque eò spectat protestatio ex stylo Curiae, interrogatoris præmissa, de impertinentibus non admittendis valde utilis & necessaria. Ea siquidem efficit, ut eorum in decidendis litidis, iudex rationem nullam habere possit ac debeat. Prædicta autem constitutio eam recipit limitationem, nisi petitâ adversus omissionem in integrum restitutione, (quæ ex probabili causâ indulgetur) aliter dispositum fuerit: Neque enim quisquam legitimis probationibus defensionibusque facilè secludendus est, vel præcipitandus: quòd præcipitatio sit iustitiæ noverca. Postremò illud quoque præcavebunt Advocati, ne in Quadruplicatione ulla instrumenta exhibeant: Id enim Curiae vetat ordinatio, 15 Martij, anno 1597. publicata. Quod si fecerit Reus, poterit Actoris *Advocatus*, licet in causâ conclusum sit, ea refutare, præcisâ contradictione ejus qui hoc fecit. Porro & illud vitabunt

Ad-

Quoniam protestatio  
facta ex stylo Curiae in  
interrogatorio præmissa?

in Quadruplicatione in  
instrumenta exhibere volu-  
tum: et quid si contra  
hoc sit factum?

*Advocati*, ne prolixitate scribendi vel adversarium ob-  
ruant, vel Judici tenebras offundant, memores ejus,  
quod rectissime *Baldus* dixit, tantum valere unum  
verbum effectivum, quantum mille. Quâ in parte, ab  
aliquibus *Advocatis*, pluribus abhinc annis valdè pec-  
catum est. Tempore, quo nos relictâ Mechliniâ  
praxin in patriâ exercere cœpimus, anno 1572, *Ad-  
vocatos* hujus Curix, viros canicie venerandos, Juris  
scientiâ, & praxis peritiâ præstantes, prudentiâ mo-  
rumque gravitate conspicuos, fideque prope singulari,  
quorum nemo in vivis nunc est, ab istâ prolixitate  
alienissimos fuisse vidimus, quam illi tanquam pestem  
justitiæque remoram, averfabantur: quorum aliqui  
in causis gravioribus nos sæpè hæsitacione liberarunt,  
ac consilio instruxerunt ignorantiam nostram. Quam  
ipsam prolixitatem ut obscuritatis matrem à judiciis  
pellendam fugandamque, serenissimus ac potentissimus  
Angliæ, Scotiæ, Hiberniæque Rex *Iacobus*, ejus no-  
minis I. in dono Regali ad filium disertis verbis mo-  
net, neque immeritò quidem, cùm veritas simplex sit,  
quæ fuco coloribusque non eget, paucisque declarari  
potest: undè & suspecta iudicibus ista prolixitas ple-  
runque solet esse. Quæ quidem nimia prolixitas, E-  
dicto prædicto causam dedit anno 1597. promulgato,  
quo centesimum articulorum numerum, & quadrupli-  
cationem, absque Curix permissione, libello supplici  
impetratâ, excedere non licet, sed ut illa prolixitas,  
ita & alii complures abusus, hoc ævo nimis maligno,  
in praxin hujus Curix irrepsissent, quibus tollendis  
rescandisque, Ordinationibus diversis, ultimâ Novem-  
bris 1602 promulgatis, aliquatenus prospectum est:

Nos

*Prolixitas scribendi: Advoca-  
tis: tanquam prolixitas vi-  
tiosa:*

*100 articulorum numerum  
et quadruplicationem ad  
Curiam permissam dedit  
licet:*



Nos certè cùm *Plinio secundo, Epistolâ ad Maximum lib. 9.* fateri cogimur, descivisse nos à consuetudine parentum, apud quos omnia disposita, moderata, tranquilla, majestatem loci pudoremque retinebant.

## CAP. XVIII.

*Quod sit officium Advocati in processu concludendo ac instruendo ante sententiam interlocutoriam.*

Processu ut antè retulimus, ad conclusionem perducto, *Advocatorum* partes sunt, eam in instruendo curam diligentiamque adhibere, ut factâ cum originalibus scripturis (gallicè minutes vocant practici) collatione, inspiciant, num in describendo alicubi erratum sit ab amanuensibus Curia, & si errata vitiaque deprehenderint, ea sedulò corrigant, & per articulos aptè numeris distinctos notent, suâque subscriptione munitum, *Graphæo* Curia, aut illius vicario, quem *Actuarium* appellant, actis inscribendum adnotandumque porrigant. Si enim secus factum fuerit, facilè fieri potest, ut totus processus intercidat, quod aliquandò accidisse conquestos fuisse *Advocatos*, quorum intererat, audivimus. Certè Curia ordinatione nuper publicatâ, injunctum est Advocatis, ut prædictis solemnitatibus adhibitis, processus instruant, instructosque debito loco collocari ac reponi procurent, adnotatione prius factâ, quo die, mense, ac  
anno,

anno, aliis processibus accesserint. Omnino autem sollicitè cavere debent, ne conclusò processu in iudicio, eum instructuri, aliquod instrumentum in processu non exhibitum, nec à parte adversà antè visum, repletorio adjiciant ac infarciant. Id enim non tantum permillum non est, lege prohibente, sed prorsus pugnat cum fide boni viri, qualis vel maximè esse debet *Advocatus*. Nulla enim injustitia major excogitari potest, quàm si operam det & ingenii nervos omnes intendat *Advocatus*, ut quo jure, quàve injurià, adversarium circumvenire atque supplantare possit, ad obtinendam causæ victoriam. Quinimò si machinationibus callidis technisque reprobatis, *Advocatus* sententiam pro cliente suo consecutus fuerit, ad restitutionem tenetur, sive in ingressu litis, sive postmodum clientem suum injustam fovere causam deprehenderit, non minus quàm si per imperitiam aut negligentiam causà justà cliens ceciderit, utroque enim casu tenetur *Advocatus* ad restitutionem, ut dictum est. *Alberic. in l. 1. C. de suffrag. Host. in summa de Advocat. §. fin. vers. tenen. Spec. eod. tit. vers. qui si perimprud.*

## C A P. X I X.

*De Interlocutoriâ Iudicis sententiâ.*

**P**Rocessu conclusò, & juxtà Curiaë stylum instructò, consueverunt aliqui *Advocati*, ad præcendas moras, & ut eo citius ad probationes proferendas admittantur, suo periculo (etiam refragante ad-

ver-



versario) petere processum interlocutione judicis terminari, partelque ab probandum admitti. Id quia periculo non caret, cautè *Advocatus* in eo negotio versari debet, non ignarus, quod si Curia, processu postea censi, secus visum fuerit, non impunè laturus sit. vidimus enim nostro tempore, *Advocato* magni nominis, duarum librarum Flandricarum mulctam irrogatam fuisse, quod processum in factis consistere adseverasset, & suo periculo interlocutionem judicis delegati intervenire procurasset, quem Curia ad instantiam *Advocati* partis adversæ postmodum absque interlocutione terminari potuisse deprehendebat & definiebat. Tutius itaque fecerit *Advocatus*, si Curia censendum processum obtulerit, ejusque definitionem expectaverit, nisi res tam sit manifesta, ut *Advocatus* quoque partis adversæ facti esse quæstionem declaret. Quod si per malitiam id fecerit, ut eâ viâ terminationi litis remoram injiciat, ac adversarium frustratoriis dilationibus detineat impediaturque, certus esse debet *Advocatus*, gravissimè Deum, omnis injustitiæ, doli fraudisque hostem, offensum iri, atque se ad expensarum damnorumque & salarii proprii non tantum in foro poli (ut loquuntur) sed & foro fori restitutionem teneri. Illud autem sui esse officii *Advocatus* intelligere debet, ut Interlocutione judicis factâ, & partibus ad probationes inferendas admissis, statim clientem alibi commorantem certiore faciat, cumque moneat, ut primo quoque tempore ad se veniat, de articulis concipiendis probationibusque præparandis communicaturus, non ignarus, Ordinatione Curia nuper renovatâ, Enchiridioque Statutorum insertâ, pri-

primam dilationem à die latæ sententiæ Interlocutoria, initium capere ac labi, licet in iudicio ab Adversario nulla sit facta interpellatio. Quod *Advocatus* omittere & negligere minimè debet, cum & clientis intersit scire, & ille quoque eo nomine salarium percipiat.

C A P. X X.

*De Dilationibus probatoriis.*

CUM objectum, finis scopusque *Advocationis* sit iustitia sacrosancta, circa quam versatur causarum patronus, eaque sit unicum reip. vinculum idque fortissimum, quo concordia civium colligatur & continetur, quâ sublatâ nihil cuiquam exploratum esse potest, quid suum, quid alienum sit, teste *Cic. In Oratione pro Cecinna*. Illud *Advocatus* sibi persuasum habere debet, nihil tam ad officium suum pertinere, quàm ut lites incolarum sibi commissas quàm citissimè ad finem perducatur. Quod tum futurum est, si dilationibus ad probationes producendas jure concessis, præcidendis decurtandisque invigilet. Quorsum enim dilationum temporibus, duobus videlicet mensibus elapsis, tertiam sibi dilationem concedi postulat *Advocatus*, testibus in provinciâ commorantibus, qui prioribus duabus currentibus nullam diligentiam præstitit, sed in utramque (ut dici solet) aurem dormivit? Quorsum adversus non unius aut alterius, sed trium quoque terminorum lapsum in integrum restitutionem

*De mensibus Dilationum probatoriarum terminis, raro*

K onem



onem postulat, is qui prioribus currentibus ac labentibus, ne diploma quidem (*Commissionem* vocant,) nedum Citationem ad testes suos evocandos requisivit? Illud extrâ controversiam est, *Advocatos* eâ de causâ pessimè audire, atque falsissimè à populo traduci, quod datâ operâ plures & superfluas dilationes, sine clientis quoque mandato, ad fatigandum adversarium & lites protrahendas sibi concedi postulent. Profecto fateri oportet, eos, qui malitiosè hoc student, contrâ jurisjurandi religionem, in conscientiam & viri boni officium peccare & delinquere, cùm quantum in se est, reipub. tranquillitatem, civiumque concordiam convellant atque conturbent. Interim tamen nolim ea, quæ dicta sunt, ita accipi, quasi cuiquam author esse cupiam, ut adversarium suum à probationibus secludat: Scimus enim favorem habere probationes, quibus causâ instruitur atque allegata in processu docentur, earumque non angustandam, sed ampliandam esse facultatem, ut loquitur Imp. in l. quoniam C. de *hæreticis & Manichæis*. Sed id tantum improbamus, ac bonæ fidei neutiquam congruum esse testamur & declaramus, si quis ex composito cum cliente suo hoc agat, ut finem litis protelando ac differendo, partem adversam morâ longâ sumptibusque fatigatum, vel ad deferendam litem, vel transigendam, velit nolit, compellat adigatque. Illud enim à viro bono, qualis *Advocatus* esse debet, quam remotissimum esse debere, nemò vel micâ conscientix præditus, diffitebitur. Facit enim talis *Advocatus* contrâ legem charitatis, facit contrâ leges & Ordinationes publicas, quibus jurisjurando obstrictus est, denique contrâ juris præcepta

ta quæ proficitur : Neque enim quidquam ab honestate tam est alienum , quàm facultates proximi , istiusmodi malis artibus technisque atterere & pessundare . Quod si verò alteruter ex litigatoribus , elapsis dilationibus tribus , testes sibi producendos arbitretur , supplici libello Curiae porrecto , expressis impedimenti causis , aliquod sibi tempus indulgeri petet , ac re in contradictorio iudicio ventilatâ & disputatâ , Curia , si postulationem requirentis rationibus subnixam compererit , aliquot dierum spacium non gravatè concedet , ne quem à probationibus secludi contingat . Quam iudicalem postulationem certis verborum formulis conceptam , fiat *Request* , in iudicio Curia conluevit exprimere .

C A P. X X I.

*De Positionibus , Articulisque probatoriis.*

Q Uoniam hujus Curiae supremæ stylo receptum est , ut , antequam testes ad dicendum testimonium adhibeantur , utraque pars , iurijurandi propter calumniam , ( nisi illius gratia facta fuerit ) religione constringi possit , quâ sub nominis divini invocatione declarant & profitentur , parte ad hoc citatâ , se credere justam esse causam quam persequuntur , nihilque fecisse , nec facturos esse , quo iudicum integritas labefactetur , & veritatem candidè simplicitèrque dicturos , nullis superfluis dilationib. trahendæ litis gratiâ uluros ; *Advocatus* cavere summoperè debet , ne clientem instruat , quid ad positiones articulosque respon-

*Advocatus gabens ad corporale mandatum nonne  
religenti in animam ipsi  
facere potest quod dictum sit  
saud. fol. 30.*



dere debeat, ut condemnationem justam effugiat. Gravissimè certè istiusmodi *Advocati* peccant, qui & jurisjurandi religionem violant, & Deum Opt. Max. justitiæ veritatisque protectorem & vindicem, imò veritatem ipsam offendunt, insuperque clientem proprium mentiri docentes, maximo sese peccato involvunt. Quod si cliens instet ac urgeat, consiliumque petat, quid respondere debeat, ut victoriam obtineat, faciet *Advocatus* quod *Ioannes Baptista Caccialup.* in Tractatu suo de officio *Advocati*, faciendum suadet, *quæst. 4. nu. 15.* ut dicat. *Si sic responderis, perdes causam, si aliter & contra veritatem, animam perdes.* Tenetur certè *Advocatus*, graviter clientem suum monere, & divini numinis iram vindictamque ob oculos ponere & inculcare, ne contra veritatem respondeat, sed ut purè ac planè, præsertim de proprio factò, absque ullâ limitatione ac adjectione respondeat. Id si fecerit, Deo conscientiam suam probabit, & laudem bonumque nomen apud homines, etiam eos, qui mali sunt, sibi conciliabit. *Fides etenim in præsentia, eos quibus resistit, offendit, deinde ab illis ipsis suspicitur atque laudatur, teste Plinio 2. lib. 3. Epist. ad Minutianum.* Porro *Advocatus*, qui positiones, articulosque conscribit, id prospicere quoque debet, ne nova facta in processu non allegata articulis inserat, ne singulis articulis amplius quàm unum factum completatur: id enim vetat Curia Ordinatîo 15. Martii 1597. promulgata ac Enchiridio Statutorum inserta, sub Rubricâ de *Advocatis*, artic. 13. Quod & Ordinatione magni consilii apud Mechliniam cautum est, artic. 34. sub *Tit. Ordonnance & stil de proceder.* Sed nec articulos

*Advocatus nova facta in processu non allegata articulis inserat, ne singulis articulis amplius quàm unum factum completatur.*



los ita concipere debet, ut rudes simplicesque homines, per confessionem, per verbum (*credit*) prolatam, in captionem incidant, quod tum fieri sæpè vidimus, quando præjudiciabilis aliqua qualitas, multis verborum involucris tecta, articulis inserta reperitur, quam respondens, doli nescius, in responsione suâ non exceptit. Id siquidem *Advocatus*, ut vir bonus, salvâ conscientia facere nequit, qui in eo, ut in reliquis processus partibus, bonâ fide & syncerè versari debet, nec quicquam admittere, quo clientis sui adversarius supplantetur, damnumque accipiat injustè. Verum enimverò, cum ipsæ positiones ab Actore conscriptæ exhibitæque, contra eum tanquam confessum probent, *cap. finali. de jurejurando.* adeò ut revocare talem confessionem tanquam judicialem nequeat, *Spec. Tit. de posit. §. decimo. num 8.* sollicitè providebit *Advocatus*, ne positionibus articulisque ea complectatur, quæ clienti proprio præjudicare possunt: Producens siquidem positiones, fatetur vera esse, quæ in illis continentur, *l. cum precum, C. de lib. caus. l. transactione. ibi Bald. C. de Transact. Alex. cons. 71. lib. 1.* Porro cum aliqui *Advocati* consueverint, partis adversæ, ac etiam testium, positionibus interrogatoriisque crimina complecti; quod videlicet vel perjurus, vel adulter, vel hæreticus sit, & istis respondere non teneatur, erit *Advocati* partis adversæ officium, monere clientem suum, vel testem, ne tali positioni criminosa respondeat, alioqui enim si falsus fuerit tale delictum, dictum illius nullius erit momenti, teste Lanfranco, *Tit. de test. num. 79.*



## CAP. XXII.

## De Confessionibus.

**R**esponsione ad positiones articulosque redditâ, prima cura erit *Advocati*, diligenter inspicere, quid clientis adversarius responderit. Nam si confessus fuerit id, quod est intentionis fundamentum, salva res est: nec enim necesse erit, testibus producendis oleum operamque perdere: cum nulla sit efficacior probatio, quàm propria confessio, *l. cum te. C. de Transact. l. generales. C. de non nu. pec. l. fin. C. de fideicom.* Confessio siquidem judicialis, ab omni onere probandi relevat: Imò confessi, in jure pro judicatis habentur. *l. unica. C. de confessis.* Et ratio est, quia quodammodo suâ sententiâ damnantur, *l. 1. ff. eod.*

*Ex confessione judiciali  
proceditur ad sententiam  
definitivam statim, etiam  
in causis capitalibus:*

*tit.* atque ob id nullæ dicuntur esse partes judicantis in confitentes, nisi ut condemnet. *l. proinde. §. ult. ff. Ad. l. Aquiliam.* Unde ex illâ confessione procedi solet ad sententiam definitivam, etiam in causis capitalibus. *Ang. in l. ea quidem. C. de Accus.* Quod ta-

*ut Confessio judicialis  
Ad valuat et potorem ab  
pro omni propter probationem  
hinc curat confessio  
curat debet.*

men non indistinctè procedit, sed concurrere debent ea, quæ interpretes tradunt: Quorum primum est, ut sit facta coram iudice suo. *l. 2. De confessis, c. at si clerici. De judiciis.* Nam sicut sententia à non suo iudice lata, est nulla; Ita quoque confessio coram eo prolata non stringit. *Butrius in d. c. at si clerici, & c. si diligenter. De foro compet. Alex. conf. 30. lib. 7.*

Deinde requiritur, ut sit facta adversariò præsente: licet id in hac materiâ locum non habeat, in quâ de cā



eâ tractatur confessione, quæ ad partis instantiam, & judicis interrogationem seu examinationem super articulis, factisque in processu ante interlocutoriam negatis, fieri consuevit. Et licet aliàs in confessionibus ad obtinendam victoriam requiratur quoque, ut sit facta à majore 25. annis, ob id quod minor adversus suam confessionem, in integrum restituatur, *l. certum. §. in pupillo, ff. De confessis. L. si ex causa judicati §. nunc videndum, ff. De minorib. 25. annis*, præterea ut sit facta liberâ voluntate, & non coacta. *L. confessionib. ff. De interrogat. Act.* Ad hæc, super re litigiosa: Ea tamen in his confessionibus de quibus agimus, locum sibi non vendicant, cum minor personam standi in judicio non habeat, nisi ætatis veniâ impetratâ: Eâ enim indultâ, omnes actus legitimos exercere potest, non minus, quam qui 25 annum explevit, prout decisione Curie hujus, re ab Advocatis in dubium vocatâ 29 Junii 1604. definitum est, ut in judicio cesset omnis metus vel coactionis suspicio. Illud autem præter cætera in hisce confessionibus requiritur, ut sint factæ ex certâ scientiâ & non errore. Is enim qui errat, non fatetur. *l. non fatetur. ff. De confessis.* Unde error facti necdum finito negotio nemini nocet. Quo probato, judicis est providere, ne parti erroneè confessæ, aliquod exinde præjudici-um generetur. *c. fin. De confessis.* Quamvis autem regulare sit, ut antè diximus, quod confessi pro judicatis habeantur, & confessio ab onere probandi releve-; multi tamen, præter eos quos retulimus, in jure casus sunt, quibus confessio confitenti non præjudicat, veluti si postea liqueat, articulos fuisse imper-  
tinen-

is qui veniam ætatis in-  
potest omnes actus legit-  
mos exercere potest non  
minus quam qui 25 annos  
explevit.

3.

4.



5<sup>o</sup> tinentes. Innoc. in c. cum conting. de offic. delegat. Ma-  
rant parte 6. tit. de posit, num. 33. Myns. conf. 229.  
 Item si quædam apud Acta profiteatur, ancillam se  
 vel servam esse. Talis enim confessio, confitenti non  
 præjudicat, & hæc defensionem libertatis non exclu-  
 dit, l. interrogata. C. de liberali causa. Similiter si  
 6<sup>o</sup> conjugatus fateatur, ante contractum matrimonium,  
 se uxoris suæ consanguineam cognovisse, imò fateatur  
 uterque, tamen propter talem confessionem, non se-  
 parantur conjuges. Porro ad nostram materiam quod  
 attinet, illud extrà controversiam est, si partes jure-  
 jurando de veritate dicendâ præstito, ea quæ positio-  
 nibus judici exhibitis comprehensa sunt, & ad victo-  
 riam consequendam sufficiunt, respondendo confessi  
 fuerint, testium productionem necessariam non esse;  
 ut nec tunc, quando pars ad respondendum articulis,  
 binâ citatione evocatâ, contumaciter emanet: habe-  
 tur enim quoad positiones in judicio exhibitas, (quod  
 necessario requiritur) pro confesso, d. cap. ult. de con-  
fessis. lib. 6. Id enim stylus hujus Curiaæ recepit, &  
 in praxi observatur. Quod tamen non aliter proce-  
 dere tradunt interpretes, nisi sit præsens coram judi-  
 ce, & monitus ut juret, non respondeat dum præ-  
 sens est, vel contumaciter se absentet post admoniti-  
 onem factam à judice, ita ut contumaciâ nullâ ratio-  
 ne possit excusari, glossa in c. si post præstitum. Bald.  
in l. unica. C. de confessis, & in l. 2. §. quod observa-  
ri. C. de juramento calumniæ. Cantuinc. conf. 27. num.  
59. Neque verò Advocatum movere debet, respon-  
 siones partis adversæ examinantem, si qualitatem a-  
 liquam restrictivam adjectam deprehenderit; cum igno-  
 rare

Adhuc in parte litigat  
 cum binâ citatione  
 respondendum ad articulos  
 evocatâ, si contumaciter  
 emanet, & alibi, præstito  
 quoad positiones in judicio  
 exhibitas, pro confesso.

As  
 pro  
 hic

rare non debeat, istius qualitatis, quæ responsioni affirmativæ adjecta est, probationem respondentem, eamque alleganti incumbere: Quâ non probatâ, perinde habetur, ac si purè absque adjectâ qualitate respondisset, confitens id, in quo cardo negotii versatur & consistit. Illud prædictis obiter adjiciendum arbitramur, non requiri præcisè partis ipsius ad articulos responsionem, si propter probabilem causam adesse nequeat, sed per *Advocatum* aut procuratorem, in animam clientis jurantem, responsionem dari posse, ita <sup>NE</sup> tamen si ad singulos articulos instructionem transmissam habeat atque exhibeat, alioqui reppellendus; quod & *Ordinatione Curiae Hollandiæ artic. 125.* cautum ac permissum reperitur.

## CAP. XXIII.

*De Interrogationibus ad Articulos exhibendis.*

Interrogationum, quæ & interrogatoria à practicis dicuntur, usus, in judiciis causisque forensibus ferè omnibus sibi locum vendicat: Ut nimirum pars, contra quam testes producantur, articulis interrogationes subjiciat, super quibus non minus quàm ipsis articulis testes examinari & interrogari debent, ob id, quòd magnum ad eruendam veritatem momentum habeant, atque eo nomine solùm exhibeantur, ut iudici tanto promptius veritas innotescat, c. præsentium. *De Testib. lib. 6. Mynsing. conf. 3. nu. 4.* Nam si testes non sint integræ fidei, animis eorum, ex aliquâ

L

cau-



causâ, in favorem ejus, à quo producuntur, inclinantibus ac propendentibus, per interrogationes ad omnes loci, temporis ac personarum circumstantias, falsitatis facile convinci possunt. Siquidem permulti homines reperiuntur, qui ad perhibendum testimonium vocati, faciles sunt, & non satis animadvertunt, quid dicant, qui per interrogationes istiusmodi, non rarò tanquam è profundo somno excitati, semetipsos recolligunt, dictaque sua corrigunt, aut si id non faciant, semetipsos confundunt, testimoniumque suum suspectum reddunt. Quo fieri credimus, ut in *Tribunalibus Orientalium* civitatum, primum ad articulos, deinde ad interrogationes partis singulas, pari fide ac diligentia examinentur. Istiusmodi enim informationes nobis sæpè exhibitæ fuerunt, quas non sine voluptate & admiratione legimus. In nostris, tum inferioribus tribunalibus, tum supremâ *Curiâ* non ita fieri vidimus, examinatoribus sæpè exiguam interrogationum rationem habentibus, nisi urgeantur, quod nobis non rarò contigit. Consimiliter quoque in examinandis testibus, ante hac peccatum fuit ab examinatoribus; solâ credulitatis voce contentis. Sed *Edicto Ordinum* nuper publicato, *ultimâ Novembris* 1602. ei rei prospectum fuit, ac injunctum, ut testes audituri, extensè eorum dicta excipiant atque describant, non contenti verbo, credit, ut fieri consuevit his verbis, ad primum, secundum, ac tertium, articulos respondit testis, credit: Id enim *Ordinatione prædictâ* vetitum est, sed debent ad longum testimonii depositiones scripto complecti, adjicientes, quid sit quod verum esse, aut se credere dicant. Quod si ob-

serva-

servatum fuerit, ut præceptum est, experientia rerum magistra docebit, testes non omnia adseveraturos, quæ articulis, quos se credere dixerunt, continentur: præsertim si super interrogationibus partis adversæ diligenter examinati quoque fuerint. Nam aut dicta sua statim corrigere cogentur, aut si id omiserint, contrarietatis semet redarguent. Qui certè mos interrogandi testes, laudabilis utilisque ad veritatem eruendam, mordicus observandus ac retinendus est:

Ac tantò quidem magis, quòd jure civili ac Curia *Praxis, seditima est ut*  
stylo receptum sit, ut non nisi parte, contra quam *nisi parte, contra quam sit*  
testes producentur, citatà *prodeuntur, citatà sit*  
(ut scilicet testes jurare vi- *testium a Commisso xxi*  
deat atque interrogatoria exhibeat) *natio:* fiat examinatio.

Quod quidem usque adeò requiritur, ut nisi id factum fuerit, tota examinatio testium irrita reddatur, viribusque careat. Est enim ea observatio de substantialibus judiciorum solemnitatibus; quâ omisâ, redditur actus nullus, juxtà ea quæ tradunt DD. diversis locis, *l. si quando & l. juris jur. C. de Testib. auth. apud eloq. C. de fide instr. c. in nomine Domini, de Testib. ibi Felyn. Alex. conf. 180. lib. 1. Iason ad l. proper. §. fin. C. de jud.* Illud autem ad munus & officium *Advocati* pertinet, sollicitè prospicere, ut hæc quæ dicta sunt, ad unguem observentur: & inter cætera præcavere, ne interrogationum vel parti adversæ, vel testibus producendis copia fiat, ante examinationem. Id enim minimè expediret, sed usum utilitatemque interrogationum interciperet, testibus antè ad singula interrogatoria quid respondendum sit, edoctis, ac instructis. Porro operam dabunt *Advocati*, ut in concipiendis interrogationibus modum adhibeant. Neque enim



enim earum multitudine onerandus est *Curia* delegatus; Quâ parte à quibusdam *Advocatis* peccatur, qui omnia clientis sui merita causæ, interrogationibus complecti solent, malo more & exemplo.

## CAP. XXIV.

*De Testibus producendis, & quod sit Advocati in eâ re munus.*

Inter omnia, quæ hætenus in medium allata sunt, iudicii membra, nullum est, quod majorem fidem, probitatem, ac circumspæctionem *Advocati* desiderat, quàm hoc ipsum de quo nunc agimus. Nam cum necessitas rerum ea sit, teste jurisconf. in l. 1. ff. *De Testib.* ut in quæstionibus facti, instrumentis deficientibus, nullus ferè detur exitus, nisi per testes, utrâque parte, quod verum est, sibi arrogante, providi industriæque *Advocati* erit procurare, ut omnia debitâ curâ ac sollicitudine conficiantur. In primis autem dispiciet, ut legitimè in producendis testibus, nomine clientis sui procedatur, nihil subdolè, nihil contrà formam juris fiat. Cavere itaque debet, ne delegatum iudicem seu examinatorem clienti suo propitium, & parti adversæ suspectum, impetrare studeat. Id enim bonæ fidei consentaneum non est, ac jure quoque reprehenditur. c. ad hæc. *De Rescriptis*. Deinde, ne consilium clienti execrabile det, de testibus corrupendis, aut instruendis, aut ad clientis sui (quæ multo-

quid in hac materia  
non debet Advocatus

2°

torum hominum malitia est) requisitionem instantiam-  
 que ipsemet id faciat. Peccat siquidem gravissimè qui  
 id facit, teste *Bart. in l. 2. C. de jurejurando propter  
 calumniam*. Sed clientem, ad hoc impium remedium  
 declinantem, serio & cordatè monere debet, ne quid  
 tale contrà rectam conscientiam moliatur, etiamsi  
 omnes latere posset, nihilque DEO OPT. MAX. tam  
 exosum esse, quam proximum circumscribere, dolo  
 fraudeque decipere, & quidem in iudicio, cui DEUS  
 ipse præsidet, cujus oculis omnes hominum actiones  
 patent, qui falli nequit: *Cœlestis enim oculus justitiæ,  
 videt quidquid fit, etiam in locis desertissimis*, teste  
*Philone Judæo, lib. 1. de vita Mosis*. Tota scriptura  
 sacra exclamat contrà calumniatores, mendaces, fal-  
 sosque testes, per quos optimus quisque, in vitæ,  
 nominis, vel facultatum discrimen facili vocatur nego-  
 cio. Unde apud *Salomonem Prov. xxv*. Falsus testis  
 dicitur esse jaculum, gladius, & sagitta acuta. Exem-  
 plum præbet duorum senum adversus pudicissimam  
 matrònâ *Susannam* testimonium falsum, quæ ad sup-  
 plicium ducta, lapidibus obruta fuisset, nisi *Danielis*  
 pueri, per divinam inspirationem, ad vindicandam  
 injustè damnatæ innocentiam, provocatione liberata  
 fuisset, senibus, per diversi loci circumstantiam, in-  
 terrogatione factâ, de falso testimonio convictis &  
 lapidatis. *Dan. XIII*. Quinimo & CHRISTUM ser-  
 vatorem nost. *Scribæ & Pharisei* falsis testibus con-  
 vincere conati sunt, omnium innocentissimum, ut &  
*S. Steph.* martyrem. *Act. VI*. Qua propter nullâ in re  
 majorem adhibere cautionem debet *Advocatus*, quàm  
 in testibus producendis, ne quid fiat, quo testium



integritas evertatur aut testimonium illius parte adversâ non vocatâ corruat, cùm nec indicium faciat, juxtâ ea quæ tradunt interpretes. *Bart. in l. fina. C. de quæstionib. Bald. in l. jubemus. C. de probat. Innoc. in c. per inquisitionem. De electionib.* Neque verò id solum pecunia muneribusque fit, sed & tum quoque corrumpitur testis aliquo modo, si in cauponâ opiparè eum tractari vino vel alio potu inebriante procurret cliens, vel illius *Advocatus*, quod in hac *Provincia*, malo more frequentissimum est. Nam ea quoque corruptelæ species est, si homines sint infimæ sortis, & istiusmodi tractationi non assueti. Quo fit, ut homines isti testimonium perhibitori sæpè bene poti *Commissario* examinandos se offerant. Qui meritò & non sine gravi & acri reprehensione increpandi & repellendi sunt, & non nisi somno discussâ crapulâ admittendi & examinandi. Et licet adversus tales testes, legitimæ competant reprobationes ac refutationes, satius tamen est, veritatem ab hominibus, istis remotis obstaculis prædictis, nudam simplicemque proferri. Nam si veritatem corrupti aliquo modo oppugnaverint, & quod falsum est, in gratiam producentis dixerint, aut eam reticuerint, certò sibi persuadere debent, divinam vindictam ultionemque se non evasuros. Nec solari falsum testem debet, quod imperator in *l. 2. C. de jurejurando. l. nam ff. De dolo.* dicat, perjurium solum DEUM habere ultorem, ut putent extrâ omnem pœnam se constitutos etiamsi de perjurio appareat; cùm *Ulpianus* referat, in *l. si duo versic. finali ff. de jurejurando.* Imperatorem rescriptisse cum patre, eum qui pejerasse convictus erat, fu-

*Perjury pena j. Civilis*

sti-

stibus castigatum dimittendum esse, tametsi & id tum  
 procedere dicat glossa, si perjurium non cedit in al-  
 terius præjudicium in cap. quicumque, 6. q. 1. d. l. 1.  
 §. 1. ubi Bart. ff. h. t. Ut & testis, qui jurejurando  
 præstito veritatem se dicturum recepit, infamiæ no-  
 tam contrahit, & ab omnibus honoribus ac dignitati-  
 bus repellitur, cum falsi crimen incurrat, si falsum  
 testimonium perhibuisse probatus fuerit. Tametsi ho-  
 mini Christiano, qui post hanc vitam vivorum ac mor-  
 tuorum judicium futurum credit, nulla gravior poena  
 accidere possit, quàm si conscientiae morsum perpetu-  
 um, tanquam tortorem & carnificem furdo verbere  
 cædentem, in animo circumferat. Sed illud aliquan-  
 do in disputationem vocatum meminimus, an ne gra-  
 tiam jurisjurandi facere tenearis, si certus sis, adver-  
 sarium tuum pejeraturum, vel testem falsum testimo-  
 nium dicturum? Sane charitas Christiana suadere de-  
 bet, (meo quidem judicio) ut jurisjurandi gratiam  
 facias, quod salvâ fide testimonii licet, quod nimi-  
 rum nobis charior esse debeat, magisque curæ, pro-  
 ximi salus periclitantis, quàm pecuniarium aliquod  
 compendium nostrum, quod nobis, etiam remissâ  
 jurisjurandi religione, salvum fortè futurum est, si  
 veritatem absque jurejurando professus fuerit ac per-  
 hibuerit, quod sæpè contingit: *Advocatus* certè uni-  
 cè debet adlaborare, ne ullo modo adduci se patia-  
 tur, ut vel dicat, vel faciat aliquid in gratiam clien-  
 tis sui, quod à fide boni viri, præceptis legum, Cu-  
 riæque decretis sit alienum, Ita enim fiet, ut bonam  
 conscientiam, quæ jure convivium *Salomoni* dicitur,  
*Prov. cap. xv.* Deo probaturus sit, ac apud homi-  
 nes

*Questio*

*Resp.*



nes laudem comparaturus. Ne autem cursum iudicii impediunt remoramque liti peragenda inijciant, curabunt Advocati, tum Actoris, tum Rei, ut testes intra terminum renunciationis, aut à iudice præfixum, aut partium conventionem designatum, producantur. Nam quod nunc passim fieri videmus, ut ad finem currente tertiâ dilatione, ad productionem se præparent, duabus integris dilationibus, quibus omninò nihil actum est, elapsis, à supinâ negligentia, imò malitiâ excusari nequit. Est enim Advocati officium, ut interlocutoriâ sententiâ pronuntiata, clientem suum certiore faciat ac moneat, ut veniat, ac de testibus producendis consilium capiat. Quod intra mentem, partibus in provinciâ commorantibus, facillimè verò intra bimestre tempus fieri potest. Debet certè advigilare Advocatus & monere clientem suum per literas, ne sit in morâ. \*Contingere enim potest, ut testes, si senes sint, aut valetudinarii, post primi termini lapsum è vitâ migrent, aut longinquam aliquam pererginationem suscepturi, intra menses aliquot, aut annum integrum non revertentes, copiam sui facere nequeant. Quo ipso, quàm magna iudicii remora inijciatur, nemo non intelligit. Cui malo ut remedium adhiberi possit, & ne in istas angustias redigatur cliens, curabit, ut testes lite contestatâ, si senes vel valetudinarii sint, aut diu absfuturi, audiantur. Id enim fieri posse jure receptum est, argumento à contrario sensu sumpto, ut lite non contestatâ non procedatur ad testium receptionem. Quo autem testium examinatio promptior sit & expeditior, debet Advocatus schedulam Commissario exhibere, nomi-

si testes senes & valetudinarii sint, aut diu absfuturi, non audiri possunt in iudicio, si modo eis sit contentio, ratio est \*

nomina testium articulorumque numerum continen-  
tem, super quibus audiri debent, quod & Ordinati-  
one Curix ult. *Novemb.* 1602. promulgatâ atque En-  
chiridio Statutorum insertâ præcipitur ac iungitur,  
ut ita Commissario in describendis testium depositio-  
nibus labor minuatur. Illud præcedentibus quoque  
adjiciendum arbitramur, ad *Advocati* officium etiam  
pertinere, ut si quando adversarius clientis sui testes  
producturus est, præsens sit, atque procuret, ne tes-  
tes examinati, depositiones suas examinandis commu-  
nicent, quod nos aliquando fieri conspeximus: facit  
enim ea res quàm plurimum ad testium fidem & veri-  
tatem evertendam, testibus ex composito unum & i-  
dem deponentibus. Quod ne fiat, præsentia suâ *Ad-  
vocatus* impedire tenetur, ac quantum in se est, ef-  
ficere, ut seorsim absque ullâ communicatione ac con-  
spiratione testimonium perhibeant ii, qui vocati sunt,  
ne si secus fiat, justam clientis sui causam periclitari  
contingat. Cui malo ut eatur obviam, consuetudi-  
ne in tribunalibus orientalium civitatum receptum  
esse videmus, ut testibus examinatis ac dimitten-  
dis, a delegato iudice seu Commissario silentium NB  
iungatur. Satiùs tamen fore existimamus, si iu-  
risjurandi quoque religione ad reticendum testimo-  
nium adigantur, cum magis divini numinis reveren-  
tiâ quàm nudo iudicis præcepto homines continean-  
tur in officio.

M

CAP.



## CAP. XXV.

*De Instrumentorum editione seu productione.*

Quæ de fide *Advocati* in producendis testibus adhibendâ proximo capite diximus, ea quoque in producendis instrumentis locum sibi vendicant. Et procurabit, ut apud Delegatum seu Commissarium, currentibus adhuc dilationibus, ad productionem præfinitis, edantur. Antequam autem id faciat, diligenter tenorem instrumenti legat atque examinet, non ignarus, quod produciens præsumatur omnia fateri, quæ eò continentur. *Innoc. in c. olim. De Censibus. Bald. in l. si quis testibus. C. de Testib.* Deinde cavebit, ne authenticam scripturam temerè parti adversæ concedat, aut in processu exhibeat, ne intercidat, ut non ita pridem conquestos audivimus clientes. Quod autem diximus, instrumenta probatoria, labentibus adhuc dilationibus, exhibenda producendaque esse, usque adeò verum est, ut nisi id fiat, & postea id facere velit, quod tamen ante conclusionem in causâ fieri debere ordinatione Curix 20. Decemb. 1541. publicatâ, cautum est, in judicio præsentē parte adversâ, id facere teneatur, termino ad contradicendum præfigendo. Exhibenda sunt autem exempla non simpliciter descripta, sed parte adversâ vocatâ, aut contumaciter absente, collata. Eâ siquidem collatione factâ, aut præsentē adversario, aut consentiente se absente fieri, par robur habent; aut authentica instrumenta, quæ postmodum exhibere necesse non est, ne deterantur, aut amittantur, cum incommodo clientis,

*Quid in hac materia  
causis debeat Advocatus  
j.º*

2.º

tis, cui ad fundandam & instruendam causam suam exempla, non eo modo collata, profutura non essent; Neque verò arbitramur opus esse, *Advocatos* mone-  
re, ne instrumentis falsis, vel de falso suspectis utan-  
tur in iudicio, non ignaros id periculo non vacare.  
Cum non solum falsum fabricantes, sed & eo scien-  
ter utentes, *penâ l. Corneliae de falsis teneantur l. 2.*  
*ff. hoc. tit.* tametsi textus, discrimen inter eos consti-  
tuere videatur, *l. falsi. §. Ordine. ff. Ad l. Corn. de*  
*falsis.* Illud in confesso est, eum qui falsum instru-  
mentum fecit, atque composuit, *poenâ falsi puniri,*  
*etiamli usus non sit, l. si falsos. C. eod. tit.* Reliqua  
verò quæ de fide instrumentorum in jure traduntur,  
quia ad stylum formamque procedendi non pertinent,  
quam nos hoc loco & Tractatu tantum persequimur,  
prætereunda arbitramur. Illud certè operam dabit  
*Advocatus*, ut, si instrumentis clientis intentio pro-  
bari possit, ea legitimo tempore ac modo exhibeat,  
non ignarus, illorum certiore esse fidem quàm testi-  
um: Scriptura siquidem nunquam non sibi similis est,  
quæ quod continet, etiam quocunque tempore ge-  
stum, sine fuco fatetur, cum probatio quæ per testes  
fit, fragilis sit, & sæpè fallat, teste *Conrado Bruno*  
*in Tractatu suo de legationib. cap. 7.*

C A P. X X V I.

De Renunciatione.

T Estibus ac instrumentis, juxtà formam Curiaëque  
stylum exhibitis, productis ac examinatis, ul-  
M 2 te-



teriori eorundem productioni renunciare debent *Advocati*, ut tandem lis recto tramite ad finem decurrat. Ad quem ut perveniatur, dilationes plures quàm tres, concedendæ non sunt, præsertim si litigatores in provinciâ commorentur, & duabus prioribus labentibus, nulla sit adhibita diligentia. In quo certè sæpè peccatur ab *Advocatis*, in utramque (quod dici solet) aurem dormientibus. Quod si verò alterutra pars, ex iustâ legitimâque causâ, aliquot dierum spacium sibi concedi petierit, non morosum se præbere debet *Advocatus*, sed eo temperamento adhibito litem tractare, ut *Advocatus* diversæ partis, & ipse Iudex intelligent, nihil agi aut quæri, quo quis à jure suo ac probationibus seclusus, succumbat, sed id tantum spectari & agi, ut hominum malitiis, moras necitentium, litesque ex professo protrahentium, eatur obviam. Indulgendum ergò est ex causâ rationabili, 10 aut 15 dierum spacium, pro ratione ac loci distantia sufficiens: cum in morâ modici temporis parvum sit præjudicium. Quod si malitia in petendis adhuc aliis dilationibus tribus elapsis, quibus labentibus, nihil omnino actum est, tam sit manifesta, ut nullo colore excusari possit, non debet *Advocatus* istam fovere malitiam, sed rigide juris uti remediis, & curabit, ut diversæ parti certus ac peremptorius aliquot dierum terminus præfigatur, intra quos testes producere cogatur. Præcidendæ certè dilationes sunt, ut tandem finis causæ imponatur, ne lites fiant immortales. Quod quidem eo magis faciendum est, quod hujus Curie Ordinatione terminus nullus peremptorius statutus sit, nisi dicas, omnes omninò dilationes peremptorias esse.

CAP.

## CAP. XXVII.

*De Reprobationibus, seu Refutationibus testium.*

**R**Enunciatione factâ, testibusque publicatis, *Advocati* partes erunt, totam istam informationem, testiumque dicta diligenter evolvere atque expendere. Et primum quidem *Actoris Advocatus*, cui ut plurimum incumbit probatio, excussis testimoniis inquire debet, an aliquid, & quid à clientis sui parte probatum sit. Nam si duobus testibus, parte adversâ vocatâ, productis (quod fieri debere antè diximus *l. si quando l. juris jurandi. C. de Testib. L. ubi numerus ff. d. tit.*) omni exceptione majoribus, intentionem suam probaverit, victoriam sibi meritò pollicetur. Consimiliter quoque *Reus*, si exceptionem suam, vel solutionem allegatam, aliamque qualitatem, juris agentis exclusivam, planè docuerit, absolvendus veniet. Ut autem voti sui compotes reddantur, ante omnia diligenter ruminare debent *Advocati*, confessiones partis diversæ ad articulos factas. Nam si reus in responsione suâ ad articulos id confessus fuerit quod est ab *Actore* propositum; res in vado est, nec superest aliud, quam ut condemnetur, ut antè quoque probavimus, *cap. De Confessionib.* Quod si ex responsione talem confessionem elicere non possit, proximum est, ut dicta testium diligenter sollicitèque excurret, & quid ab unoquoque eorum dictum sit, annotet, ut scire possit, an valida ex eorum dictis ex-

M 3.

sur-



furgat probatio. Iam verò si partis diversæ testes reprobandi sint, *Advocati* prudentis officium erit, quando probra testium alleganda sunt, ad fidem illorum elevandam minuendamque (quod huic parti iudicii tanquam sentinæ malorum peculiare est) adniti, ut quantum fieri possit, testium ignominiam & probra parcellimè revelare studeat, nihil libidine conviciandi, cuiquam objiciat: Ac in eo ita se gerere debet, ut adversarius ac testes, denique iudex ipse intelligant, summâ necessitate coactum, quæ contumeliosa sunt, in medium protulisse. Nam qui irâ odioque accensus, testes reprobando, significationem præbet, cum voluptate se testium defectus detegere, is profectò in legem charitatis peccat, & eo ipso declarat, habere se cor felle & amarulentiam plenum. Illud autem propicere, & cum cliente communicare debet *Advocatus*, antequam ad probra testibus objicienda descendat, an probationes eorum in promptu habeat: His siquidem deficientibus, gravissimis injuriarum actionibus clientem involveret, *Oldrado de Ponte, Conf. 53.* & *Ludovico Romano* id attestantibus. *Conf. 96.* Quòd si verò probationes præ manibus sint, ac per testes expediri possint, articulis ea complecti ac probare studebit *Advocatus*, & in istis injuriosis allegationibus eam adhibere cautelam, ut nihil sine speciali mandato clientis sui scriptis complectatur. Id enim si fecerit, & honori suo optimè consulat, & iudici fidem faciet, nihil à se maledicendi animo atque libidine obtrectandi, in isto negotio factum esse, sed officii necessitate compulsam adactumque ea scripsisse, quæ alterius existimationem lædunt, ac apud viros bonos

Quid in articulis  
habetur, observare  
debet  
Advocatus?

nos gravant. Reliqua verò, quæ tum contrà parsonas, tum dicta testium adferri possunt, quia omnibus in praxi vel modicè versatis nota sunt, quippe quæ in reprobationibus inferi consueverunt, non est necesse hoc loco referre, cum textus legum, è quibus peti solent, cuilibet sint obvii, l. testis idoneus, l. pen. ff. hoc tit. l. 2. l. parentes. C. eod. titul. Iam verò si excussis probationibus, testiumque dictis, cos non exactè examinatos deprehendat, ad officium Advocati pertinet, ut testes denuò vocari, diligentiusque audiri procuret, quod Commissarius recusare nequit. Nam cum in probationibus totius causæ victoria sita sit, non immerito *Advocatus* advigilare debet, ut omnibus numeris absoluta sit testium examinatio, quæ ut plurimum magnis impensis sumtibusque perficitur, præsertim si è remotis locis evocentur. Quæ quidem examinationis repetitio tunc peti poterit, si testis de causâ scientiæ interrogatus non fuerit, aut non responderit sufficienter, aut ad interrogatoria diversæ partis non sit examinatus, quod neutiquam omitti debet. Antequam autem manum de tabulâ (quod dici solet) dimoveat, conclusionem reprobationibus testium juxta Curia Ordinationem subicere debet, ne in iudicio morâ interjectâ, postmodum id postulare necesse sit.

*Testis quibusdam casibus non vocari potest*  
*1.º*  
*2.º*  
*3.º*  
*Reprobans debet causam in causa*

C A P. X X V I I I.

*De Salvationibus seu sublevationibus Testium.*

**D**E hoc membro processus judiciarii dici potest quod *Salomon* in *Proverbiis* refert cap. xv. nimirum  
lin-



linguam placabilem, lignum esse vitæ. Jucundius si-  
quidem & humanitati congruentius est, laudare pro-  
ximum quàm vituperare, benedicere quàm maledice-  
re, conviciisque proscindere. Itaque *Advocatus*, ut  
omnes reprobationes contrà testes à cliente suo pro-  
ductos refellat atque amoliat, totis viribus incum-  
bere atque adlaborare debet, ut contrariis probationi-  
bus eas elidat, testibusque suis fidem integram ad fe-  
rat. Nam si vel in minimis testes isti reprobatorii  
discrepent, aut in circumstantiis loci, temporis, per-  
sonarumque variant, omnis fides conviciis probris-  
que in testes coniectis abrogabitur, & qui antè bo-  
nus ac legalis fuit, nunc quoque talis esse præsume-  
tur, juxtà tritam juris regulam. Quibus autem rati-  
onibus argumentisque testes salvandi sublevandique  
sint, eorumque dicta confirmanda, non est nostri in-  
stituti in hunc compendiarium tractatum congerere;  
cùm ea ex libris juris ac interpretum commentariis  
latissimis peti possint: Quorum omnium ea communis  
est sententia, ut dicant, testium dicta salvari, si in  
principali causâ non discrepent, aut aberrent, etiam si  
in minutulis circumstantiis variant, sed id solum no-  
bis propositum est in hoc Tractatu, monere Advocatos  
tyrones & exhortari, ne clientibus suis suo of-  
ficio desint, sed ut operam dent ac enitentur, ut  
remediis juris licitis permissisque, testium fama, re-  
probationibus labefactata & aspersa, restaurari ac in  
pristino statu manuteneri queat. Quemadmodum au-  
tem de reprobante antè dictum est, quod is simul  
quoque in causâ concludere debeat, idem quoque in  
salvante locum habet, ut eo factò, præter comple-  
men-

Salvans concludere  
debet in causa:

mentum (quod Galli *fournissement* appellant) nihil amplius agendum superfit. Id enim Ordinatione magni Consilii cautum reperitur, *artic. 36.*

## CAP. XXIX.

*De complemento seu repertorio processus,  
post sententiam interlocutoriam.*

Conclufione in reprobationibus & salvationibus juxtâ Curix Ordinationem factâ, aut si pars adversa detrectaverit, ejusdem ordinationis remedio implorato, ad instruendum complendumque processum *Advocatus* accingere se debet. Neque enim res parvi est momenti, & quæ perfunctoriè tractanda est ac peragenda. Nam non solum testium depositiones & instrumenta, si quæ exhibita sunt, clientis sui, per delegatum Curix seu Commissarium inferri ad Curiam procurabit, sed ea quoque ad amussim examinabit, an ritè sint descripta nec ne, peccatur enim sæpè ab amanuensibus Consiliariorum, qui pueri cum sint ac scribere sæpè nesciant, affirmationis loco negativam, aut contrâ, per errorem substituunt. Quod si eâ parte nihil peccatum deprehenderit, proxima erit cura, ut repertorium (quod inventarium vulgo dicitur) omnium eorum quæ post interlocutionem exhibita sunt, conficiat, & in eo, vel characterum, vel numerorum notis describat, quid repertorium contineat; Et si instrumenta producta sunt, adnotare juxtâ Curix, *Ultimâ Novembris 1602. promulgatam* ordinationem tenetur,

N

netur,



netur, quorum & ad cuius facti vel articuli probationem faciat: id enim non parum iudicis laborem minuet. Neque verò sufficere arbitrabitur, si à suâ parte omnia se benè habeant, sed adversæ partis inventarium inspicere debet, ut scire possit, an aliquid ab adversario insertum & insertum sit, quod in processu antè exhibitum non fuit: Id enim si deprehenderit, *Advocatum* monere & increpare debet, ut amoveat, aut si recusaverit, supplicî libello Curix porrectò significare debet, ac petere ut illi injungatur, ut id faciat. Profectò qui talibus utuntur artibus ac technis, spiritum CHRISTI minimè redolentibus, in viris bonis habendi non sunt. Etiam si enim causam justam foveat, injustis tamen modis mediisque promovenda ac tuenda non est, teste *Didaco Covarruvia*, excellentissimo hujus seculi juriscons. qui sententiam nostram cap. 7. relatum ex professo confirmat. lib. 1. *variarum resolut. cap. 2.* Illud quoque corollarium vice adjiciendum existimamus, inter illicita quoque connumerari, si *Advocatus* processum ab utrâque parte instructum completumque, & Curix fideique *Graphæi*, aut ejus vicario conceditum, ad se recipiat, alicui ex Consiliariis, cujus sibi favorem fortè pollicetur, obtrulurus. Eo enim ipso fit, ut sæpè processus intercidant aut malè tractentur: quod ne fiat, publice interest, & Curix Ordinatione quoque cautum vetitumque reperitur.

CAP.

## CAP. XXX.

*De Consiliis seu juris informationibus quæ  
responsa dicuntur.*

**P**ROCESSU concluso ac completo, modo ac formâ  
antè à nobis relatâ, solent *Advocati*, ad majorem  
& compendiosiore*m* judicis instructionem, aliquam  
juris informationem brevem, & causæ litisque statum  
seu facti speciem, & utriusque partis argumenta, eo-  
rumque solutiones & confirmationes complectentem,  
processui addere & exhibere, quod & in aliis Tribu-  
nalibus moris esse & fieri posse non ignoramus. *Bald.*  
*Auth. jubemus. C. de judicis.* Sed dubitatum memi-  
nimus, an parti adversæ aut illius *Advocato*, istius  
informationis seu consilii copia, necessariò faciendâ  
sit nec ne, quibuldam affirmativam, aliis negativam  
partem defendentibus, quæ & nobis placet, & in  
praxi obtinuit. *Hemmingerus Goeden in Tractatu suo*  
*de ordinis judiciarii processu, Rubr. 28. num. 47. 48.*  
Nam cum istiusmodi informatio juris, non sit pars  
processus, nec de substantiâ judicii, teste *Baldo in*  
*Auth. jubemus, C. de judiciis*, uti omnes fatentur,  
(alioqui enim ante conclusionem in causâ exhibenda  
foret,) necessariò sequitur, partis adversæ non inter-  
esse, eam sibi exhiberi atque legendam dari, & eo  
quidem minus in foro nostro, quod in processu, par-  
tis utriusque causæ merita, & argumenta, plenis ve-  
lis sint deducta, disputata, atque hinc inde confu-  
tata. Aliud fortè dici posset, obtinere debere in praxi

N 2

Hol-



*Contrarium offit in  
Curia Hollandica*

NB

*Hollandicâ*; quam nos in processu quodam magno, in quo de jure viribusque Repressaliarum disputabatur, aliam esse animadvertimus. Eum siquidem processum, ab *Advocatis* istius Curie primariis, ita conscriptumprehendimus, ut nihil præter nudam (exquilam tamen) facti narrationem nullis legum allegationibus vestitam ac confirmatam contineret: Certi interim juris informationem (*Advertissement ou motif. de droit*, appellant Galli) iudicibus compromissariis, coram quibus lis pendet, neutiquam defuturam esse, cujus nobis copia nunquam exhibebitur. Magis certè nobis placet hujus nostri fori consuetudo, quâ disputationes in processu fiunt, & res aperto quasi Marte geritur, *Advocatis* in scripturis, adversario exhibendis, omnes ingenii ac doctrinæ vires intendentibus, ut clientis sui nomine, argumenta contraria solventes, superiores evadant. Neque enim omnes, qui sententiam in senatu dicturi sunt, absolutam Iuris scientiam in scrinio pectoris habent, ut argumenta ab alterutrâ parte, ex legibus malè usurpatis objecta, aptâ interpretatione, vel distinctione, prout res postulat, proprio Marte dissolvere queant; quod non ita difficile Iudicibus minus versatis, futurum est, si *Advocati* partis adversæ, qui totius causæ statum ac merita per frequentes velitationes veluti in numerato habent, & quosvis fucos facile deprehendere possunt, solutiones viderint. Quod nobis in gravi & arduâ quadam causâ, quæ in hac Curia non ita pridem, sententiâ definitivâ secundum clientem nostrum latâ, decisa fuit, accidisse testari possumus: Quam Actor ipse Iurisperitus, & hujus Curie quondam *Advocatus*,  
non.

non infimi nominis, scripto quodam, post conclusionem in causâ exhibito, variis ex jure, tum Canonico, tum Civili, ad ostentationem depromptis, sed perperam usurpatis allegationibus, usque adeò ornaverat, ut, nisi nos Curix permissione impetratâ, illud accuratâ, longâque Iuris informatione, omnibus illius fucatis allegationibus visis, detectis, atque discussis, refutassemus, res periculo caritura fortè non fuisset. Proinde laudanda est ac præferenda hujus fori nostri consuetudo, omnem versutiam fucumque, animum judicis supplantare valentem, excludens. Generosi siquidem animi est, hostem adversis, non avertis vulneribus configere; Vulpinum est, ex insidiis eum aggredi. Permissum itaque Curix ordinatione, Anno 1591. publicatâ, ac Enchiridio statutorum in- *Etiam post Conclusio in causa juri in formatione Belgica ad*  
fertâ comprobamus, etiam post conclusionem in causâ *notissimum Curia Regia*  
juris informationem seu consultationem judici tradere, *judici tradere parti ta*  
parti tamen adversæ, ejus inspiciendæ copiam ac fa- *non ducere juri in*  
cultatem jure denegari posse. *inspicenda capiat*  
Ut autem citrà fraudem, omnemque subreptionem, ac bonâ fide fiant *que jura sint.*  
omnia, cavebit is, qui consultationem conscribit,  
judici tradendam, ne allegationibus legum, ulla facta,  
in processu non proposita, interserat, atque admisce- *NB*  
at. Id enim non licet, & à viro bono & honesto pro-  
boque Advocato perquam alienum esse debet; cujus  
est, in litibus exercendis, omnia causæ clientis sui  
merita argumentaque candidè, sincerè, ac bonâ fide  
profiteri, atque in medium proferre, & adversario,  
exceptâ juris informatione communicare, nihil addere,  
vel detrachere iis, quæ semel exhibita sunt, quod  
prædictâ Curix constitutione quoque est cautum, ne



is, sententiâ postmodum contrâ se latâ, prætere  
possit, technis ac machinationibus illegitimis, se su-  
peratum succubuisse, vel si actor sit, repulsam tulisse.  
Atque hisce juris informationibus, seu consiliis, nos  
aliquoties in causis arduis, gravibusque, tum civili-  
bus, tum capitalibus sæpè oblati, usi sumus, & qui-  
dem non sine fructu, quas, si vita suppetat, aliquan-  
do in publicum dabimus.

## CAP. XXXI.

*De Sententia Definitiva.*

Totius laboris, qui litibus exercendis impenditur,  
scopus est, sententia definitiva, ad quam obtinen-  
dam quam citissimè omne studium suum atque sollici-  
tudinem convertere atque dirigere debet *Advocatus*.  
Quod si ea ex voto contigerit, est quod gaudeat, ac  
clienti suo gratuletur, non ignarus, litis eventum,  
ut belli, dubium esse, & suffragiis plurium, melio-  
rem sæpè partem vincentibus, eum succumbere, qui  
secundum se pronunciatum iri non dubitabat. Sin  
causâ ceciderit qui vincere sperabat, cogitare debet,  
unumquemque nostrum, amore sui quem, φιλαυτίαν græ-  
ci vocant, excœcatum, aliter de rebus suis judicare,  
quàm rei veritas sæpè postulat: Rapimur enim, imò  
abripimur affectionum ventis, veri iudicium auferen-  
tibus. Cui illud quoque accedit, quod non semper  
superior sit causa quæ melior est, quod nec mirum  
est, cum *Plinio teste lib. 2. Epist. ad Arrianum Epi-  
scop. numerentur, non ponderentur sententiæ, nec ali-*  
ud

ad in publico consilio fieri possit, in quo nihil est tam in-  
 æquale, quam æqualitas ipsa: Nam cum sit impar pru-  
 dentia, par omnium jus est. Quinimo, ut inquit idem  
 Plinius, lib. 1. Epistolarum. Epist. ad Corn. Tacitum.  
 ingenia judicum non minus inperspicua, incerta, fallacia  
 sunt, quàm tempestatum terrarumque, ut & varia homi-  
 num judicia, variae voluntates. Quod de cliente su-  
 prà diximus, ac illius præoccupato judicio, idem  
 quoque de *Advocato* dici potest, qui patrocinium præ-  
 stitit ac causam tutatus est. Is siquidem cæco quodam  
 judicio, sæpè existimat, justum esse legibusque sub-  
 nixum, quod defendit, licet à scopo aberret. Pro-  
 inde latâ sententiâ, eam moderationem adhibere de-  
 bet *Advocatus* circumspectus & cordatus, ut clien-  
 tem, qui victus est, ab importunis querimoniis &  
 exclamationibus dehortetur, & ad injurias ac probra  
 in judicem evomenda projiciendaque progressum, gra-  
 vissimè increpet, positis ob oculos periculis, quibus  
se subiciat, infamiae nimirum, juxta legum definitio-  
nem, l. judici. ff. De injuriis. nec quidem immerito,  
cum in judice omnis cesset sinistra suspicio & præ-  
sumpta calumnia, c. cum clamor. De testib. c. in præ-  
sentia. De renunciat. imò præsumitur judex omnia  
 rectè facere, quæ officio suo incumbunt, l. 2. c. de  
 offic. civil. jud. Bald. in l. 1. C. Ne quis in suâ causâ,  
 nisi contrarium probetur, quod factum difficillimum est.  
 Quod si ad reales injurias progressus, manus intule-  
 rit judici, in vitæ periculum manifestissimum se con-  
 jicit. Cujus notabile exemplum contigisse dicitur in  
 cive quodam *Leovardiensi*, qui, quod Consuli ad fo-  
 res ædium suarum confidenti, cum secundum adver-  
 sa-

*injuria ac probra in  
 judicem evomenda infamia  
 notam facit, et quare?*

*quid si realem injuriam  
 intulit, quid jact?*

*Exemplum.*



farium suum judicatum cognovisset, minitans stricto  
 cultro dixisset; Ego te docebo sententiam ferre, car-  
 ceribus publicis inclusus, intrà paucos dies capite ple-  
 xus fuit, rejectis omnibus deprecatoribus. Neque e-  
 nim permittitur vel clienti vel *Advocato*, judicem ver-  
 bis nedum factis malè tractare & excipere. Is siqui-  
 dem officio suo functus est, etiamsi malè judicavit,  
 respectu habito, non ad id quod fecit, sed quod fa-  
 cere debuit. *l. jus, versic. prætor. ff. de justit. & jure,*  
*l. judex posteaquam. ff. De re judicatâ, l. si ut propo-*  
*nis. C. quom. & quando jud.* Præterquam quod res  
 judicata pro veritate quoque habeatur: & reipub. in-  
 ter sit, rerum judicatarum auctoritatem non temerè  
 convelli: Sed si is qui victus est, omninò arbitretur  
 injustè sententiam contrà se latam esse, ordinariis juris  
 remediis uti debet, ut nimirum ad superiorem pro-  
 vocet, quod per appellationem fit in inferioribus tri-  
 bunalibus, aut revisionem impetret, si in Curiâ pro-  
 nunciatum fuerit: Appellatione liquidem ritè inter-  
 positâ, suspenditur prior sententia, donec aliter à  
 judice appellationis, pronunciatum fuerit. *l. si causâ*  
*cognitâ. C. de Transact. c. venientes. de jurejurando.*  
 Quæ cum ab omni gravamine interponi possit, etiam  
 ab Actibus extrajudicialibus, non est quod injuriam  
 vel verbalem, nedum realem in judicem evomendo,  
 malum sibi accersat condemnatus, quamvis & alia  
 quoque remedia jure prodita sint, quibus vel ini-  
 quitas, vel nullitas sententiæ, corrigi potest, ut putà  
 beneficium restitutionis in integrum, per quam rescis-  
 sâ priori sententiâ, condemnatus reponitur in pri-  
 mum statum: Quo tum uti possumus, quando com-  
 muni

Remedia juris quibus  
 sententia corrigi potest  
 1.  
 2.  
 3.

muni quidem jure valet sententia, nec ab eâ est appellatum: qualis ea est, quam judex gratiâ, favore, vel precibus permotus tulit, & tamen in speciem æquum est ut rescindatur, item ex causâ minoris ætatis, *l. minores, C. Si adversus rem judicatam vel circumventionis adversarii, vel legitimæ absentix, l. minores, C. Si adversus rem judicatam.* Ad hæc superest quoque remedium nullitatis, quo sententia ipso jure invalida declaratur, quæ ne nomen quidem sententiæ meretur, nec executioni, oppositâ exceptione, mandari potest. Quâ quidem nullitate laborat ea sententia, quæ à judice incompetenti, vel parte ad sententiam audiendam non citatâ, prolata fuerit, *l. si expressim. De Appellat. & si pecunia corruptus Judex sententiam tulerit, quæ venalis dicitur. l. venales C. Quando provoc. non est necesse. l. prolatam. C. de Sent. & interloc. omnium judicum.* Item si termini substantiales observati non fuerint, si solitus Judiciorum ordo servatus non sit, cui partes renunciare quoque non possunt, *Salic. in Auth. offeratur. C. de litis contestat. si ex scripto recitata non fuerit, si expressam continet iniquitatem, ex processu actisque apparentem, vel publicam læsionem, quæ quoque ipso jure nulla est.* Cujus exempla habent textus *l. 1. §. item cum contra. ff. Quæ sent sine appell. resc. & l. 2. C. Quando provocare non est necesse.* Ad hæc, ut diximus, superest remedium *Supplicationis* & remedium *Revisionis*, ad quæ recurrere potest condemnatus. Quæ omnia supradicta, *Advocatus* clienti suo, qui condemnatus est, aut repulsam tulit, explicare & intimare debet, ut is omnibus discussis & exactè perpen-

O

sis

4°

2do + quando sententia dicitur nulla?

1°

2°

3°

ora

4°



sis, apud se deliberare possit, atque constituere, an adversus sententiam aliquo prædictorum remedio uti velit, & ut intra tempus à jure statutum, aut *Placito* præfinitum id faciat, ne postmodum elapso tempore, serà eum duci pœnitentiâ contingat. Ne autem temerè in hac re fiat aliquid, *Advocati* officium erit, summâ curâ, sollicitudine atque etiam prudentiâ cuncta rimari, & considerare, utrum ad *Appellationis* vel *Revisionis* remedium, confugere clienti expediat, ne, si secus res ceciderit quàm sperabatur, sit, quod *Advocato* imputari possit. Qui providè faciet, si cum aliis *Advocatis* duobus, vel tribus, vel etiam pluribus, in theoriâ praxique versatis, si causa gravis magnique ponderis sit, re communicatâ & in omnes partes discussâ, quid factò opus sit, consuluerit, & maturè executus fuerit. Eo siquidem factò semetipsum extrà omnem culpam constituet, & *Curia* fidem bonam ac integram conscientiam suam probabit, quem officii ratio, ac necessitas, si sententiam vel nullam vel iniquam dixerit, legitimè excusabit. *l. tutor. ff. De his quib. ut indig.*

## FINIS SECUNDÆ PARTIS.

## CAP. XXXII.

*De Appellationibus.*

*T* Ametsi à sententiis hujus supremæ Curia non admittatur appellatio, cum per *Arrestum* judicet, ac remotâ appellatione pronunciet: nihilominus tamen cum

vis folio 6:

cum ab inferioribus atque municipalibus iudicibus ad Curiam hanc fiat provocatio; Videndum est, quæ sint *Advocati* partes in eâ introducendâ & exequendâ. Multa siquidem expendenda sunt, ut sciri possit an sit admittenda. Nam nec verus contumax, is nimirum qui citatus & inventus rotundè dicit, se nolle venire, appellans auditur, *l. ex consensu §. fin. ff. de Appellat. l. & post edictum §. 1. ff. De judiciis. l. properandum. §. fin. autem. C. De judiciis. Cynus.* nec is qui intrâ decem dies à latâ sententiâ appellationem non interposuit, ut nec is qui intrâ triginta dies à latâ sententiâ, non interpolatâ appellatione, numerandos (in quo multos errare asserit Oldendorpius in *Tractatu de præscript. cap. 6. glossa l. iudicibus C. de Appellat. Myns. Observat. 36. Guido Papæ q. 436.*) literas dimissorias, quas practici *Apostolos* appellant, instanter non petierit, Actisque Curix inscribi non curaverit, ad appellationem proseguendam admittitur: Quod si verò ab interlocutoriâ provocatum fuerit in scriptis, expressis gravaminum causis, appellatio interponenda erit ex dispositione juris Canonici, *c. cordi c. ut debitus. De Appellat.* quam stylus hujus Curix supremæ recepit & observat. Hæc itaque cum ad appellationem ritè legitimèque interponendam ac introducendam de jure ac formâ requirantur, ad curam ac sollicitudinem *Advocati* pertinet, ut omnibus istis discussis, expendat quid factò sit opus. Si enim aliquid istorum omissum compererit Appellantis *Advocatus*, consultorem ab eâ proseguendâ dehortabitur, frustrâ laboraturum, quinimo & in expensas condemnandum: cum paria sint, non appellasse, & non legitimè ap-

quænam attendenda sint  
qui appellationem inferunt  
l. 4.

1°

2°

3°

Quid sit ab interlocutoriâ  
sententiâ appellatio fit:



pellasse. *argumentò l. quoties. ff. Qui satisf. cogantur.* Quod si verò omisissis solemnibus, antè relatis, *Appellans* litem persequendam sibi arbitrabitur, *Advocatus* appellati per exceptiones legitimas clienti suo confulet, ac appellantem repellet, cujus vel maximè interest, sententiam inferioris judicis secundum se latam firmam remanere, executioni mandandam. Quòd si verò sententiam inferioris judicis aut per imperitiam aut fordes gratiamve prolatam animadverterit *Advocatus* (neque enim omnes judices *Areopagitæ* sunt, quod *Dolani Parlamenti Syndicatus*, jussu *Regis Hispaniæ* nostro tempore coeptus, quatuor consiliariis ob fordes ordine motis, satis docet) atque ob id appellationem justè interpositam prosequendam exequendamque existimaverit, ut reformari, retractari ac rescindi sententia possit, clientem monere debet, ne quid ex solemnibus prædictis omittat. Id enim si factum fuerit, ab appellatione exclusus, insuper in expensas quoque condemnabitur. Antè omnia verò prospiciet appellantis *Advocatus*, ut ad diem juridicum, ad suam, vel appellati instantiam (quod per anticipationem juxtà hujus Curiae styllum fieri consuevit) præfinitum, paratus adsit, exemplo sententiæ à quâ, munus, ut statim libello exhibito (debet enim esse paratus) causam appellationis introducat. Nam si absens de contumaciâ fuerit accusatus, appellatio deserta declaratur, & appellans in expensas condemnatur, & prior sententia perinde ac si appellatum non fuisset, executioni mandatur: Quod ipsum stylo Curiae sicut durum sit, receptum esse, nemo qui praxin vel à lumine salutavit, ignorare potest. Cùm tamen Actori  
ad

*Act. juris si appellans f.*  
*Act. absens ?*



ad præstitutum diem juridicum non comparenti & de  
 contumaciâ accusato, non aliud inferatur gravamen,  
 quàm quod citatione circumductâ novam impetrare  
 cogatur, solutis expensis adversario, antequam ad-  
 mittatur ad agendum in iudicio. Quod quidem non  
 aliâ ratione niti credimus, quàm quod rei judicatæ  
 autoritas magna sit in jure, (habetur enim pro veri-  
 te) quam non temerè convelli publicè quoque inter-  
 est; Nam & magni *Consilii*, cap. *Des matieres d'appel*  
 & *dependences*, art. 10. & *Curie Hollandiæ* artic. 110.  
 Ordinationibus idem receptum esse reperitur: cum  
 tamen non modici res sit præjudicii, unâ contumaciâ  
 appellationem desertam reddi, ac primam sententiam,  
 licet injustam fortè & nullam, effectum sortiri. Illud  
 autem in hac materiâ disputando moveri videmus, an  
 si appellans dicat, se ad iudicem competentem pro-  
 vocare, non expresso ejus nomine, appellatio talis  
 subsistat? Sed cum *Bart. in l. i. in fine ff. hoc tit. l.*  
*qui Romæ §. seia ff. De verb. obligat.* absque expres-  
 sione nominis talem appellationem sufficere resolvat,  
 frustra laborabit *Advocatus*, si exceptione ita appel-  
 lantem repellere conetur. Porro, quod suprà dixi-  
 mus, appellationem ex defectu comparitionis appel-  
 lantis, de contumaciâ accusati desertam declarari, non  
 semper obtinet. Nam si legitimâ causâ paupertate  
 puta, vel morbo vel aliâ impeditum se fuisse probare  
 possit, quominus ad diem juridicum adesse potuerit,  
 appellationem introducturus, quas impedimenti cau-  
 las legitimas *Guido Papa, quæst. 436. nu. 109.* enu-  
 merat, contumaciâ purgatâ, ex clausulâ generali. Si  
 qua iusta causa videbitur, in integrum restituitur. Il-



lud in hac materiâ in dubium vocari solet, an si sententia inferioris iudicis plura contineat capitula, ab uno aliquo appellari possit; Et decidunt interpretes, quod talis provocatio admittatur *Innoc. c. dilectus hoc. tit. Bart. in l. appellanti. ff. eod. tit.* Quemadmodum & illud receptum esse tradunt, quod iudex inferior, si in expensis victum condemnare omiserit, ab eo admittatur appellatio *l. final. C. Quando provoc. non est necesse. Spec. in Tit. de Appell. §. in quibus. versic. quid si vict.* Reliquas autem quæstiones, quæ in hac Appellationis materiâ moveri solent, non est nostri instituti discutere, sed *Tironibus Advocatis*, quibus plerunque ocium suppetit, conquirendas & executiendas relinquimus: quos tamen monitos volumus, ut in hac instantiâ persequendâ, eâdem fide & integritate versentur, quam in alio processu requiri ostendimus.

## CAP. XXXIII.

## De Reauditione.

Superiore capite diximus, à sententiis hujus supremæ Curix appellationem non admitti, sed semel tantum *Revisionis* beneficium impetrari & obtineri posse, si intrâ biennium oblatis Curix precibus petatur, & observentur ea, quæ sequenti capite describuntur ac comprehensa sunt. Sed cum nonnunquam contingat, *Advocatis de Dilationib.* probatoriis, ac executoriis, aliisque quæ incidere solent, in auditorio disceptantibus, Curix delegati interlocutione ali-

quod

quod gravamen inferri, hujus Curiae stylo receptum est, ut appellationis loco reauditio peti possit, observatis solemnibus iis, quæ requiruntur. Quorum quidem hæc summa est, ut nimirum eam petiturus illicò factâ interlocutione, in auditorio petat, ac ipso facto 25. Iusteros monetæ currentis in judicio consignet, atque deponat. Quo facto, relatione per eundem delegatum seu *Commissarium* ad Curiam factâ, in *Senatum*, *Advocati* qui contenderunt, vocati, rem in pleno consilio disputant. Quibus hinc inde auditis, si decretum prædictum approbari ac confirmari contingat, 25. Iusteri consignati filco cedunt: sin minus restituuntur *Advocato*, qui reauditionem petit. Quæ quidem solemnitas Ordinatione Curiae ultimâ *Novemb. 1602.* promulgatâ comprehensa est, ac *Enchiridio Statutorum* inserta. Atque hanc reauditionis proponendæ ac exequendæ formulam, in *Curia Hollandicâ* quoque servari deprehendimus ex ordinationibus ejusdem Curiae 9. *Maii 1521.* promulgatis, *artic. 50.* Tametsi autem in magno *Consilio* apud *Mechliniam* quoque receptam esse ex ordinationibus prædicti *Parlamenti* conspexerimus, 8. *Augusti 1559.* publicatis, sub *Rubricâ Stil & maniere de proceder & l'ordre que l'on tiendra aut rolle, artic. x.* non tamen reauditionis sed appellationis voce describitur atque refertur. Quod autem antè diximus, ilico reauditionem petendam esse, usque adeò in *Curia Hollandicâ* obtinet, ut statutum sit, interlocutionem Delegati (*appointement* Galli vocant) ratam firmamque manere, nisi durante auditorio, aut antequam alia causarum fiat præsentatio, seu recitatio, reauditio petatur & perficiatur. Nos dum

reauditionis summa, ut  
fod. una præxi & observata.



dum in praxi versati sumus, semel tantum ab *Advocato* adversarii clientis nostri, reauditionem petitam fuisse recordamur, sed approbatâ *Delegati* interlocutione, consignata pecunia prædicta fisco cessit. Sed cum rarò imò rarissimè ista petatur reauditio, *Advocatis* consimilem ferè eventum pertimescentibus, non est necesse huic materiæ diutius immorari.

## CAP. XXXIV.

*De Revisione impetrandâ & exequendâ.*

**M**Ajores nostri summâ sapientiâ & prudentiâ præditi, cum non ignorarent, *Frisios* suos naturâ ad dissensiones litesque propensos esse, præsertim animis illorum ex præteritis factionibus ac bellicis tumultibus adhuc efferatis, nec ad tranquillitatem omninò reductis, cum *Imperatore Carolo Quinto* certis conditionibus transactione celebratâ, anno *Christiano* 1524. inter cætera illud supplices petiverunt ac obtinuerunt, ne in civilibus causis ulla extrâ hanc *Provinciam* admitteretur *Appellatio*, sed ut illius loco semel *Revisionis* beneficium certis quibusdam conditionibus impetrare concederetur *Frisiis*, qui per sententiam supremæ hujus Curix se læsos questuri essent: Quod *Hollandis* aliisque quibusdam *Provinciis Belgicis* permissum non est, ad magnum *Senatum Mechliniæ* provocantibus. Cum itaque omnes ferè judicii praxisque forensis partes ac membra tractaverimus, ordo seriesque tractationis nostræ postulare videtur, ut

ut de *Revisione* quoque disseramus, & quod sit *Advocati* solertis in eâ ritè impetrandâ exequendaque officium, breviter explicemus. Quæ quidem *Revisio* licet non in omnibus ab *Appellatione* discrepet, quod idem sit utriusque scopus, ut nimirum prior sententia definitiva reformari, atque error illius corrigi possit, in multis tamen, imò plerisque tanta est differentia, ut in formâ introducendi exequendique nihil commune habeant. Nam nec intrâ decem dies impetrare ac interponere, nec intrâ triginta dies *Apostolos* petere ac Curia intimare (quod in *Appellatione* fieri debere necessariò, antè diximus) necesse est, sed satis est, si intrâ biennium à latâ sententiâ, libello supplici Curia porrecto, citatio petatur, quâ adversario, ad certum diem in jus vocato, causa *Revisionis* introducitur. Sed cum id non simpliciter procedat, sed pro formâ essentiali requiratur, ut causa quingentorum aureorum *Carolinorum* summam excedat, ac deinde ut die juridico consignatis in auditorio aureis quinquaginta ejusdem valoris, si sententia reformata fuerit, restituendis, sin minus, ærario publico inferendis, oretenus proponantur, ac libello protinus tradendo deducatur, subjectâ conclusione, ut processus revideatur atque error sententiæ corrigatur; Ad quem libellum pars adversa intrâ tempus præfixum respondere in scriptis tenetur, adductis propositisque argumentis rationibusque ad confirmandam sententiam facientibus, ac biforâ sumptâ conclusione contendere, ut Actor in *revisione* declaretur non admittendus, aut si admittendus sit, per sententiam Curia non esse gravatum. Quæ quidem omnia cum sint de

*Appellatio et Revisio  
in scopo non discrepant,  
sed differunt aliis*

*j<sup>o</sup>  
2<sup>o</sup>*

*Contentio Actoris in Re  
visione quidnam?*

*Contradictio Re in Re  
visione quidnam?*

P

for-



formâ specificâ observanda; mordicusque peragenda *Revisionem* petenti, circumspecti erit *Advocati*, qui istam *Revisionis* causam tractandam suscepit, prospicere & procurare, ne quid ex istis solemnibus ullatenus omittatur: qui scire debet, actum in formâ peccantem, ipso jure nullum esse. *l. 1. § 1. ibi DD. ff. De verb. oblig. Bald. in l. ult. C. de suis & legit. l. cert. forma. C. de jure fisci. Wesenb. conf. 1. nu. 9.* Quod enim cum solemnitate requisitâ non fit, nulliter fieri dicitur, cum solemnitas sit forma Actus individua, quâ destructâ, etiam in minimis actio tota destruitur. Neque enim formæ quicquam addi detractive potest. *Roland. à Valle conf. 43. Menoch. conf. 73. nu. 7. Bursatus conf. 73. nu. 23.* Adeo ut ne per æquipollens quidem adimpleri possit. *Peckius ad reg. juris Can. reg. x.* Ad hæc cum *Imperatorio* indulto expresse cautum sit, non alia facta quam quæ in priori instantiâ proposita fuerunt, in causâ *Revisionis* proponi ac narrari posse (quod in *Appellatione* secus est, in quâ non allegatum allegari & non probatum probari potest) & si proposita fuerint, eorum nullam rationem haberi debere, *Advocatus* actoris operam dabit, ne quid ipsemet tale faciat, & *Adversarium* nova facta allegantem sine protestatione admittat, sed iudicibus *revisionis* ea demonstrare in scriptis debet, si quæ inserta deprehenderit. Neque verò hoc loco monendos *Advocatos* actorum arbitramur, quàm sit periculosum, quantique res præjudicii, si ad diem præfixum non adfuerint, causam *revisionis* introducere; Cum Actor absque legitimâ causâ absens de contumaciâ accusatus, *revisione* excludatur, insuper pœnæ

*Differentia principalis inter  
Appellationem et Revisionem.*

*Quænam pœna Actoris  
Revisionis, si absens sit et  
de contumaciâ sit accusatus?*



pœnæ nomine octo aureos iusti ponderis soluturus, aliasque expensas omnes: Reus verò si contumaciter abfuerit, id fert incommodi, quòd nihil ad libellum Actoris respondere permittatur, aut illius contenta refutare.

Quidam pœna R. & R. si abfuerit contumacia?

Cujus tamen eò melior est conditio quàm Actoris, quòd per juris allegationes sibi prospicere postmodum queat; ita tamen, ne ullam moram processui injiciat, qui pœnæ nomine quatuor aureos ejusdem valoris ob contumaciam solvere cogitur. Ad hæc, cum ultra duplicationem absque expressâ Curia per-

missione scribere non concedatur, utriusque partis Advocati adlaborabunt, ut in Replicatione, duplicatio- neque, omnia causæ merita coplectantur, quibus se victoriam consecuturos existimant, ne si hac parte omis- sum quid fuerit, Advocatum cliens meritò incu- sare queat, si infelicem causa eventum sortita fuerit.

Ultra duplicationem in causa Revisionis ab ipso pœna Curia permissa fore non videtur.

Quoniam autem Imperatoris Placito id quoque cau- tum reperitur, ut revisione interpositâ non obstante, sententia Curia legitimæ executioni mandetur, quod in Appellatione secus est (quâ interpositâ, nihil in- novatur, quamdiu de appellatione pronunciatum non erit, Tit. ff. Nihil novari appell. interposita.) reme- dium est ad impediendam executionem, ut victus in- trà decem dies à latâ sententiâ libellum supplicem Cu- ria offerat.

Differentia inter Revisio- nem et Appellationem?

Eo siquidem exhibito, sententia prior non aliter executioni mandatur, quam si victor dig- nam fidejussionem præbuerit, tantum restituendi cum legitimis augmentis, quantum est in condemnatione si legitimâ retractatione sententia resolvatur. Quòd si intra decem dies factum non fuerit, executio sine fidejussione procedet. Quòd remedium suppeditat

Quidnam Remedium ad impediendam executionem in causa Revisio- nis?

Si an hoc obtineat in causa Præci?

P 2

Auth.



Nota Gau- L:

Contraria  
ratio in  
Gau- Curia;

Quæstio

Resp:

tu ratio juratoria lo-  
quatur in D. 1. 12  
D. 1.

Auth. quæ supplicatio: C. De precibus Imper. offe-  
rendis, quæ, licet Præfetti Prætorio mentionem fa-  
ciat, ac ob id de illius tantum sententiâ accipienda  
videatur, nihil tamen ob stare arbitramur, quominus  
ad hujus supremæ Curix sententiam, quæ per arre-  
stum & appellatione remotâ judicat, non secus quàm  
Præfettus Prætorio, trahi possit, præsertim cum di-  
cta Auth. consiliariorum quoque meminerit. Guido  
Papæ decis. 50. certè sententias Curix Parlamenti  
Delphinatus, per arrestum judicantis, sententiis Præ-  
fetti Prætorio æquiparare videtur. Interim tamen,  
cum in causâ quadam revisionis, quæ in hac supremâ  
Curia indecisa pendet, oblato intrâ decem dies sup-  
plici libello, nullâ præstitâ cautione fidejussoriâ, exe-  
cutionem sententiæ impedire nequiverim, dubitare  
coepi, an Auth. prædicta in Placito Imperatoris quo-  
que locum habeat. Quæstio equidem digna quæ par-  
tibus in contradictorio auditis, sententiâ Curix deci-  
datur; Neque enim quisquam est, qui nesciat, con-  
demnati quàm plurimum interesse, executionem sen-  
tentiæ, absque tali fidejussione, suspendi, præsertim  
si victori bona immobilia in Provincia hac non pos-  
sidenti, quantitas pecuniaria quingentis carolinis au-  
reis major adjudicata fuerit. Eo siquidem casu con-  
demnatus, si sententiam per judices revisionis refor-  
mari contingeret, solutâ pecuniâ adjudicatâ, frustra  
illius sententiæ magnis sumptibus molestiisque obten-  
tæ, executionem postmodum urgeret, inopiâ vel fu-  
gâ adversarii seclusus. Veruntamen, cum Guido  
Papæ in decisionibus suis, Curix Parlamenti decisio-  
ne resolutum referat, hoc casu cautionem etiam ju-  
rato-

ratoriam sufficere, si victor diligentiam se adhibuisse & fideiussorem invenire non potuisse, jurejurando affirmare paratus sit, victum ab executione prioris sententiæ ista oppositio agrè tuebitur. Ex iis autem quæ antè relata sunt de indulto *Imperatoris*, decidi posse videtur quæstio, ab interpretibus disputata, an revisio revisionis peti possit. Nam cum expressis verbis *Imper.* semel tantum revisionem peti concesserit, concludendum videtur, negativam partem tenendam esse, quam & in magno consilio servari & ordinationibus dicti *Parlamenti* gallicè publicatis *Tit. de proposition d'erreur & revision.* cognovimus.

*Quæstio:*

*confer 1. 2. & 3. de pro  
alg. super. off. ad.*

*Resp.*

## CAP. XXXV.

*De executione rei judicatæ.*

**T**Ametsi primâ fronte dici posse videatur, lite per definitivam sententiam decisâ, nullas amplius esse partes *Advocati*, quòd nimirum rei judicatæ executio, si liquida non sit sententia, vel apparitoribus demandari soleat: Nihilominus tamen, cum varia incidant, quæ executionem remorentur, atque impediant, & sæpè in ipsâ executione ab iis quibus commissâ est, contrâ formam, jure scripto & stylo Curix præscriptam, peccetur; à quibus excessibus & gravaminibus ex iustâ causâ ad superiorem committentis appellari potest, expressis in appellatione causis, propter quas provocetur. *Spec. De exec. sent. §. nunc.* *demum n. 9. Bart. L. ab executore, De Apell. Exi-*

*Condamnatu appellari  
potest, si executus ia  
gitima oppositio, et qd  
casu? vid. fol. 107. 108.*



stimamus ad *Advocati* officium quoque pertinere, istis casibus condemnato clienti opem consiliumque præbere, ne injuriosâ aut nimis damnosâ executione, quod non rarò fieri comperimus, cum gravari contingat. Erunt ergò partes *Advocati*, qui condemnato patrocinium præstitit, primum mandatum executionis (*Executoriales* vocant) inspicere atque diligenter examinare, quid & quantum illi commissum sit, an & tenori sententiæ respondeat. Deinde, an ali, quàm loci ordinario, executio mandata sit, contra doctrinam *Bart. in l. à Divo Pio. §. sententiam, ff. de re judicat.* Et an executio contrà consuetudinem ac stylum Curix, *Enchiridio Statutorum* insertum fiat, quâ non servatâ, æquè appellari potest, ac si contrà ius fieret, veluti si proclamationes factæ non sint debitò loco & tempore, & per eos, per quos fieri debent. Hæc, inquam, si incidant, supplicî libellò Curix porrectò, ut tota executio suspendatur, precabitur & procurabit. Adhæc, cum de iniquitate executionis vertitur quæstio, ad superiorem committentis executionem provocabit. *l. ab executione. verbo Appellat. suspensâ §. quorum appellat. Panor c. quod ad constitutionem. de sentent. & re judic.* Quòd si minus ritè procedit executor, aut extrà officium quid facit, potest illi licitè resisti, ut & tunc, quando petenti ordinario literas suæ commissionis exhibere novit, ut ille meritò cogitare potuerit, illum tale mandatum, quale jactabat, non habere, *l. fin. D. Mandati. l. prohibitum. C. de jure Fisci, lib. 10.* Atque tali executori ab omnibus, quorum interest resisti potest. *Felyn. & Canon. in c. constitutus de præscriptis.* An-

in quibusdam dicitur  
condemnati Advocatus  
proponere;

1<sup>o</sup>

2<sup>o</sup>

3<sup>o</sup>

Sunt  
orig.

tu  
vau  
-die

*Andreas post Hostiensem in c. significan. de Constitut.*  
*Bart. Jason & ceteri DD. in l. justè de acquir. posse.*  
 Jam verò cum in executione, jure scripto ordo statu-  
 tus sit, in l. à Divo Pio. §. in venditione. De re ju-  
 dicat. Ut nimirum primo loco mobilia & animalia, *Judicium de jure civ.*  
 secundo immobilia, tertio nomina distrahantur; quæ-  
 ri solet, utrum iste ordo mordicus servandus sit, ita  
 ut si inverso ordine prædicto capiantur pignora, exe-  
 cutio reddatur nulla. Sunt qui affirmativam partem  
 tuentur, contendentes, necessariò istum ordinem,  
 tanquam à lege præscriptum, observandum esse, ut  
*Raphael Cuman. Alexan. & alii.* Sed *Bartolus* & alii  
 determinant, non usque adeò istum ordinem neces-  
 sarium esse, quin actus, illo non servato, sit aliquis,  
 & non nullus, quam sententiam & consuetudo, optimus  
 legum interpretes confirmat. Nam in *Frisiâ* patriâ no-  
 strâ, ille ordo non servatur, sed juxta ipsius condem-  
 nati arbitrium & electionem distrahuntur ea, quæ il-  
 le distrahi jusserit & designaverit. Usque adeò qui-  
 dem, ut apparitores, irrequisito condemnato, si sui  
 copiam fecerit, pignora non capiant. Quòd si appa-  
 ritori voluntatem suam ac electionem declarare recu-  
 saverit, aut in contemptum justitiæ ea capere pigno-  
 ra jusserit condemnatus, quæ ipsius non sunt, aut us-  
 que adeò vilia pravique pretii, ut victori nullo modo  
 iis distractis satisfieri possit, credimus, victori per-  
 missum esse pignora demonstrare apparitori, ut ea in  
 causam judicati accipiat atque divendat, quod sæpè  
 fieri solet: Consultius tamen facturum victorem arbi-  
 tramur, si precibus Curie oblati, quæ suprâ dicta  
 sunt, significaverit, ac ejus consensu atque permissi-  
 one

*Questio*

*Rap*

*consuetudo*  
*liber*



one id fecerit : Quod enim authore iudice sit, iuste fieri censetur. Ut autem omnia legitime fiant ac perficiantur debito modo, ac juxta Curiae Ordinationem, *Apparitoribus* vel aliis executoribus præscriptam, providendum est, ne condemnatus conqueri possit, injuriam sibi fieri : Neque enim juris executio injuriam continere debet. *arg. l. meminereint, C. unde vi.* Illud superioribus addendum existimamus, quod etiamsi ordo in executione à *d. l. Divo Pio §. in venditione*, in venditione præscriptus mordicus servandus non sit, ut ex *Bart.* sententiâ conclusit *Zazius*, nihilominus tamen quodam temperamento executionis rigor & acerbitas mitiganda & lenienda est, & ea discretionem ii, quibus demandata est executio rei judicatæ, uti debent, ut si mobilia capienda & distrahenda sint, ea primo loco vendantur, quæ plus gravant impendio, id est sumptu, quam augeant fructibus ; Ita sentit *Raph. Cumanus*, qui tamen eam limitationem addit, ut id fiat, si ista parum utilia mobilia celerem & expeditam habeant executionem : Alioqui enim ab iis incipiendum esse mobilibus dicit idem *Cumanus*, quæ commodius possunt distrahi, quo celerius solvi possit victori, per elegantem textum *§. sed. & illud d. l. à Divo Pio.* Ac proinde primum quærenda est parata pecunia, quâ deficiente, mediocriter pretiosa mobilia, quibus carere facilius potest condemnatus, dummodo in iis expedita sit executio. Tertio loco ad animalia : Ultimo ad aurea & argentea vasa & pretiosam suppellectilem veniendum est. Quibus omnibus deficientibus, tandem ad bonorum immobilium distractionem procedendum ; ita tamen ut à minus pretiosis

*Quidnam fatis de  
quæstione sit observandum  
da executor?*

1<sup>o</sup>2<sup>o</sup>3<sup>o</sup>4<sup>o</sup>5<sup>o</sup>

*tu  
in  
-di.*

sis fiat initium, quod *Zazius*, ad §. in venditione d.  
 l. à Divo Pio temperamentum civile vocat. Quòd  
 si nec ea extent, ad incorporalia jura, id est nomina  
 debitorum veniendum: l. ordo. C. de exec. rei judic.  
 Atque hic ordo servari debet, saltem de honestate &  
 civilitate. Est enim istiusmodi condemnatis, qui fa-  
 cultatibus lapsi, ac sine suâ culpâ ad inopiam redacti,  
 bonorum suorum distractionem, per subhastationem,  
 horridâ executoris voce, ferre coguntur, commise-  
 randum, & quatenus sine justitiæ læsione fieri po-  
 test, quoque parcendum, ne afflictis addatur affli-  
 ctio. Quidam certè reperiuntur apparitores ita du-  
 ri, inhumani, ac cerebrosi, ut invidiosum istud exe-  
 cutionis mandatum peracturi, disjectis & ablati le-  
 ctis, lineisque vestibis aliisque utensilibus, quibus ad  
 vitam transigendam condemnati carere non possunt,  
 vix à personali & reali injuriâ se contineant: quo ip-  
 so certè, gravissimè in legem charitatis peccant. Sed  
 illud merito quæri potest, an in causam judicati ani-  
 malia absque distinctione capi & distrahi possint, *Tex-*  
*tus §. In venditione*, absque ullâ differentiâ anima-  
 lia pignori capi jubet: Nihilominus tamen cum mica-  
 salis id accipiendum arbitramur, ut nimirum ad illa  
 animalia prædicta verba referantur, quæ ad culturam  
 agrorum non sunt necessaria; Jure enim cautum repe-  
 ritur, boves aratorios ac instrumenta rustica pignoris  
 causâ de possessionibus abstrahenda non esse, & ratio-  
 nem addit *Imper. Constantinus*, in l. executores. C. quæ  
 res pign. oblig. possunt vel non. ne illis divenditis, tri-  
 butorum retardetur illatio, quod & *Imperatores Ho-*  
*norius & Theodosius* in l. pignorum C. eod. tit. confirmant,  
 Q in-

6°

Questio

Rsp.

Hæc procedunt si con-  
 summati, alia bona habent.  
 Et dicitur sol. resp. 12.



indefinitè statuentes, pignorum gratiâ aliquid, quod ad culturam agri pertinet, non esse auferendum, id quod & *Frederici* constitutio prohibet, *Auth. Agricultores C. eod. tit.* Quæ quidem omnia procedunt, si condemnatus alia bona habeat: Alioqui enim & illa distrahenda sunt, juxta glossam in *d. l. executores, allegantem l. stipendia. C. de execut. rei judic.* Hæc ergo atque his similia *Advocatus* condemnati considerabit, & si quid ab Apparitoribus in exequendo peccatum cognoverit, precibus Curiae oblatis, procurabit, ut illorum duritia & iniquitas præcepto ejusdem Curiae coërceatur & corrigatur. Idem quoque facere debet *Advocatus* victoris, si apparitorem cum condemnato, sui compendii gratiâ, factâ collusione executionem differe atque protrahere deprehenderit, quod non raro fieri testari possunt ii, qui in foro versantur. Illud autem pro colophone adjiciendum: *Advocati* quoque munus esse, ut clientem suum condemnatum admoneat, ne executioni ullatenus resistat, neve injuriam verbalem aut realem Apparitori inferat, cum id sine periculo fieri nequeat. Vidimus enim nos ejus rei exemplum, ante multos annos in quodam rustico sylvano, qui quod Iuridico (*Grietmannum* vocant) sententiam exequenti manus intulisset, in arcem, nunc dejectam, captivus adductus & post diuturnum carcerem, magnâ pecuniæ summâ multatus fuit, & insuper, ad perpetuam rei memoriam in Curia, brachium cum pugno, cum inscriptione parieti infixum fuit, quod omnium oculis subjectum etiamnum extat. Perinde enim habetur, ac si Iudicem ipsum affecisset injuriâ, cujus ministrum apparitorem læsit.

læsit. Porro nec illud omittendum: ad *Advocati* officium, qui victori patrocinium præstitit, quoque pertinere, ut si contra venditionem pignorum, ab execute factam, vel ab ipso condemnato, vel à tertio aliquo jus aliquod prætendente, fiat oppositio, lis super ea mota, octidui termino, Curia Ordinatione in singulas scripturas præfixo, constringatur, cum victoris interlit, quam celerrimè istas oppositionum lites terminari, ut pecunias tandem ex venditione reductas nancisci possit. Condemnati verò *Advocatus*, si frivolas illius oppositiones animadverterit, monebit clientem suum, ut à lite persequendâ desistat, ne postmodum per sententiam rejectis iis, in expensas quoque condemnetur. Neque enim ignorant ii, qui libris exercendis dant operam, sæpè istiusmodi oppositiones ab ipsis quoque condemnatis, executionis differendæ causâ fieri, cum incommodo plerunque victoris, qui pecuniis interdum summoperè opus habet. Postremò cum quotidianâ experienciâ deprehendant *Advocati*, apparitores maximis plerunque sumptibus, pignorum venditiones in œnopolyis, pluribus sæpè dilationibus suspensas, celebrare, quo fit, ut emptores istis sumptibus territi, rariores inveniantur, maximo condemnatorum miserorum damno & præiudicio: illorum officium erit prospicere, ne tale quid fiat, precibusque Curia oblatis, ei rei modum statui procurabunt, certâ aliquâ summâ præscriptâ, quam Apparitori excedere non liceat. Cujus in exigendo salario avaritiam, & inhumanitatem simili quoque modo refrenari curabunt: Sunt enim istiusmodi condemnatorum querelæ frequentissimæ, quibus Curia taxatione



tione ac moderatione remedium est adhibendum: Summatim, in his litibus causisque tractandis, ita versabuntur *Advocati* & victoris & victi, ne contra Curiae præscriptum, contra juris formam, forique hujus consuetudinem, contra bonam fidem, ab apparitoribus vel semetipsis quidquam admittatur, sed ut omnibus dolis, fraudibus, collusionibusque præclusis & semotis, sententia cum prædicto temperamento tandem executioni mandari, & eâ viâ unicuique, quod suum est, tribui atque exsolvi, ac omnis vis & injuria reprimi, averti, atque coërceri queat, quò solo hominum inter se societas & amicitia, rerumpub. pax, tranquillitas, & concordia, arctissimum atque optimum incolumitatis vinculum, velut facta tecta manerequeant, eo quòd pace illâ fractâ, divulsâ, conturbatâ, res privatorum salvæ & in tuto esse nequaquam possint. Quòd autem antè monuimus, prospiciendum esse, & apparitoribus & *Advocatis* condemnati atque victoris, ut executio & pignorum præsertim immobilium venditio, debito modo ac servatâ juris scripti stylique formâ, fiat atque peragatur, non caret ratione, quinimo & summa cautela adhibenda est, ne si postea peccatum aliquâ parte deprehendatur, venditione per Decretum Curiae factâ, rescissâ ac retractatâ, emptor præter molestias magnas, ingens quoque damnum accipiat, prout contigisse ex duabus hujus supremæ Curiae sententiis anno 1603. & 1604 prolatis, conspeximus.

C A P.

## CAP. XXXVI.

*De literis dilationum quæ Belgicâ Linguâ  
Grieben van respijt / vocantur, vulgò  
Quinquennales dicuntur, & Diplo-  
mata moratoria appellari possunt.*

Conſueverunt plerunque ii qui condemnati ſunt,  
ac executionem metuunt & quandoque ante con-  
demnationem ære alieno gravati, ex conſilio *Advoca-  
ti Diploma* moratorium à *Principe* impetrare. Solet  
autem *Princeps* iſtiusmodi hominibus obæratſ, ac  
æris explicandi ratione deſtitutis, ut plurimum quin- *Unde ea litere quin-*  
quennales inducias indulgere; Unde & quinquenna- *quennales appellata!*  
les vulgò nuncupantur, teſte *Guidone Papa, q. 57.* ad  
eum finem, ne creditorum duritiâ ad carceres adi-  
gantur, quod durum eſt. Sed cùm iſtud beneficium  
certis quibuſdam conditionibus concedatur, *Advoca-  
ti* cauti erit; clienti ſuo ſalutare conſilium ſuppedita-  
re, quo effectus illius votique ſui compos reddatur.  
Quod ut obtineat, & conſequatur, ſummariè, ac at- *Induciam ſe offerre*  
teſtationibus ſufficientibus docere debet, ſe citrà cul- *da debitorum*  
pam ſuam facultatibus lapſum, tantum æris alieni con-  
traxiſſe. *l. quoties L. univerſa. C. de precib. Imp. offer.*  
*Azo in ſummâ d. tit. Old. ibidem.* Deinde impe-  
tratiſ prædictis literis, curabit, ut omnibus credito-  
ribus ad Curiam vocatiſ, debitiſ ſolemnitatibus ad-  
hibitiſ, intimentur, & cautionem & literas in iudicio  
Q 3 offerent;



offerent; Et quidem intra mensem à die impetrationis, non verò præsentationis numerandum, alioqui fructu effectoque earum cariturus, *ut refert Guido Papæ, q. 109. dicens, stylò Parlamenti Delph. ita servari.* Neque verò quælibet sufficit cautio, sed istiusmodi exigitur, quam creditores admittere tenentur: Quibus tamen eam ut inidoneam rejicere ac refutare permittitur. Quo casu partibus in contradictorio auditis, summariâ cognitione res definitur. Ad quam cautionis insufficientiam probandam, mensis spacium utrique parti, *Imperatoris Placito 21. Octobris 1541. publicato, artic. 34. præfinitum est: intra quem, nisi creditor cautionem à debitore oblatam insufficientem probaverit, pro idoneâ reputabitur.* Atque hæc quæ relata sunt, *Advocatus* ejus qui literas impetravit, fieri ac observari procurabit, ne cliens prædicto beneficio exclusus, rigidis creditorum suorum exacti-  
onibus, executionibusque objiatur, ac pateat. Quam quidem cautionis sufficientis præstationem usque adeò prædictum *Placitum* requirit, ut, licet maxima creditorum pars, cum debitore pactione initâ, aut remissionem partis debiti, aut dilationem concesserit, reliqui tamen creditores consentire, eorumque pactioni accedere non cogantur, nisi sufficienti cautione præstitâ, quod *artic. 35. prædicti Placiti* requiritur. Illud præcedentibus quoque adjiciendum, quod major pars creditorum, non personarum numerò, sed debiti cumulo definiatur, *l. jurisgentium. §. hodie. ff. De Pactis l. majorem. eod. tit.* Et ita *Ulpianus, Præto-  
torem*, si creditores dissentiant, partes suas interponere, & majoris partis consensum, ex cumulo debiti æsti-

NB

Major pars creditorum  
quænam modo accipienda;

æstimandum, sequi debere decedit; quod textus *d. l. majorem*. latius explicat. Quæ tamen non simpliciter neque indistinctè procedunt, ac in quibuscumque creditoribus locum habent, sed iis solum, qui hypothecas *de quibus creditoribus* habent: Eos siquidem minor pars in concedendâ par-  
tis debiti remissione sequi tenetur. *Matth. de Afflictis*, *decis.* 288. Quod si verò minor pars hypothecas habeat, majorem partem creditorum, ex cumulo debiti, hypothecis carentem, sequi non tenetur: Secus vero est in dilatione solâ concedendâ: Eò siqui-  
dem casu, cum minus vertatur præjudicium, minor pars hypothecariorum creditorum, majorem partem, ex cumulo debiti æstimandam, etiam si hypothecas non habeant, sequi tenetur *d. decis.* 188. Secus foret, si major pars totum debitum remittere vellet. tunc enim minor pars majorem sequi non cogitur, quod *Matth. de Afflictis* movet. Prædictis autem & illud addendum arbitramur, ut si super intimatione literarum dictarum quæstio incidat, termino octidui, scripturis tradendis præstituto, ad Duplicationem inclusive *13*  
lis peragetur; quod Ordinatione *Enchiridio Statutorum* insertâ quoque cautum est.

## CAP. XXXVII.

*De Beneficio Inventarii.*

CUM iis qui in praxi hujus supremæ Curiae versantur notissimum sit, duris hisce temporibus permultos inter nobiles & plebejos reperiri, qui variis  
ex.



ex causis ære alieno gravati, dubias relinquunt hæreditates, quas tum testamentarii, tum ab intestato hæredes purè adire verentur, ac ob id sæpè deliberatione initâ, sub inventarii beneficio adeundas censent, ut indemnes maneant, & illud certis quibusdam conditionibus ac restrictionibus impetrandum exequendumque veniat, ad *Advocati* quoque officium pertinere arbitramur, ut si hæc difficultas ab aliquo proposita fuerit, cautè atque circumspectè eam sibi tractandam existimet. Ut autem clientem extrâ omne periculum constituat *Advocatus*, monere illum debet, ne ullo modo hæreditati suspectæ se immisceat, aut minimam rem hæreditatis sibi applicet. Eò liquidem probatò, frustra de beneficio inventarii impetrando laborabit, pro puro hærede reputandus. Quod si nihil tale hæredi futuro imputari atque objici possit, secunda cura erit, diligenter expiscari, an quisquam sit ex cognatione & familiâ defuncti, qui pure hæreditatem adire velit, aut adiverit: Si enim quisquam sit qui id fecit, aut facere paratus sit, non est quod de beneficio prædicto impetrando consilium ineat, cum ei de jure hæreditas debeat, qui honori defuncti prospectum consultumque voluit, cujus interest, purum habere hæredem, & non sub beneficio inventarii adeuntem. Quod si nemo fuerit, qui se periculo subicere atque exponere volet, tum demum precibus Curiaë oblati prædictum beneficium impetrare conabitur; Eòque factò, curabit, ut per apparitorem Curiaë duobus testibus adhibitis, omnium tum mobilium tum immobilium, nec non nominum repertorium intra quadraginta dies ab impetrato beneficio numeran-

*Ad hanc attentionem  
Beneficium inventarii  
impetratio 2*

1<sup>o</sup>

2<sup>o</sup>

3<sup>o</sup>

randos, conficiatur. Quò repertoriò ita solemniter confectò, curabit *Advocatus*, ut mobilia ab iis, qui periti sunt, & à *Magistratu* loci, ubi hæreditas sita est, ad eam rem deputati sunt, præstito jurejurando æstimentur, eaque factâ, datis pro eorum pretio fidejussoribus, cavebit, ac prædicta bona diligenter sollicitèque asservaturum, ac creditoribus legatariisque se soluturum, nullâ interjectâ morâ, pollicebitur. Nec poterit istiusmodi hæres liquidorum debitorum solutionem, illiquidorum occasione, super quibus lis movetur, ad illius usque decisionem protrahere. Quæ quidem solutio non aliter facienda erit, nisi cautionem præstet is, qui pecuniam recipit, se pro rata ejus, quod ex bonis defuncti redigi nequit, restitutionem esse facturum. Atque hæc quidem omnia *Placito Imperatoris*, 21. *Octobris* 1541. promulgato, *artic. 39. Enchiridio Statutorum* inserto, usque adeò requiruntur, ut si is, qui prædictum beneficium impetravit, iis omisiss, aliquid ex bonis defuncti contraxerit, prædicto beneficio exclusus, ut purus hæres omnibus debitis hæreditariis, ultrâ vires facultatum exsolvendis, subjiciatur: quod & sententiâ Curix, 27. *Octobris* anno 1590. latâ, comprobatum & decisum fuit. Hæc omnia quæ relata sunt, cum tanquam solemnitates formales requisitæ, omitti nequeant, prospicere debet *Advocatus*, ut ea omnia ad unguem observentur, ne cliens habeat in quo *Advocatum* incusare possit. Illud verò omittendum minime fuit, quòd prædictum beneficium vocatis quoque creditoribus, juxta stylum Curix apud acta sit profitendum, & si controversiam à creditoribus mo-

R

vc-



veri contingat, octidui terminum, & Duplicationem excedere non permitti, quod & *Enchiridio Statutorum* inserto *Placito*, artic. 29. comprehensum reperitur. Quoniam autem nostri instituti non est, omnes quaestionis ad hanc materiam pertinentes discutere, praedictis contenti finem imponimus.

## CAP. XXXVIII.

*De Beneficio Cessionis bonorum, & quid in eo impetrando exequendoque Advocatus agere debeat.*

Superiori capite de iis quae rei judicatae executionem spectant, quaeque ab ea dependent, pertractavimus. Jam vero cum inopia debitorum efficiat, ut duritiâ obtorto saepe collô ad carceres detrudantur, ibique victu quàm tenuissimo habeantur, usque adeò, ut tandem carceris fastidiò macerati, aliquam exsolvendi debiti rationem viamque inveniant, quod saepe quoque fieri videmus, cognatis affinibusque proximis commiseratione ductis, & certis conditionibus solutionem debiti in se suscipientibus: Aliis verò omni humanâ ope destitutis in squalore carceris contabescantibus. Videndum restat, quo remedio istam incarcerationis, ut vocant, miseriam evadere debitores queant. Et certum est, omnibusque in foro versantibus exploratum, jure civili proditum esse cessionis bonorum beneficium, quod *Imp. Iustinianus l. pen. & ult.*

et ult. C. Qui bonis cedere poss. flebile adjutorium, & miserabile vocat auxilium. Et auxilium quidem merito : neque enim in hac vitâ major excogitari miseria potest, quàm nuditate & inopiâ ad eum redigi casum, ut bonis cedere, creditoribusque ea dimittere quis cogatur. Sed cum istud beneficium, non semper nec passim, nec simpliciter omnibus indulgendum prædictus *Imperat.* censeat, & posterioribus temporibus crescente hominum malitiâ, restringere ac limitare certis quibusdam conditionibus necesse fuerit, ut nisi iis pareat, prædicto beneficio indignus habeatur bonis cedens: Videndum est, *Advocati*, qui condemnato patrocinium præstitit in hoc beneficio ritè legitimeque impetrando & exequendo, quæ sint partes, quod officium. Et ante omnia quidem providere & prospicere debet, ut cautè in hoc versetur negotio, ne quid omittat ex solemnibus *Imp. Caroli Quinti Constitutione Placitoque A. 1541. 21. Octob.* publicato, expressis ac requisitis. Si enim aliquid factum fuerit, vel omissum, quod fieri vel omitti non debuit, debitor qui ad flebile illud confugit auxilium, prædicto beneficio seclusus, vitam ipse morte duriorum degere cogetur. Ne autem in istas redigatur difficultates & angustias bonis cedens, ex *Advocati sui* consilio literas seu *Diploma* cessionis, unâ cum omnium bonorum suorum repertorio, (inventarium vocant præctici) jurejurando firmato, intra mensem à die impetrationis numerandum, ipsemet aperto capite, distinctusque in judicio offerre & exhibere, ac bonis suis nullâ eorum administratione sibi reservatâ atque retentâ, creditoribus ad id vocatis permissis at-

R 2

que

*Quid in hac materia bo-  
nus & sedens attendendum?*



que concessis, ut *Actis Curiae* prædictum beneficium intimetur insinueturque, petere & contendere debet. Quod si creditores præsentis consensum adhibuerint, aut absentes de contumaciâ accusati & ab oppositione seclusi fuerint, res in vado est: sin contradicendum arbitrabuntur, curabit *Advocatus*, ut à *Iudice* delegato seu *Commissario*, ad contradictiones oppositionesque inferendas præfixo termino, partibus hinc inde auditis, res judiciali cognitione terminari quàm citissimè possit. Neque verò ea, quæ antè relata sunt, à creditorum vinculo debitores plenè liberant, sed requiritur quoque ut, si ad pinguiorem fortunam pervenientes alia bona adquisierint, ea quoque ad creditorum suorum utilitatem consignent, atque relaxent, retento solummodò lecto uno cum suis appertinentibus, & ex omni suppellectile, unâ tantum cujusque speciei particulâ, dummodo nec stannea, nec aurea, vel argentea vasa, vel alicujus pretii alia mobilia utensilia sint. Quidquid autem superest, singulis vicibus, creditorum commodis relinquere atque dimittere tenentur, alioqui effectum prædicti beneficii carituri. Quod autem antè diximus, prædicto *Cessionis* beneficio debitores à carceris necessitate liberari, non simpliciter procedit, sed eam recipit limitationem & restrictionem, ut ad eos tantum debitores porrigatur, quorum debita instrumentis, *Principis* vel *Consilii* seu *Curiae*, urbiumque tali privilegio munitarum sigillò confirmatis, comprehensa ac publicè recognita & confessata non sunt. In istiusmodi enim debitis cessio bonorum locum non habet. Quemadmodum nec sententius, quæ in rem judicatam transiverunt, prædi-

Quibus casibus beneficium  
per Cessionis Bonorum Co  
non valet? 1<sup>o</sup>



dictum beneficium *Cessionis* obstare, aut per exceptionem objici potest, nisi cedens casibus fortuitis, absque culpa sua, inopem se factum esse doceat: Quo casu absque omni differentiâ & exceptione, cedens bonis, isthoc gaudere beneficio poterit. Quâ quidem probatione hoc quoque consequitur, ne publicam paulo affixus ignominiam subire cogatur, creditoribus nihilominus obligatus, quod nuper *Ordinum Frisiae Edicto & Ordinatione*, publicata ultima Novembris 1602. Imperatoriæ constitutioni supradictæ additum est, existimantibus prædictis *Ordinibus*, multis in eo genere delicti nunc grassantibus, exemplo opus esse, ut reliquis incutiatur metus, ne facile fraudandorum creditorum suorum consilium capiant homines, quod hoc ævo longè corruptissimo nimis est frequens, cum tamen deterrimam turpissimamque quasi furti speciem esse, nemo negare poterit, sub fide & velamine viri boni, & cum jam exploratum habeant, se solvendi debiti, quod contrahunt, facultate destitui, pecunias à proximo mutuo sumere, nunquam restituendas. Erit itaque *Advocati* sagacis munus & officium, prospicere, ne quid suâ negligentia, incuria, vel inscientia clienti suo incommodi periculique adferat in eâ necessitate constituto. Proinde monebit clientem suum, ut debitum ad creditoris instantiam confiteatur rotundè. Neganti enim debitum, beneficium prædictum non datur *l. pen. ff. hoc. tit. gloss. & Dd. in l. 1. C. qui bon. ced. poss.* Fateri autem debitum purè clareque debet; omni præcisâ negandi occasione. Sed quærit hic *Bald. in l. 1. C. qui bonis ced.* quid de eo sit dicendum, qui in principio debitum negavit, sed post

limitatur 500

quidnam bonis cedens  
sequatur 500 beneficium?

3°

questio

R 3

sen-





toribus, ex post facto etiam apparentibus sufficit. Et hæc quidem omnia procedunt, nisi probatum fuerit, bonis cedentem, ante cessionem impetratam, vel bona quædam celasse ac subtraxisse, vel prodigalitate & luxu in fraudem creditorum suorum dissipasse ac decoxisse. Eo siquidem probato, prædicto beneficio indignus, in carcerem detrudendus erit. Ita dicit *Petrus Iacobi in tit. de Cessione bonor. & Salicet. ad d. l. i. C. qui bon. ced.* Quod & rationem habet: Neque enim quisquam ex malitiâ suâ lucrum sentire debet: Sed & reipub. interest, istiusmodi dolos & fraudes pessimorum hominum reprimi, præcidi ac coerceri. Neque verò is tantum fructus aut beneficii prædicti commodum est, ut nimirum debitor, qui bonis cessit, ad carceres detrudi non possit, ut antè probatum est; Sed & illud operatur, ut si ad pinguiorem aliquando fortunam pervenerit, licet ea quoque bona quæ postea acquivit, creditoribus dimittere teneatur, non tamen ultra quàm facere potest, urgendus veniat, *l. 4. ff. hoc tit. l. ex contractu, cum ibi notat. per gloss. & Dd. C. de bonis autorit. jud. poss.* quod in alio debitore, qui beneficium prædictum non obtinuit, cessat: qui ad peram & saccum excutitur, nunquam tutus, donec creditoribus plenè satisfactum fuerit. Proinde ne isthoc beneficio excludatur cliens, operam dabit *Advocatus*, ut omnia solemnia *Edictò Imperatoriò* requisita mordicus adimpleat, ne quid ipsi imputari possit. Quod autem ab *Interpretibus disputando* movetur, An mercatores foro cedentes, quos interpretes mercatores *Fallitos*, ac vulgus hominum laicorum, à mensâ ruptâ, *Banqueroutiers* appellat, benefici-

2<sup>o</sup>  
*Quoniam commoda et  
fructus bonorum;*

2<sup>o</sup>

*Questio*



*Res.*  
 neficio prædicto cessionis bonorum gaudere debeant, non habet ullam amplius dubitandi rationem, propterea quod *Edictò Imperator prædictus Carolus V. in Belgicis Provinciis publicatò*, istiusmodi homines pessimos, commerciorum utilissimam rationem conturbantes, laqueò gulæ fractâ vitam finire voluerit, tantum abest ut ullo *Iuris* legumque beneficio digni judicandi sint. Qui rigor prædicti *Placiti* tametsi in defuetudinem abierit, manet nihilominus firma & stabilis decisio, quod cessionis beneficium illis indulgendum non sit; ne hominum malitiis fenestram aperiri contingat, quod ne fiat, publicè interest.

## CAP. XXXIX.

*De injuriarum actione.*

Inter omnes actiones civiles atque forenses nulla est, quæ majorem nobis scrupulum semper injecerit, quam hæc injuriarum actio. Nam cum certum sit, eam ad solam vindictam tendere, *Leoninus cons. 51. l. prætor. §. 1. ff. de injuriis. §. non omnes. Instit. de perpet. & temp. act.* quæ Christianis omnibus, à CHRISTO Servatore nostro, prohibita est, cujus lex *Euangelica* in eo potissimum sita est, ut proximum diligamus sicut nos ipsos, inimicis nostris, iisque qui nos oderunt, beneficiamus. *MATH. v. LUC. vi.* dicendum concludendumque videtur, hujus actionis exercitium *Advocato Christiano* permissum non esse: Quod si simpliciter procederet, nosmetipsos à peccato excusare

fare non possemus, qui aliquoties istiusmodi injuriarum actiones in judicio persecuti sumus. Res certè anceps est; Sed nos commodà quadam distinctione & nostro & aliorum animis hunc scrupulum, ut speramus, eximemus. Lex quidem CHRISTI, omnes in universum homines, qui CHRISTO nomen dederunt, nemine excepto, complectitur & stringit: MATH. V. LUC. VI. Quæ quidem non omnem tollit vindictam, sed privatam tantum, de quâ accipienda sunt sacrarum scripturarum diversi loci; quales sunt: Mihi vindicta, & ego retribuam. Item: Diligite inimicos vestros, benefacite his qui oderunt vos, & orate pro persequentibus & calumniantibus vos. Et qui percutit in maxillam, præbe illi & alteram. Hæc certè omnia privatam spectant vindictam, non eam coercitionem, quæ judicis infertur sententiâ, quem D. PAULUS Apostolus Dei ministrum appellat, vindicem in iram ei, qui malè agit. Epist. ad ROM. cap. XII. Quemadmodum ergò rectè à Iurisconsf. dictum est, justè fieri quod auctore judice fit ac geritur, nec injuriam facere eum, qui suo jure utitur: ita quoque in hac injuriarum actione dicendum videtur, ut is, qui publicè læsus, honoris sui defendendi causâ, aliquem in jus vocat, nec contrà legem charitatis ac CHRISTI præceptum peccare censeretur: Præsertim, si tali sit affectus quis injuriâ, quæ illum bonorum virorum consortio arceret, indignumque redderet, nisi per sententiam judicis innocentiam suam publicè declarari procuraret. Neque enim Evangelicâ lege prohibemur honorem nostrum famamque bonam, mille thesauris pretiosiores, ECCLES. XLI. asserere,

S

rere,



rere, eamque illæfam conservare, conviò per sententiam illò, qui labem illi aliquam asperferat. Imò D. PETRUS Apostolus, *Epist. i. cap. iv.* disertis verbis monet Christianos, *ne quisquam eorum patiat*ur ut homicida, aut fur, aut maledicus, aut alienorum appetitor. De quibus aliisque similibus criminibus diffamatus, utique non aliter innocentiam suam, quam cunctis hominibus conspicuam esse vult CHRISTUS, MATTH. v. cap. comprobare & manifestam reddere poterit, quàm si sententiã judicis, convictò de mendacio diffamante, innocens purusque declaratus fuerit. Quinimò & ipse CHRISTUS Servator noster, unicum patientiæ exemplar & idea, à summi sacerdotis ministro percussus, dixit: IOAN. Euang. XVIII. cap. *Si malè locutus sum, testimonium perhibe de malo; sin autem benè, quid me cædis?* Qui licet inimicorum quoque testimoniò innocentissimus esset, voluit tamen injustè verberantem redarguere, suamque innocentiam coram omnibus profiteri, quòd sine causà & immeritò cæsus esset, nobis exemplum præbens, quid simili casu facere debeamus, cujus actio, nostra est institutio. Cujus, ut præceptoris vestigiis insistens D. PAULUS Apostolus, vas electum DEI, ac spiritu sancto plenus, Ananiam principem Sacerdotum jubentem ut percuteretur, acriter & quidem contumeliosè reprehendens ac redarguens dixit, ACT. XXIII. cap. *Percutiet te DEUS paries dealbate, tu sedens judicas me secundum legem, & contrà legem me jubes percuti:* Consimiliter quoque idem PAULUS magistratum Philippensem accusans, ACT. XVI. cap. quod se & Silam homines Romanos, indemnatos, cæ-  
fos

fos in carcerem coniecisset, injuriam sibi factam protestatus, ac suo jure usus, ab ipso magistratu è carcere dimitti, non clam à ministris ejici voluit. Quinimò ut *Iudæorum* insidiis, quas sibi undique strui intelligebat, eriperetur, cum aliam evadendi rationem nullam videret, provocatione ad CÆSARF M factâ periculo tum manifestissimo se subtraxit. Atque his aliisque rationibus moti, existimamus, *Christiano* licere, actione injuriarum cum convenire, qui crimen aliquod objecit; ut eâ ratione ac viâ suam coram judice, ac concivibus suis, innocentiam comprobet atque testetur, famamque bonam tueatur atque defendat. Illud verò diffiteri non audemus, eos contrâ legem charitatis *Euangelicam* peccare, & à vindictæ cupiditate excusari non posse, qui adversarium, sententiâ ad palinodiam damnatum, captis pignoribus, vel ad carcerem pertractum rigide urgent ac adigunt, ut sententiæ, revocationem præcipienti satisfaciât, ut infamiae notam plenè contrahat: Isti siquidem malum pro malo rependunt, contrâ CHRISTI & Apostolorum præceptum *Epist. I. THESS. V. II. PET. III.* Quo casu *Advocati* munus & officium erit, clientem suum victorem dehortari; ac rationibus *Christianis* inducere, ne quid tale contrâ reum condemnatum attentet: imo suadere ut sententiâ judicis, quæ honorem famamque bonam publicè plenèque restituit, contentus, proximo, licet inimico, juxtâ legem CHRISTI parcat. Quod si is fanis *Advocati* consiliis acquiescens, ab ulteriori persecutione destiterit, erit uterque, meo quidem judicio, peccati expers, & victor coram omnibus testabitur, nihil à se quæsitum  
 S 2 actum-



actumque fuisse, quàm ut honorem suum, nomen  
que bonum, cunctis sollicitè custodiendum, convi-  
ciò condemnati læsum & adpersum, in tuto colloca-  
ret. Et declarabit quoque *Advocatus*, eo dato con-  
silio, se ab omni vindictâ alienissimum esse, qui  
clientis sui animum, sententiâ obtentâ ferocientem,  
bonis argumentis ad lenitatem deflexit, & tanquam  
motos composuit fluctus. Quod si *Advocatus* victo-  
ris, omnis humanitatis & lenitatis oblitus, frigidam  
suffundere, & efferum victoriâ clientis animum, con-  
citare non erubuerit, persuasum sibi habere debet,  
non defuturam sibi ultionem divinam, eos qui amaro  
in proximum animo sunt, semper persequentem.  
Porro *Advocatus* Rei in causam injuriarum sollicitè  
quoque advigilare debet ac prospicere, ut clienti suo,  
qui vel verbalem injuriam extrâ judicium, licet ve-  
ram, vel realem intulit, ac lite pullatur, sanum re-  
ctumque consilium præbeat, omnem movens lapi-  
dem, ut cliens commodissimâ viâ, vel per transa-  
ctionem quæ permissa est, *l. si unus. §. pactus ff. De  
pactis.* vel amicorum intercessionem, vel etiam de-  
precationem, à lite molestissimâ sumptibusque extrice-  
tur: Id, si obtineri nequit, sed clienti suo Reo omninò,  
velit nolit, litigandum sit, operam dabit *Advocatus*  
illius circumspectus, si nec annali silentio, nec dissi-  
mulatione vel familiari colloquio, absque protestatio-  
ne, injuriarum actionem esse sublatam appareat, ut  
datâ ad libellum Actoris, mensem locumque expri-  
mentem, (iis siquidem deficientibus, ineptus reddi-  
tur, teste *Leonino Conf. 91. num. 1. & l. 16. C. De ac-  
cusat. & inscript. Spec. Tit. De libelli concept. §. 1.*)  
re-

Quibz nam modis actio inju-  
riarum tollatur?

Quidnam libellus actoris  
in hac materia continere  
debeat?

responsione modestissimâ, si negari non possit quod obicitur, verba injuriosa, non injuriandi animo, vel libidine conviciandi, sed iracundiæ calore, & à provocato, irâque commoto prolata esse dilucidè protestetur, ac consequenter actioni injuriarum locum non esse contendat. Quod si actor istiusmodi responsione non contentus, instet, rigidèque litem persequatur, ad sententiam deducturus, consilium Reo dabit, ut procuratorem constituat, in quem actor judicium transferat, quod & lite jam contestatâ fieri potest, *l. infamie evitabitur* qui proprio, ff. de Procuratoribus. Atque hac cautelâ, etiam ad revocationem condemnatô procuratore, reus qui ipsum dedit, infamiæ notam evitat, ut & procurator ab eo datus, *l. furti §. qui alieno*, ff. de procurat. Et hanc cautelam passim DD. tradunt ad hanc materiam. Cyn. L. 1. C. de Sent. & interloc. Mynsing. consil. 83. num. 25. Cæpolla, cautelâ 12. eâque celebres hujus Curiae Advocatos olim usos fuisse, ex antiquâ cognovimus sententiâ in Commentarium relatâ. Et non ita pridem exquisitus hujus Curiae Advocatus, cum clientem suum, virum in dignitate constitutum in summo periculo versari intelligeret, & ad revocationem condemnatum iri metueret, Actorem clientem nostrum, virum nobilissimum, summâque præditum potestate, intolerabili injuriâ affectum, dato vili procuratore aliquatenus elusit: Et nos quoque simili cautelâ Actorem quendam, actionem injuriarum cum impetu & ferociâ contrâ clientem hominem pauperem persequentem, dato simili quodam procuratore repressimus, impetumque illius violentem retudimus ac fregimus,

S 3

pro-

*Quoniam casus Reus in  
sat materiam notam  
infamie evitabitur  
constituto impetore proci*

*Exempla*

*la 2m  
11*



processu isto etiamnum altum dormiente. Quam quidem cautelam à Jureconf. inventam proditamque esse credimus, non in alium finem, quàm ut hominibus, qui irâ & indignatione commoti, alteri injuriam extrâ judicium intulerunt, eoque nomine lite pulsati, infamiam inferendam metuunt, illius quoquo modo evadendæ, remedium aliquod suppetat, cum & publicè interfit, bonæ opinionis famæque hominibus, rempub. habitari & frequentari. Illud autem prospiciet *Advocatus Rei*, ne qualitati sententiæ diffinitivæ, nomen suum inscribi patiatur, id enim tutum non est, sed quod sagaces Curia *Advocati* facere consueverunt, exhibito mandato istam notam à se divertere debet. Quæ quidem antè dicta, in injuriis extrâ judicium prolatis obtinent: in quibus factâ etiam liquidissimâ probatione, veritas convicii injuriantem non excusat, in quo magni nominis *Advocatos* hallucinatos vidimus, ut ex sententiâ Curia 27. Octobris 1591. latâ apparet. Secus est si injuria in judicio dicta vel scripta probata fuerit. Eo siquidem casu, is qui actione injuriarum convictus est, condemnationem prorsus evadit, si probatio sufficiens subsequuta fuerit. Ut autem compendio rem totam absolvamus, *Advocatorum* in hisce odiosissimis litibus intentandis, persequendis, sustinendisque munus & officium arbitramur, si nullis suasionibus dehortationibusque averti & sopiri queant; quod omnibus viribus tentabunt, ut castali moderatione, discretione, atque humanitate tractent & exequantur, ne feritate suâ, vel boni consilii inopiâ, in hominum reprehensionem odiumque incurrant, ac iram divinam insuper, omnem ferociam, amarul-

2<sup>da</sup>nam sic vitanda  
Advocato R. i.

Si injuria in judicio  
dicta & scripta sit, &  
convictus sit, & actus injuri-  
arum, condemnationem prorsus  
evadit, si probatio suffi-  
cienti subsequuta fuerit.

R. i. b.  
i. a.

R. i. d.  
i. a.  
d. o. b. e.

entiam, & crudelitatem adversus proximum exercentibus valde infensam, in se provocent; quam vitare & effugere, & e contrario gratiam & misericordiam divinam promereri posse, unica virtus est, solaque ea, quæ potest facere & servare beatum.

C A P. X L.

*De Officio Advocati in causis Capitalibus tractandis.*

**H**Actenus quod sit *Advocati* munus, in causis civilibus peragendis, utcunque explicasse, atque differuisse videmur: Reliquum est, ut quæ sint *Advocati* partes in defendendis criminum reis expendamus. Et primum quidem *Advocato* considerandum est, causas capitales esse gravissimas, in quibus de vitâ liberi hominis ac poenis corporalibus disceptatur, atque ob id cautè & circumspectè in iis versandum esse: Quo enim periculum majus est, eo major cautela adhibenda est, *l. qui sententiam. C. de poenis*, ne innocens plectatur. Quinimo cum sint miserabiles personæ captivi, & pro talibus reputentur, *l. si quis ad declinandum. C. de Epis. & cler. Dd. in l. 1. C. Quando Imper. inter pup. Bart. in Tract. suo carceratorum in fine*, invigilare debet *Advocatus*, ne quid clientes sui detrimenti capiant. Nam quemadmodum in bello bis peccare non licet, juxta politicum axioma, quod nimirum tales errores maximas sæpè clades rebus pub. adferant:

*Captivi personæ misere in  
hili et omni causa  
via dicitur foli 137*



rant: ita quoque in causis capitalibus, si in iis hallucinatus fuerit *Advocatus*, si negligentius in defensionibus proponendis versatus fuerit, clientem captivum in grave discrimen conjiciet. Hinc credimus factum, quod olim octo senioribus *Advocatis*, decretò publicò pauperum captivorum patrociniū sit demandatum, vectigalium solvendorum immunitate concessā: Cui nostrā operā & intercessione, viginti quinque carolinorum aureorum annua pensio, pro singulis accessit. Nos (absit invidia dicto) *Italiā*, & celeberrimā *Bononiensi* Academiā, in quā lauream *Doctorem* consecuti sumus, celeberrimosque juris utriusque *Professores*, & *Carolū illum Sigonium* ævi nostri in historiis coryphæum, quo familiariter quoque usi sumus, docentes audivimus, relictā, *Dolam* linguæ *Gallicæ* addiscendæ gratiā venimus, ubi praxin in gravi criminali causā exercere cœpimus; defensō nobili quodam juvene *Flandrō*, qui *Italiam* petiturus, in diverforio in *Burgundie Comitatu* ebrius *Principi* suo maledixerat, eamque ob causam publico durissimoque carceri inclusus, non absque magnā molestiā evasit, *Duacum* ad studia persequenda ad biennium remissus. In patriam verò, relictā *Mechliniā*, ubi in matriculam *Advocatorum* magni consilii recepti fuimus, regressi, rebus *Frisicis* propter *Walonum* adventum oppidò turbatis, multis tum nobilibus primariis, tum civibus in arcem adductis, ac in periculum capitis propter partium studium vocatis, mirum dictū, quā fertilis causarum criminalium praxis nobis oblata fuerit, omnibus opem nostram patrociniūque ob *Gallicæ* linguæ, tribuno militum familiaris, peritiam, re-

requirantibus. Cujus etiam beneficio, *Centurionibus* militibusque *Walonibus*, tunc temporis, licet non absque periculo, magnas prædas eripuimus, ac quodammodo è faucibus extraximus. In quâ quidem praxi (ut redeamus unde digressi sumus) ab anno 1572. ad hoc tempus ætatem nostram trivimus, & quam plurimos capitis accusatos, nostro patrocinio periculo mortis aliisque pœnis subtraximus. In hac itaque palæstrâ qui versabitur, ut versantur omnes hujus *Provinciæ Advocati*, diligenter eos authores evolvere debet, qui ex professo causas criminales tractant, quales sunt *Angelus de Aretio*, *Alberius de Gandino*, *Hippolytus de Marsiliis*, *Egidius Bossius*, *Iulius Clarus*, *Dambouderius*, & consilia criminalia *Cæpollæ*. In scholis siquidem criminales materiæ perrarò studiosis præleguntur. Quo fit, ut *Advocati* ubi ad praxin hujus supremæ Curix accesserint, & causæ criminales oblatae fuerint, multis sæpè difficultatibus involvantur. Nam & nos in initio cum causas capitales defendendas suscipere, multas sæpè noctes insomnes duximus, solliciti valde, ne quid captivo clienti per nos incommodi crearetur. Est enim res plena timoris, & quæ hominem requirit industrium & diligentem. Proinde erit *Advocati* officium, ut ante omnia à Reo captivo, factâ examinatione, perdiscat, quod sit crimen quod obijcitur, & quando & quo loco, quibusve præsentibus contigerit, aut contigisse dicatur, ac omnes alias circumstantias excutere debet, crimini ac facto coherentes; minima siquidem circumstantia jus mutat: *argument. l. aut facta. ff. De pœnis*. Deinde considerare debet atque expendere *Advocatus*, an ne

NB

in quodam  
Advocato R<sup>o</sup> in causis cr  
iminalibus  
j<sup>o</sup>

2<sup>o</sup>

T

cri-



crimen quod clienti impingitur, præscriptione vicen-  
 nali extinctum sit, quâ omnia crimina, paucis excep-  
 tis, tolluntur, *l. querela. C. ad l. Corn. de fals. Bart.*  
*& alii ad l. in cognitione. ff. Ad Senatuscons. Syllania.*  
 Usque adeo quidem, ut transacto viginti annorum  
 spacio, neque offensus, licet minor, restitui possit.  
*l. auxilium, ibi Odofr. ff. De Minorib.* Eamque ob-  
 jicere & probare tenetur, nisi ex articulis *Aetoris* e-  
 lici possit. Ad hæc indagabit, an criminosus in hac  
 Provincia captus, an per remissionem judicis alterius  
 Provinciae, in carcerem impactus sit. Nam licet ista  
 remissio criminosi ad locum delicti, totius Italiae ac  
 Galliae consuetudine non sit recepta, *Bald. in l. 1. C.*  
*ubi de crimin. agi oporteat. Cyn. ad. l. apud eloquentis-*  
*simum. eod. tit. num. 3.* nihilominus tamen cum in  
 hac Curia frequentetur, *Advocati* erit expendere, an  
 legitima sit remissio. \* Nam si ab alio iudice quam  
 domicilii, facta fuerit, non poterit subsistere; Si e-  
 nim ab illo iudice, qui procedendi contra criminosum  
 jurisdictionem non habebat, & ita neque capiendi,  
 tunc locum remissio non habet, sed est nulla, *glossa*  
*in tit. de foro compet. quam communem dicit Bart. &*  
*Alex. in l. sepulchri violati ff. eod. tit. Bald. in l. 1. C.*  
*de hæred. instit. Abbas cons. 24. Bossius Tit. de foro*  
*compet. num. 52. 53. 54. 55.* & ad locum domicilii  
 remittendus erit reus. Quod si nihil eorum quæ antè  
 allegata sunt, adferri ac prætendi poterit, sed ad de-  
 fensiones criminis deveniendum est, indagabit *Advo-*  
*catus*, quæ clientis antea acta vita fuerit, & an aliqua  
 in patriam ejus merita extent: Faciunt enim quam-  
 plurimum ad elevandam minuendamque poenam, quæ  
 de

Contrarium expresse in *Doct.*  
*Sando l. 5. tit. 9. de h. i.*

de jure constituta est, argumento l. ad bestias ff. De pænis. aut innocentiam in dubio adstruendam. Ea enim in defensionibus homicidarum magnum aliquando momentum attulisse percepimus, præsertim si occisus probaretur homo fuisse vitæ dissolutæ, ad rixas & verbera pronus, cædem sanguinemque spirans. Hæc omnia diligenter expiscari, & defensionibus probatoriisque articulis inferere debet, atque ob id sæpius captivum adire & cum eo conferre tenetur, qui præterquam quòd charitatis officium faciat, invisendo captivum ac consolando, etiam hoc consequitur commodi, ut omnes qualitates ac circumstantias factò cohærentes, ac utiles eliciat, quæ illis non semper occurrunt, animis eorum metu ac mœrore perculsis; quorum miseratione non tangi, & incommodo non angî, hominis est minimè humani, ac rupe *Tarpeiâ* durioris: habentur enim pro miserabilibus personis captivi, ut antè dictum est, & illorum causa pia dicitur. Illud autem *Advocatus* præcavebit, ne clientem ad mentiendum instruat, quod magno errore aliqui sibi licere arbitrantur: Id enim bonâ conscientia facere non potest, qui memor veteris sententiæ, *Christianæ* certè, cogitare debet, corporis mala, malis animi curanda, avertendaque non esse. Quemadmodum & illud sollicitè cavebit, ne captivo, aut illius consanguineis, de subornandis corrumpendisque testibus consilium det. Id enim non solum legibus civilibus sub gravi comminatione interdictum est, sed & lege divinâ prohibetur, quibus non minus tenetur is, qui ad falsitatem instruit, fraudandique consilium suppeditat, quàm qui ipsemet falsum fraudemque committit. Præ-



terquam quòd propriam perjurio conscientiam vulne-  
rat, illicitis modis iudicem, DEI vicarium turpiter  
circumveniens. Tametsi enim captivi clientis com-  
miseratione motus, omnes ingenii nervos intendere,  
omnemque movere lapidem & possit, & debeat, ut  
eum periculis eximat eripiatque, intra limites tamen  
juris ac honestatis continere se debet *Advocatus*, ne-  
que præter jus ac fas aliquid moliri, ut pœnis meritis  
subtrahatur is, qui non tantum proximum, sed &  
remp. pernicioso læsit exemplo, cui, teste PLATO-  
NE in *gorgia*, nisi edito exemplo, sumptoque suppli-  
cio plenè satisfieri nequit. Unde miratus sum quòd  
*Parlamentum Parisiense* (ut refert Boërius decis. 215.)

\* *Advocatum* confessum, quòd captivo clienti suo con-  
siliū dedisset, ut aperto carcere aufugeret, excusa-  
tum habuerit, quod tamen consilium, nec Boërius  
probat, nec nobis quoque placet. Quòd si verò reus  
crimen objectum fateri nolit, sed in negatione perse-  
veret, *Advocatus*, rejecto in Actorem *Procurato-  
rem generalem* probandi onere, quod affirmanti in-  
cumbit, l. ei qui in ff. *De Probationibus*, fortiter eum  
diligenterque defendet. Quæ defensio, cum magnà  
ex parte in eo consistat, ut testes, aliasque probatio-  
nes ab Actore productas elidat refutetque, iis repro-  
bandis providè diligenterque incumbere debet *Advo-  
catus*, ac si turpitudine ignominiaque testibus objicien-  
da erit, articulos refutatorios conscribere, & testes  
producere tenetur: quod etiam didicistis testificatis,  
ac post conclusionem in causâ fieri posse tradit Hipp.  
de Mars. in praxi suâ in §. sequens. num. 6. 7. 8. Iis  
siquidem Actoris testibus, probationibusque de falsi-  
tate,

tate, contrarietate, singularitate vel vacillatione convictis, vel aliis instrumentis ac præsumptionibus fortioribus elisis ac eversis, reus, Actore non probante, etiamsi nihil præstiterit, absolvendus venit. Cujus quidem defensionis Rei tantus in jure favor est, ut testibus domesticis, consanguineis, foeminis non integræ estimationis, ac aliis inidoneis, illius comprobari innocentia possit, *Alex. conf. 21. lib. 1. Spec. Tit. de inquisit. §. 1. versic. sed nunquid reus. l. consensu. C. de repud. c. veniens De Testib. Alex. conf. 5. Dec. conf. 429. & 459. Ioann. de Anania conf. 50. conf. Hipp. de Mars. sing. 59. Bald. in l. parentes. C. de Testib. cum* *Tantus in jure Captivorum favor est et etiam personis et stabili & mobili testimonij dicitur in foveam favorem ut per se sunt: quod contrarium in testibus Actoris.*

*6 °*

*videtur sunt persone, quæ torqueri prohibentur:*

esse debeant. In quibus reprobationibus ritè conscribendis quantum momenti situm sit, quilibet facile intelligit. Quoniam autem processu concluso & examinato, Curia interdum deprehendit, probationes criminis impositi non esse luce clariores, sed dubias, ac tales, quæ ad condemnationem non sufficiunt, & ob id ad quæstiones recurrendum arbitratur, operam dabit Advocatus, si id resciverit, ut captivum (si non sit ex eorum numero qui torqueri prohibentur, quales sunt impuberes, *l. 1. §. impubes. ibi glossa ff. Ad Sillanianum*, senes decrepiti, *l. 3. §. ignoscitur. ff. ad Sillanian.* *Alex in l. milites. C. de Quæst. foeminae* que gravidæ quæ nec terreri debent) certiore faciat, ut quæstionibus subjiciendus coram Commissario de innocentia suâ potestetur, atque declaret, nolle sibi confessionem suam tormentis expressam, præjudicare, eamquæ peractis quæstionibus revocet: Alioqui enim si in confessione tali perseverarit, condemna-



tionem evadere non poterit. Tametsi enim lex dicat, quæstionem rem esse fragilem, & periculofam, & quæ veritatem fallat, contra quam multa dici posse, *Quintilianus gravis author. asserit, l. 5. Instit. Orat. cap. 4.* quod aliis patientia facilè mendacium faciat, aliis infirmitas necessarium: nihilominus tamen cum *Ulpianus, in l. 1. versic. quæstionib. ff. eod. tit.* expressis verbis definiat, non semper, nec tamen nunquam fidem habendam esse quæstioni, ac tota ferè *Europæ* consuetudine sit recepta; erit providi *Advocati*, perspicacius consilium adhibere, & majori cautelâ procedere, ne clienti præter jus ac leges tormenta infligantur. Quod quidem tum fieri censetur, si à tormentis, nullis legitimis indiciis, reoquæ communicatis præcedentibus incipiat, aut absque novis repetantur, quod nequaquam fieri debere tradunt criminalistæ. *Iacob. de Aretio & Cynus in l. final. C. de Quæst. Cyn. & Rayn. quos refert. Bart. in l. unius §. reus ff. eod. Bald. in l. milites C. d. tit.* Nam quemadmodum tortus absque indiciis, & confessus, sibi non præjudicat, etiamsi in eâ confessione pluries perseveraverit, *l. divus. §. ex quibus. & l. maritus ff. de Quæst. ibidem Hipp. de Marsf. Roma. conf. 167.* ita quoque si sine novis indiciis legitimisque argumentis tormenta repetantur, confessio in illis expressa, non præjudicat, etiamsi indiciis sequentibus confirmata fuerit, quod tradit *Boërius. decis. 259.* Quæ quidem prædicta usque adeò obtinent, ut *Ulpianus* dicat, etiamsi quis ultrò de maleficio confiteatur, non semper ei fidem adhibendam esse, hâc subjectâ ratione, quod nonnunquam aut metu, aut quâ aliâ causâ, in se confitean-

Tortus absq. indicij & confessus sibi non præjudicat, etiamsi in eâ confessione pluries perseveraverit.

teantur accusati. Quod & Imperatores fratres ad Voconium Saxam rescripsisse idem Ulpianus refert, in l. i. §. si quis ultro. ff. De Quæst. liberandum eum, qui in se fuerat confessus, cujus post damnationem, de innocentia constitisset. Itaque ne repetantur tormenta, nullis novis legitimisque indicis emergentibus, prospicere & præcavere debet *Advocatus*, ac supplicii libello Curiae porrecto, petere, ne id fiat, illam ethnici hominis sententiam, planè christianam semper inculcans: Satius esse, impunitum relinqui facinus nocentis, quam innocentem damnari, l. absentem ff. de penis. Quod in gravissimâ quadam criminali causâ, captivo de prodicione delatò, ante aliquot annos tentatum, & supplicii libello Curiae exhibito, à nobis impeditum fuisse recordamur, nullâ habitâ ratione declarationis delatoris, in articulo mortis asserentis, captivum verè à se delatum esse, quam nos, ultimo supplicio præsentis, non absque horrore proferri audivimus. Quam istius delatoris declarationem meritò rejecit Curia, tum quod captivi delati capitalis hostis esset, tum etiam quod unius hominis declarationi seu testimonio lex divina DEUTER. XIX. cap. MATH. XVIII. cap. fidem adhiberi prohibeat, ut aliquis condemnatur, sed testibus ad minus duobus est convincendus qui accusabitur, Christo & Paulo Apostolo testantibus. Ioan. 9. Epist. 2. ad CORINTH. cap. ultimo. Ex quâ, tanquam purissimo fonte, profluxerunt leges civiles ac humanæ, unius hominis testimonium in judiciis etiam civilibus respuentes, etiam si dignitatis summæ honore præfulgeat. Ut autem revertamur eo, unde digressi sumus, *Advocatis* hæc cura incumbit, ut

o o

*Idem, omni scripto  
majorum 4<sup>ta</sup> fundia  
tunc in causis civilibus  
quam capitalibus respiciuntur*



ut omnia circumspectè & legitimè fiant, atque ut id obtineant, precibus Curiae porrectis, advigilare & inculcare debent, ne vel absque indiciis accusatus torqueatur, vel sine novis, repetatur quaestio, citatis Ulpiani verbi, dicentis: Quaestionem rem esse fragilem & periculosam & quæ veritatem fallat: Nam plerique (inquit) patientiâ sive duritiâ tormentorum, ita tormenta contemnunt, ut exprimi ab illis veritas nullo modo possit: Alii tantâ sunt impatientiâ, ut quodvis mentiri, quam pati tormenta velint, & ita fit ut varia modo fateantur, & non tantum se, verum etiam alios crimentur. Cujus rei horrendum narrat exemplum *Boërius decif. 166.* de muliere, quæ propter minas, quas de fenestrâ in inimicum suum, aliis & inimici inimico audientibus, effuderat, capta & quaestionibus subiecta, homicidium ab inimici inimico patratum, doloris impatientiâ falsa, ultimo supplicio, licet innocentissima, affecta fuit. Consimile exemplum & in *Curia Trajectensi* contigisse ante multos annos intelliximus. *Profectò* cum & captivos in ipsis tormentis expirasse perceperimus, certè eâ moderatione & discretionem in tormentis adhibendis versabitur Curiae delegatus, ut carnificis feritatem refrenet atque coërceat. Solent enim isti homines, nonnunquam improbi, istam tristem odiosamque functionem suscipientes, omnem ferè humanitatem exuere. Quod si verò vel legitimâ confessione, vel aliis liquidis probationibus, luce clarioribus, quales in criminalibus requiruntur, *l. fina. C. de probat. l. qui sententiam C. de pœnis.* delictum probatum, reusque convictus fuerit, si per circumstantias elevari ac minui nequit,

quit, quod omnibus viribus tentabit *Advocatus*, ad deprecationem confugiendum erit, ac reo de vitâ manifestè periclitanti, christianas, de immensâ & infinitâ DEI misericordiâ, omni tempore (teste D. Cypriano, in sermone de cœna domini) pœnitentes recipientis, adhibere consolationes debet, hortabiturque clientem, ut conjectâ in *Christum* humani generis Servatorem, ac fidem *Advocatum* (teste Apostolo Epist. Ioan. I. cap. II.) spe, mortem hanc omnibus hominibus ferius ocius subeundam, cum patientiâ excipiat, certus, eam propter ignominiam (si ex animo illum prioris vitæ pœniteat) ad criminis probati, reliquorumque peccatorum expiationem purgationemque indubitanter profuturam. Precibus quoque suis *Advocatus*, (quod Medico ægrotum curanti *Ecclesiast.* cap. xxxviii. præcipit) clientem ex hac vitâ migraturum, juvare, Deoque omnipotenti commendare, atque orare debet, ut cor ipsi humiliatum & contritum, ac veram patientiam largiri dignetur, ut hujus carnis vinculis solutus, ad *Paradisum* transire possit, beatorum consortio aggregandus. Illud coronidis vice addendum, *Advocatumque* commonefaciendum arbitramur, ne causam clientis captivi nimiâ acceleratione præcipitet. Tempus enim & dies (teste Comico) ut ægritudinem adimit, ita iram & indignationem quoque mitigat lenitque, ac ob id lentè, ut habet vetus dictum, festinandum est, ut eâ ratione, & Curiaë reliquisque concivibus, operam suam probare possit, si causa præter opinionem, tristem eventum sortita fuerit. Illud citrà jactantiam profiteri possumus, inter centenos captivos, quibus annis 33. patrocinium præstitimus, ac  
V  
hoc



hoc saxum volvimus, paucissimis ultimum supplicium irrogatum fuisse.

## CAP. XLI.

*De iis qui se purgationi criminum offerunt,  
& quomodo in isto negotio versabitur  
Advocatus.*

PRæcedenti capite de *Officio Advocati* in causis capitalibus, & quid facere debeat, quando Reus criminis ad carceres pertractus, à Quæstore rerum capitalium ( qui *Procurator generalis* dicitur ) lite pulsatur, disseruimus. Nunc ordo tractationis postulare videtur, ut describamus, quæ sint *Advocati* partes in consiliis dandis & defendendis iis qui in carcere se sistere & purgationi criminis offerre volunt. Id enim nonnunquam fieri, nemo in praxi hujus Curix versatus ignorat. Nam cum hæc scriberemus, duo de commisso homicidio diffamati, quorum alter id necessario fecisse creditur, cum tertius occisus sit, ad carcerem concesserunt, purgationi sese offerentes, & etiamnum sub iudice lis est. Itaque si iste casus *Advocato* oblatus fuerit ab aliquo, consilium sibi dari petente quid facere debeat, præcavebit ille certè, ne author sit, ut consultor purgationi se offerat, sed dicet, rem periculi esse plenissimam, & planè ancipitem, multa incidere posse, quæ cum in vitæ discrimen longè maximum adducere atque conjicere queant;

vide in præfatione supra p. 143

Præcavebit Advocatus ne  
author sit ut consultor  
purgationi se offerat.

ant ; ac proinde deliberandum esse diu quod statuen-  
 dum est semel , neque enim esse poenitentiae locum.  
 Ad hæc posse reum , qui carceri inclusus , dubiam li-  
 tis aleam elegit , magnoperè falli , testibus quibus se in-  
 nocentiam suam probaturum confidit , aut vacillanti-  
 bus ac variantibus , aut etiam ignorantiam simulanti-  
 bus , aut quod detestabile est , falsum testimonium  
 perhibentibus. Ista enim omnia accidere posse expe-  
 rientia rerum magistra docet. Præterea facile contin-  
 gere posse , ut si probationes dubiæ aut suspectæ sint ,  
 quæstionib. subjiciatur , tormentis examinandus pur-  
 gandusque. Qui si doloris impatiens ( ut sunt multi )  
 aliquid contra se legitimè confessus fuerit , nemini non  
 conspicuum est , quantis periculis vitam suam exponat.  
 Hæc , inquam , omnia consultori inculcare debet *Ad-  
 vocatus* , ut iis consideratis perpensisque deliberare  
 possit , quid facto sit opus. Adjiciet quoque , non  
 ita pridem quendam , qui de homicidio suspectus ,  
 ad carceres spontè concesserat , probationibus du-  
 biis , ægerrimè vitâ salvâ evasisse. Quod si verò  
 consultor infontem se professus , periculum subire  
 omninò decreverit , ac carceri inclusus , consilium  
 sibi dari petat , ut voti sui compos fiat : *Advocati*  
 erit officium , in hac , ut in aliis causis capitalibus , om-  
 nem adhibere diligentiam , omnesque defensiones ex-  
 quirere & indagare , quas facti circumstantiæ suppe-  
 ditare ullatenus poterunt , fortiterque causam tutari ,  
 ne aliquid sit quod *Advocato* imputari à cliente possit.  
 Atque hæc quidem obtinent , si *Procurator generalis*  
 litem adversus captivum , purgationi oblatum inten-  
 taverit ac persecutus fuerit. Quod si verò quisquam

vide fol. præd. 139 in fin.



à privatis de crimine infamatus purgationi se offerat, erit *Advocati* officium, precibus Curiae oblati petere, ut per citationem ad certum diem vocentur infamatores, crimen obiectum probaturi atque executuri. Qui si bonâ citatione evocati, non compareant, & de contumaciis accusati fuerint, Actor captivus purus purgatusque sententiâ Curiae declarabitur. Si verò quisquam purgationi se opposuerit, & postea ad persequendam causam citatus, emanens de contumaciâ accusatus fuerit, unius istius contumaciæ accusatio hoc Actori dabit commodi, ut ejusdem Curiae sententiâ purus declarandus veniat, adversario in expensas damnato. Atque hæc ordinationibus magni consilii apud *Meckliniam* Tit. *Proces criminels*, artic. 21. & 22. & 23. comprehensa sunt, ut videre licet, & locum habent, quando is qui infamavit, certus est. Secus erit, si incertum sit, à quo infamatio primum sparsa sit, ac originem trahat: tunc enim aliâ viâ ac modo procedendum foret, ac faciendum id quod Ordinatio Curiae *Hollandicæ* artic. 410. continet, nimirum, ut Actori, Edicto citatorio concesso, detur facultas, ut per apparitorem Curiae, ad locum domicilii & delicti perpetrati transmissum, trinâ proclamatione evocentur omnes, qui Actoris purgationem oppugnare volent, ut ad certum diem compareant, ac legitimas criminis prolationes inferant: Quod si trinâ proclamatione peractâ, nemo comparuerit, purgatus declarabitur, nisi per aliquem ad hoc delegatum, sufficiens probatio Curiae facta fuerit. Eo siquidem casu, captivus criminis convictus, competenti supplicio afficietur. Verum enim verò cum ista testium examinatio seu

*Quid juris sit in ista sit  
à quo infamatio capta sit?*

seu inquisitio maximi sit præjudicii, ac ob id omni vacare suspitione debeat, utpote cum eam vel absolutio vel condemnatio sequatur, erit *Advocati* officium, procurare, ut ista inquisitio alicui consiliario, nullâ suspitione gravato, committatur: quò omnia ordinè & legitimè peragantur, quod in capitalibus causis vel maximè requiritur, quibus irreparabile damnum irrogatur, si gravis error commissus fuerit in condemnando. Et licet ista inquisitio seu testium examinatio atque receptio Ordinatione Curiae Hollandicæ secreta esse, atque ita Curiae exhiberi debeat, arbitramur tamen, ad *Advocati* quoque officium pertinere, ut precibus Curiae oblatis, instet ac urgeat, quò ista testimonia captivo clienti suo communicentur, ut discipiat, quid sibi sit faciendum, ne præcisâ & ademptâ contradicendi ac testes refutandi facultate, prætermisso juris ordine, insons opprimi videatur. Cum enim hòc casu tam versetur in vitæ discrimine captivus, quàm cum ad carceres pertractus, ordinariâ lite pulsatur, non potest ulla diversitatis ratio reddi, quare ad reprobandos testes secreto examinatos, non sit ad- \* N<sup>3</sup>  
mittendus qui purgationi & carceri sese obtulit. In initio capitis hujus mentio facta est duorum, qui se purgationi obtulerunt, & ex vinculis causam dixerunt. Eâ ad finem perductâ, antequam suprema huic tractationi manus imponeretur hunc habuit exitum, quod examinatis utriusque testibus, tormentis insuper subiecti fuerint, quorum neutri cum ulla exprimi confessio potuerit, centum quinquaginta aureorum summâ mulctati & in expensas damnati anno 1605. absoluti sunt, ut ex *Advocatis* qui patrocinium præstiterunt,



accepimus. Veruntamen cum ea res multis periculis, ut antè quoque diximus, obnoxia sit, cavebit *Advocatus*, ne consultori ex vinculis causam dicere volenti animum addat, sed positis ob oculos periculis longè maximis, scrupulum injicere debet, ut ille deterrius, in re tam arduâ, amplius deliberandum censeat, populare illud ac proverbiale dictum ipsi occinens: *Het is beter te wesen in der Vogelen sang als in d'pferen klank.* Licet enim durum sit, in exilio vitam agere, durius tamen est, vinculis compedibusque stringi, ac dubiam judicii aleam subire: Libertas certè res est inæstimabilis, teste Iureconf. & carcer mala mansio dicitur, ac morti æquiparatur, secundum *Baldum. c. 1. §. denique. Tit. quæ fuit prima causa beneficii amitt.*

## CAP. XLII.

*De Beneficio Remissionis criminum.*

Superiori capite *Advocati* munus & officium in tractandis causis capitalibus breviter descripsimus: Quoniam autem eodem capite obiter mentio facta est de homicidis, & quæ sint partes *Advocati*, si quando in judicio contra impetitionem *Procuratoris generalis* defendendi sunt, videndum est, quid *Advocato* faciendum sit, si homicida literas Remissionis petendas sibi atque impetrandas ducerit, quod sæpè in hac nostrâ Provincia, propter homicidiorum (proh dolor) frequentiam contingere nemo est qui ignorat. Itaque si *Advocati* in iis Remissionis literis impetrandis

dis consilium requiratur, ante omnia providendum illi erit, ut si supplicem libellum scripturus sit, nihil præter rei factique veritatem narret, sed operam dabit, ut preces veritate nitantur. Nam si libello supplicis aliquid, delicti palliandi, extenuandi, elevandique gratiâ complexus fuerit is, qui cum exhibuit, aut veritatem factique circumstantias, crimen homicidii aggravantes exprimendas, suppresserit, fructu, effectuque beneficii Remissionis impetrans carebit. *Beneficium Remissionis criminis impetratur, in supplicis libello nihil delicti, minus delicti, palliandi, extenuandi, elevandi, sed tantum veritatem præponit et circumstantias veritas præponit* Diploma siquidem principum falsis causis nixa non subsistunt, *c. super literis. De rescriptis. D.D. in l. præscriptio, C. Si contra jus vel utilitatem pub. c. super lit. c. super ea. De re judicata.* Quapropter Imperatoris Caroli 5. Placito 21. Octobr. anno 1541. publicato, Ordinumque promulgatione renovato & confirmato, artic. 18. & 19. istiusmodi literæ Remissionis, subreptitiæ declarari jubentur, non tantum si falsò narratum sit, impetrantem provocatum, ac inculpatae tutelæ moderamine usum, hominem peremisse, sed & si libello supplici homicidam bonæ famæ, aut interemptum malum, improbæque vitæ, conversationisque hominem fuisse, narratum sit, quod artic. 19. disertis verbis declaratur. Proinde providi Advocati erit prospicere, ne quid hac parte in concipiendis precibus peccetur; Et tanto quidem magis, quòd artic. 12. prædictæ Constitutionis, reus homicidii, literis Remissionis in judicio exhibitis & intimatione seu interinatione, ut loquitur *Leonius, conf. 91. petitâ*, ad carceres ire cogatur, ibidem permansurus, donec aliter à Curia dispositum fuerit. Quod quàm sit periculosum & anceps, quisque apud se cogitare poterit. Nos certè



certe hujus rei exemplum vidimus, in quodam *hujus Provinciae territorii Leovardiensis* rustico locuplete, qui quod facti circumstantias aliter narrasset, quàm rei veritas postulabat, literis Remissionis in judicio exhibitis, & factâ contentione, ut Actis Curiae intimarentur; à *Procuratore generali* homicidium voluntarium, proditoriumque fuisse publicè allegante, de obreptione fureptioneque accusatus, & in carcerem impactus, in summo vitæ discrimine versabatur, nec supplicium ultimum evadere potuisset, nisi ad causam jam desperatam vocati nos, remedio quodam extraordinario, permissio tamen, nimirum secundis remissionis gratiæque literis dum carcere continebatur, ac lis inter captivum ac *Procuratorem generalem* penderet impetratis, quod fieri posse ex antiquâ cognovimus sententiâ 16. Martii anno 1540. pronuntiata; *Advocatis* notanda, eum periculo longè maximo, subtraxissemus, uti ex actis Curiae liquere potest. Neque verò sufficit, beneficium Remissionis, benè legitimeque, precibus veritate nitentibus impetratum esse, nisi iis quoque servatis solemnibus petatur atque obtineatur prædictarum literarum intimatio (*interiement Galli vocant*) quæ prædicti Imperatoris constitutione præscripta & expressa sunt. Et primum quidem qui literas prædictas impetravit, intra sex menses eas Curiae offerre debet, alioqui earum effectum cariturus: Deinde ipsemet statuto die juridico in auditorio comparere easque exhibere debet, atque simul postulare, ut intimentur, actisque juxta Curiae stilum inscribantur: Eoque facto, rectà ad carceres se conferre ibi que permanere tenetur, donec Curia fecerit

*Resolvitur in gar. m. d. r. a. addenda:*

j. o.

2. o.



cus disposuerit. Quod quidem ita strictè observari voluit *Carolus Imp.* ut iudici expressis verbis interdi- xerit, ne antè carceris mancipationes, & non lectis examinatisque attestationibus à iudice loci transmissis, impetrantem è carcere dimittat. Quæ quidem omnia juxtà *Placiti* tenorem usque adeò requiruntur de necessitate, ut licet *Procurator generalis* consensum suum adhibuerit, iudex tamen non excussis Informationibus, captivum dimittere nequeat. Ad hæc quoque exigitur, ut ad diem præstitutum, vocatis iis quorum interest, intimatio prædicta postuletur, quibus constitutione prædicta facultas datur, ut literas sive Remissionis beneficium ex professo, si velint, oppugnent, non solum ut quod suum interest consequantur, sed etiam ut iis rejectis, capitali supplicio reus subjugetur. Ex quibus omnibus liquido patet, solertis industriæque *Advocati* officium in eo versari, ut prospiciat ne quid ex prædictis solemnibus prætermisum deprehendatur. Id enim si accideret, conscientia morsum semper circumferret, surdo verberare cædentem. Nam cum *Placita* Principum legis vigorem habeant, à nemine, nedum *Advocato*, ignorari debent, & consequenter, si juris ignorance lapsus *Advocatus*, periculum clienti creasse convictus fuerit, nominis sui iacturam faciet, imò ad instar medici imperitè secantis, mortisque occasionem præbentis, lege *Aquiliana* teneretur. Sed & illud quoque prædictum *Placitum* continet ad solatium eorum, qui literas impetraverunt, ut si quid libello supplici omissum erit, quod narrandum exprimendumque fuerat, porrectis precibus secundas sibi literas indulgeri petere possint: ita tamen ut



iis quoque inferant, antè literas à se impetratas fuisse, quibus factum non satis narratum erat: Quod quidem usque adeo necesse est ut fiat, ut eò omisso, secundæ non minus quàm priores, subreptitiæ futuræ sint, quæ statim quoque cancellari jubentur, antequam ulla desuper habeatur deliberatio. Ne autem secundis literis à Principe impetrandis captivum gravari contingat, cum absque magnis impendiis id fieri non soleat, remedium est, ut *Advocatus* porrectis Curix precibus, omissionem sibi condonari, factâ compositione, petat: quod fieri posse & factum olim fuisse, ex antiquis sententiarum hujus supremæ Curix commentariis, cognovi, quæ anno 1546. vicesimo Maii & decimo Junii latæ sunt, inter *Procuratorem generalem Actorem*, & *Regnerum Lieuma*, item *Feddonom Sibolts* reos, quibus certâ pecuniæ multâ indictâ, literæ remissionis intimatæ fuerunt. Præterea illud quoque inter solemnia connumeratur, ut reus *Diploma Principis* exhibiturus, intimationemque postulaturus, in Auditorio flexis genibus apertoque capite id faciat, cui nisi lectis literis surgere permissum non est. Quâ lectione, præsentibus Curix delegato ac *Procuratore generali*, frequenti *Advocatorum*, hominumque coronâ peractâ intimationeque petitâ, ad carcerem reducitur, ibi permanens, donec auditis iis quorum interest, ac prædicto *Procuratore generali*, Curia prædictas literas definitivâ sententiâ intimandas declaraverit. Atque hæc quidem in remissionibus homicidiorum impetrandis intimandisque obtinent, placito *Imperatoris* comprehensa, atque *Enchiridio Statutorum* inserta, ac ob id mordicis, & ad ungu-

em

5<sup>o</sup>  
6<sup>o</sup>  
Sæti Placito Imperatoris  
Carole Prædicti interdictis &  
foras remissionis homicidii  
tribus littera annuam per  
potatis. Artic. 1.

em observanda sunt. Ad alia verò crimina quod at-  
tinet, quorum remissiones petuntur ac impetrantur à  
*Principe*, prædictas quoque solemnitates ad intimati-  
onem earum obtinendam, observandas esse arbitramur;  
nisi principalium literarum seu *Diplomatis* tenor ex-  
pressam earum relaxationem contineat. Atque ea  
quidem quæ antè relata sunt, locum sibi vendicant,  
si sententia condemnatoria non præcesserit. Nam si  
sententiam passus Reus, à principe restitutus sit, for-  
tè alia exiguntur solemnia. Qui casus, cum nobis in  
praxi versantibus, oblatus non sit, nihil specificè de  
iis declarare possumus, contenti iis, quæ antè dicta  
sunt atque relata: Interim tamen negare non possumus,  
vidisse nos in antiquis Curiaë supremæ com-  
mentariis, sententiam condemnatoriam quandam fa-  
mosam, & restitutionem à principe factam, quâ quidam  
non infimi nominis sententiâ damnatus, ac omnibus  
honoribus dignitatibus exutus, honori, famæque re-  
stitutus fuit. Sed illud apud *Plinium illum secundum*,  
Oratorem & *Advocatum* consummatissimum, in *Epi-*  
*stola ad Imperatorem Trajanum scriptâ*, in disputatio-  
nem vocatum videmus, an *Archippus* philosophus,  
ob crimen falsi in metallum à proconsule damnatus,  
& Diplomate non restitutus, solâ epistolâ *Domitiani*  
*Imperatoris ad L. Appium Maximum datâ*, qua *Arc-*  
*hippum* & virum bonum, & professione majoribus re-  
spondentem, *Maximo* commendaverat, & plenam ci  
humanitatem præstari volebat, restitutus censeri de-  
beret: Et re apud *Imp.* optimum in utramque partem  
disputatâ, censuit ac rescripsit, credendum esse, eti-  
am statui ipsius *Archippi* interventu *Domitiani Impe-*

X 2

ra-

Questio

R. G.



ratoris, subventum fuisse. Cui congruere videtur textus l. i. C. de sententiam passis & restitutis. Nam ibi Iulianus quidam Licinianus, Antonino Imperatori oblatus, solis verbis adversus sententiam Deportationis, Provinciæ non solum, sed & honoribus, & ordine ceterisque restitutus narratur. Quoniam autem sententiam passi & restituti interest quàm maximè, memoriam ejus non perire, circumspecti erit Advocati officium, curare, ut ea omnia in commentarios publicos referantur ac conserventur, ut cum res postulabit, in promptu esse ac haberi queant. Quod autem antea diximus, vocandos esse eos quorum interest, quando intimatio beneficii Principis in judicio postulabitur, iisque permitti, oppositionibus legitimis petitionem Actoris impugnare, usque adeo verum est, ut ex antiquâ 27. Octobris anni 1548. inter Ioannem Obbonis Actorem & Corneliam Valerii illius conjugem Ream prolatâ, cognoverimus, Imperatoriarum literarum, quibus relegationis revocationem (quam Galli vocant *appel du Ban*) indulserat, intimationem sententiâ hujus Curix definitivâ Actori prædicto denegatam, & Procuratori generali injunctum fuisse, Imperatoris jus adversus eum exequi, qui & in expensas condemnatus fuit, ut ex prædictâ sententiâ Curix commentariis inscriptâ & insertâ apparet.

## CAP. XLIII.

*De Sumptibus litis.*

CUM non iis tantum qui in foro versantur litibusque exercendis operam dant, sed & iis quoque

que qui sui consequendi gratiâ jure experiuntur, notissimum sit, magnis impendiis lites peragi, usque adeò quidem, ut ea res proverbio locum fecerit, quò taxantur strenui isti litigatores; nimirum juvenem litigatorem, senem mendicum fore. Erit *Advocati* quoque munus, ut antè diximus, consultores à litigando absterre. Quod si verò aurem accommodare nolint, aut suum, nisi motâ lite, consequi nequeant, proximum erit, ut prospiciat *Advocatus*, ne in litis exordio sumptus expensasque petere negligat, non ignarus, non petitas à judice non adjudicari, *l. terminato. C. de fructibus & litium expensis*. Quod mihi aliquando nimium festinanti contigisse recorder & fateor. Sed cum rarissimè hâc parte peccetur ab *Advocatis*, non existimamus opus esse, hoc præceptum curiosius inculcare. Illud autem hoc loco monendi sunt *Advocati*, si contingat, eos clientum suorum nomine, cum expensarum, usurarum, fructuumque adjudicatione sententiam obtinere, ut eas declaraturi modum non excedant, sed intrâ limites honestatis Ordinatione Curiae præscriptos permaneant. Quâ parte plurimum à plerisque *Advocatis* peccari quotidie deprehendimus, qui nullâ æquitatis ac moderationis habitâ ratione, hoc agunt ac student, ut quàm plurimum per fas nefasque clientum suorum victorum nomine, judicis taxatione consequantur. Vidimus nos paucis abhinc annis, unius litis sumptus, impendiis computatis, ad centenos aureos extensos declaratosque, judicis moderatione taxationeque, ad 20. aut circiter aureos reductos fuisse. Quo quid potest absurdius ac etiam iniquius fingi? Certè negari non potest quin istiusmodi

vid. fol. præd. 51.  
sumptus & expensarum  
petitas à judice non adjudicari  
l. terminato. C. de fructibus & litium expensis



*Advocati* in conscientiam suam peccent, ac jurisjurandi religionem violent. Neque enim in istis expensarum litiumque sumptibus exequendis minus bonam fidem servare debet, quàm in causâ principali. Ut autem illi malo eatur obviam, dabit operam *Advocatus* qui victo patrocinium præstitit, ut istas expensarum usurarum ac fructuum declarationes à victore in judicio exhibitas, diligenter sollicitèque excutiat, ac competentes diminutiones refutationesque intra tempus Ordinatione præfinitum adjiciat, ne clientem unicâ contumaciâ, si adsit, facultate diminuendi seclusum, quod stilo Curix obtinet, earum defectu, <sup>x</sup> <sup>x</sup> damnum non modicum accipere contingat, quippe cum ipsam sortem sæpè excedant. Iam verò si per taxationem judicis ei rei sedentis, clientem suum qui victus est gravari viderit *Advocatus*, ad illius pertinet officium, ut ab eâ, tanquam interlocutoriâ sententiâ, ad Curiam provocat, ut error læsioque reparari possit: quod fieri aliquando vidimus. Nec debet is qui taxationem fecit, in malam partem accipere, si ab eâ provocatio fiat, cum olim solus præses, nunc primus Consiliarius istis taxationibus vacet, ut mirum non sit, si aliquando aberrat à scopo: plus etenim oculi vident quàm oculus, juxta vetus dictum. Et meò quidem judiciò publicè expediret, istam provinciam pluribus aut tribus saltem Consiliariis demandari. Quod autem antè dixi, eâ moderatione in declarandis litis sumptibus utendum esse *Advocatis*, ne quid præter veritatem fidemque bonam fecisse convincantur, iterum dico ac repeto: rectè enim veteri proverbio dicitur *δὲ τῆς τῶ καλῶ*. Quos velim veteres illos hujus  
supremæ

A taxatione sumptuum  
et expensarum potest pro  
voco qui ad plenam  
Curiam.

supremæ Curix *Advocatos* celebres (quorum nemo nunc superest) imitari, quos eâ conscientia ac moderatione in isthòc negotio versari conspeximus, ut taxatione Judicis parum aut nihil de summâ ab iis petitâ deduceretur. Sed (prò dolor) longè ab integritate & sinceritate illorum defleximus, & cum poëtâ concludere possumus,

Quod:

*Ætas parentum peior avis tulit,  
Nos nequiores, mox daturos  
Progeniem vitiosiore.*

Nec mirum; versamur enim in hâc mundi fenestâ, in quâ abundabit iniquitas, & refrigescet charitas multorum, teste CHRISTO *Servatore nostro: Beatus ille qui usque ad finem in pietate, ac timore Dei perseveraverit.* MATTH. XXV. Neque est quod quisquam vulgi dictum, *petendum videlicet iniquum, ut æquum feramus*, ad exorbitantis petitionis suæ excusationem prætendat: Cum nemo ignoret, omnem iniquitatem & alienorum bonorum concupiscentiam, lege divinâ prohiberi atque damnari. Quoniam autem sumptuum litis declarationibus reproducendis octiduum, & si usuras aut fructus contineant, trium septimanarum spacium Ordinatione præfinitum est, curabit *Advocatus*, ut unâ cum legitimis diminutionibus, prædicto termino currente, apud acta exhibeantur, ne victor ordinationi insistens, taxationem, absque diminutionibus victo præjudiciabilem atque detrimentosam, consequatur ac obtineat.

C A P.



## CAP. XLIV.

*De honorariis seu Saliariis Advocatorum.*

QUàm gravè sit *Advocatorum* officium, quàm dura provincia quam sustinent, ex iis quæ superioribus capitibus adducta sunt & relata, non difficulter colligi potest. Nunc superest, ut de præmiis laborum, quæ honoraria vocat *Ulpianus*, paucis videamus. Neque enim quisquam est qui ignorat, eam rerum humanarum esse conditionem, ut rarò quisquam repertus sit, qui privatim vel publicè beneficiis aliquibus præstitis, non aliquod sibi præmium deberi existimaverit: Quod & rationem habet; Nam æquitati naturali nihil tam conveniens est, quàm ut is, qui fidà alicujus operà usus commodum sensit, remuneratione gratiam aliquam rependat. Quod quidem usquè adeò æquum censuit ipse *Christus Servator noster*, teste *D. PAULO Apostolo*, 1. *Epist. ad Corinth. cap. 9. ad Timoth. 5.* ut Euangelium etiam annunciantibus vitæ necessaria suppeditanda ordinaverit, & operarium cibo suo ac mercede dignum declaraverit. *Math. 10. Luc. 10.* Proinde cum omnium hominum ac nationum consuetudine moreque receptum sit, tanquam axioma politicum, ut semper dignus habitus sit operarius mercede suà, nec minimam esse injustitiæ speciem, sed & summam ingratitude, operà proximi absque remuneratione uti, hinc fit, ut *Advocatis* quoque qui patrociniū clientibus præstiterunt, honorarium seu salarium solvendum esse leges

leges statuunt. Eleganter certè & magnificè de *Advocatorum* patrociniis senserunt veteres jurisconsulti, & præcipuè *Ulpianus* ille juris coryphæus, his verbis usus *l. 1. versic. in honorar. ff. de extraord. cognitionibus*. In honorariis Advocatorum ita versari iudex debet, ut pro modo litis, proque Advocati facundiâ, *& fori consuetudine, & iudicii, in quo erat acturus, æstimationem adhibeat: dummodò licitum honorarium quantitas non egrediatur: quam idem *Ulpianus* paulò post ad centum usque aureos licitam definit, his verbis: Licita autem quantitas intelligitur pro singulis causis usque ad centum aureos. Quinimò & *Divum Severum Imperatorem* eo favore prosecutum fuisse *Advocatos* refert idem *Ulpianus*, *d. l. 2. versic. Divum Severum*, ut ab heredibus *Advocati*, qui litem totam non peregerat, eo nomine mercedem acceptam repeti prohibuerit; adjectâ ratione, quod per illum non stetisset. Quam rationem secutus *Guido Papa* quæst. 102. disputando resolvit, quòd nimirum *Advocatus* promissum salarium habere debeat, sive per sententiam, sive amicabilem concordiam lis sopita fuerit, allegans glossam notab. in *l. fin. ff. Mandati*, & in *l. unica. C. de Suffr. Spec. in Tit. de Salaris* §. sequitur. versic. quid ergo. Verùm enim verò cùm ea res magnis difficultatibus non careret, crescente hominum malitiâ & avaritiâ, posterioribus seculis, & *Principibus*, & rerumpub. administratoribus consultius visum fuit, factâ moderatione certam quantitatem modumque præscribere, quantum *Advocato* pro singulis scriptionibus vel partibus *Processus* suprâ expres-*

Y

lis

*hinc Civilis quoniam non  
de Salariis Advocatorum ad  
814-83*

*Quæstio  
Resp.*



sis cliens solvere teneatur; Quam egredi, constitutione  
Imperatoris Caroli V. ad provincialium querelas publi-  
catâ, anno 1554. prohibetur, & ejus quod indebitè  
 exactum est, repetitio conceditur. Quod quidem ut  
 apud omnes alias nationes fieri videmus, ita in patriâ  
 nostrâ quoque ei rei modus statutus est. Nam illu-  
 strissimus *Saxonie Dux Georgius* quondam *heredita-*  
*rius Frisiae Gubernator*, Ordinatione publicatâ, quâ  
 breviter modum formamque procedendi complexus  
 est, huic quoque rei prospexit, quæ postmodum pro  
 rerum temporumque circumstantiis renovata & adau-  
 cta est, ut ex *Ordinatione*, *ultima Novembris 1602.*  
 promulgatâ liquidò apparet: Ita tamen ut asserere au-  
 deamus, nullibi tam exiguum *Advocatis* salarium con-  
 stitutum esse, quàm in *Frisiâ patriâ nostrâ*. Testati  
 id sunt apud nos sæpè diversarum circumjacentium na-  
 tionum incolæ, coram supremo hoc *Senatu* litigantes;  
 Et res ipsa quoque loquitur, cùm ex multis *Advoca-*  
*tis* hujus Curiae, paucissimi nostro ævo reperti sint,  
 qui ex solâ praxi forensi, lautas facultates liberis suis  
 reliquerint. Unde conicere licet, quantopere à sco-  
 po humanitatis æquitatisque aberrant, qui hac in parte  
*Advocatis* hujus Curiae parum æquos se præbent. In-  
 terim tamen hæc ita accipi nolumus, quasi nos *Ad-*  
*vocatis* fenestram aperire velimus, ut contemptâ Cu-  
 riae ordinatione, à clientibus quantum velint, extor-  
 queant. Id enim bonâ conscientia fieri nequit, sed  
 ut omnibus iis qui *Advocatorum* conditionem & bea-  
 tam quasi sortem plenis buccis decantant, & tanquam  
 albæ gallinæ filiis invident & detrahunt, os obstrua-  
 mus;

mus; qui nullâ laborum, periculorum, sumptuum-  
que juris studio tot annis impensorum habitâ ratione,  
splendidam (ut plurimum re domi angustâ) illorum  
miseriam, tantopere admirantur & prædicant. An-  
tequam autem hoc caput absolvamus, præmonitos *Ad-  
vocatos* cupimus, ne frânos cupiditatî laxantes, Cu-  
riæ ordinationem, nuper renovatam & adauctam non  
modicè, ullo modo transgrediantur, ne illicitum  
exigentes & accipientes lucrum, sese peccato invol-  
vant, & honoris atque existimationis jacturam insuper  
faciant, semper istius sententiæ *Ascræi poetæ* me-  
mores,

μη κακὰ κερδαίνειν κακὰ κέρδεα ἰσ' αἴτιον.

*Se malè lucreris mala lucra equalia damnis,*

qui cogitare debent, non militibus armatæ militiæ  
tantum, sed omnibus iis quoque qui stipendia pro  
functionibus percipiunt, dictum esse à *D. Ioanne  
Baptista*; *Estote contenti stipendiis vestris, & nemi-  
nem concutiatis*. Ad hos enim verba prædicta quo-  
que pertinere *D. Ambrosius* asserit *sermone 7*. Quòd  
si in causis arduis peragendis, multum laboris stu-  
diique ac temporis impensum adhibitumque con-  
tendentes majus constituto ac consueto salarium com-  
petere sibi arbitrabuntur, quod sæpè contingere ne-  
mo ignorat, ne clientes injuriam sibi fieri credant,  
consulto facient *Advocati*, si Curia moderationi rem  
totam permiserint, quod & Ordinatione prædictâ  
exigitur. Id enim si fecerint *Advocati*, quod aliquos  
non ita pridem fecisse compertum habemus, & Cu-  
ria

*tribunum casib; fivocat  
mod. saluorali fivocat  
statuti positum transgred  
contum?*



*Quæstio*  
*resp.*  
*Quæstio*  
 riæ & clientibus suis conscientiam fidemque proba-  
 bunt, & calumniandi occasionem malevolis amputa-  
 bunt. Illud autem prædicto loco apud *Ulpianum*, l.  
 i. *versic. si cui cautum & seq. in quæstionem vocati*  
 videmus, an *Advocatus* de honorario sibi solvendo,  
 cavere possit, & quatenus illi permissum censi de-  
 beat, cum cliente eo, ac etiam palmarii nomine pa-  
 cisci atque cavere. Et certo quidem certius est, om-  
 nia istiusmodi pacta cautionesque legibus civilibus esse  
 suspectas, quæ istiusmodi illiciti lucri captationes il-  
 liberales & nobili *Advocatorum* professione indignas  
 censent. Nam pactum de quotâ litis, usque adeo exo-  
 sum habet & reprobatur *Imper. Constantinus*, in l. *siquis*  
*Advocatorum. C. de postulando*, ut & deprædationem  
 appellet, & *Advocatum* in huiusmodi feritate perma-  
 nentem professione suâ penitus arcendum decernat. l.  
*litem. C. de procurat. l. si qui C. de postulando*. Am-  
 plius addunt *Impp. Valentinianus & Valens*, nullum  
 cum litigatore contractum, nullamque pactionem ini-  
 ri permittentes; tantopere istiusmodi litigatorum ex-  
 coriationes execrantes, ut *Advocatos* turpi tali com-  
 pendio, lucro pecuniæque captos, veluti abjectos at-  
 que degeneres, inter vilissimos numerandos esse, con-  
 stituant. l. *quisquis §. præterea C. de postulando*. *Gra-*  
*tianus* certè *Imperator* eam in *Advocatis* integritatem  
 fidemque bonam desiderat, ut, si à iudice moniti, cui-  
 cunque parti patrociniū denegaverint, foro carere  
 debeant; omni spe testitionis ad agendum exclusi,  
 l. *providendum C. de postulando. versic. siquis*. Sed  
 meritò quærat aliquis, an nullatenus *Advocato* per-  
 mis-

missum sit cum cliente suo de salario pacisci, & an *Impp.* prohibitio nullam prorsus limitationem exceptionemque recipiat? Prohibitio certè generalis est, & universalis negativæ patriculâ concepta, nullam videlicet pactionem, nullumque contractum permittere, *d. l. quisquis. versic. præterea.* Quæ verba *Impp.* glossa ad verba (contractum ineat) ad alios juris gentium contractus quoque, quales sunt emere, vendere, locare, conducere, similesque trahere velle videtur, hâc subiectâ ratione, quod omnia cliens daturus sit, propter timorem litis, sicut infirmus propter timorem mortis, qui & ipse de salario suo pacisci quoque non potest. Quibus tamen non obstantibus, salvò melius sententium iudiciò, rem totam distinctione temperari posse arbitramur, *l. i. versic. sed hoc ita. versic. seq. ff. d. tit.* *Ulpianum* secuti, qui prohibitionem prædictam ad duos tantum casus restringere videtur, quorum prior est, si suspensâ lite, societatem futuri emolumenti cautio pollicetur, quod *Imp. Constantinus* certæ partis emolumenta vocat, Practici quotam litis, quod pactum nullo modo toleratur, sed pœnis competentibus coercetur *l. litum. C. de procuratorib. l. si remunerandi. S. finali, ff. Mandati. d. l. si qui Advocatorum.* Posterior, si lite pendente, cum cliente, quem in propriam recepit fidem pactionem ineat *Advocatus*: induceret enim *Advocatum* ad calumniosè agendum, teste *Bart.* Istis siquidem duobus casibus pactionem prohibitam esse, extrâ controversiam est: & ratio quidem posterioris prohibitionis esse videtur, quod post nudata secreta causæ, litigatori tutum non sit, *Advo-*

Resp:  
H

Duo casus, qui dicitur  
dantur solum pactione  
dum cum Advocato sit  
pro salario facti  
j<sup>o</sup>

2<sup>o</sup>

Y 3

ca-



*catur* offendere aut dimittere, alique litem peragen-  
dam demandare. Quæ ratio cum in pacto, lite nec-  
dum intentatâ atque re adhuc integrâ celsset, dicen-  
dum videtur, istiusmodi pactiones reprobata prohibi-  
bitasque non esse, cum clienti integrum sit, si cum  
*Advocato* litem suscepturo de salario convenire non  
possit, cõ relicto alii causam agendam exequendamque  
committere. Illud autem dubitationem non habere  
existimamus, licere nimirum *Advocato* cum cliente  
hoc modo pacisci, si victor existas, 20. solves (exem-  
pli gratiâ) si causâ cecideris, nihil omnino, quod  
nos aliquando fecisse recordamur, clientibus talem  
conditionem ac pactionem spontè offerentibus. Ta-  
metli & alias cautiones, exceptâ eâ quæ de quotâ litis  
dicitur, licitas permissasque esse, dici posse videatur,  
juxtâ ea quæ tradunt Interpretes ad *Tit. C. de suffra-  
gio. Guido Papa q. 102.* Quæ tamen limitationem at-  
que restrictionem eam recipiunt, nisi licitam centum  
aureorum quantitatem pactio excelsit. Id enim nul-  
lo casu sibi permisum esse quisquam arbitrabitur, *d.*  
*l. 1. versic. cui cautum & seq.* cum ea summa vel ava-  
rissimo cuique in foro Curiaque hac causas agenti suf-  
ficere debeat. Pro colophone illud adjiciendum exi-  
stimamus, melius facturos *Advocatos*, si ab hujusmo-  
di pactionibus *Ordinatione Imperatoris Caroli V. anno*  
*1554. artic. 95. vetitis*, quas *Plinius Epistolâ ad*  
*Rufum*, foedissimas vocat, omnino abstinerint.  
Quod dictus *Plinius Secundus* sui temporis celeberrim-  
us *Advocatus Epistolâ ad Valerianum scriptâ, lib. 5.*  
*Epistolarum*, se fecisse gloriatur & non modò pacti-  
one,

Quoniam modo cum  
cliente pro Advocato  
erat pacisci?

MS 8

one, dono, munere, verum etiam xeniis semper abstinuisse testatur: quod nos de nobis prædicare non possumus, fatemur sincerè quod res est, & si quid hâc parte peccatum censeatur, Patriæ consuetudini adscribendum erit, quâ clientes *Advocatis* suis offerre & donare escaria parvi pretii consueverunt. Nos certè non possumus non laudare *Plinii* istius integritatem & abstinentiam, verò philosophò dignam, quam omnibus *Advocatis* commendatissimam esse cupimus. Vulgus siquidem hominum literatis infestum, odio litium, quæ certè multa secum incommoda trahunt, insectatur *Advocatos* etiam officium facientes, & debito salario contentos: Qui utique cogitare debent, civilem se sapientiam, rem sanctissimam, pretioque nummario non æstimandam tractare, *Ulpiano* teste, *l. 2. versic. proinde ff. De variis & extraord. cog.* Cujus professionis dignitatem excellentiamque præ oculis habentes, utique operam dare, summisque viribus adniti debent, ne ullam ei labem, ac ignominiam adspargant. Quod futurum est, si istius veteris proverbii ab *Ulpiano* relati memores, ἔτε πάντα, ἔτε πάντες, ἔτε πρὸ πάντων, *L. solent. ff. De offic. Proconsf.* nihil sordidè, nihil avarè, nihil turpiter, in petendo salario fecerint, sed Ordinatione vel moderatione Curia contenti re ipsâ declaraverint, magis sacrosanctæ *Iustitiæ* administrationem executionemque quàm lucri divitiarumque suarum incrementum, sibi cordi esse. Quo ipso coram Deo & hominibus testabuntur, se veros, non simulatos esse philosophos & quidem *Christianos*, qui contemptis spretisque hujus mundi  
opi-



opibus fluxis, ac perituris, primum regnum DEI; ejusque justitiam quærunt, non ignari, cætera omnia sibi adjectum iri, teste CHRISTO, *Lucæ XII.* ut tandem emenso hujus vitæ curriculò, eoque sobriè, justè pieque transacto, beatam spem, & adventum gloriæ magni DEI, & *Salvatoris nostris* IESU CHRISTI, expectare possint, qui apud Patrem humani generis *Advocatus*, pro nostris omnium peccatis, Apostolo teste, vera est propitiatio. *Epistola IOANNIS I. cap. II.*



*Epi-*

## Epilogus seu Peroratio.



Æc sunt, G I S B E R T E fili, quæ de officio *Advocati*, & hujus supremæ Curix Stilo, optimo certè zelo meditati sumus: quæ tametsi demissò & non affectato dicendi charactere conscripta sint, (neque enim ad dictionem illam *Lipsianam* insolentem & elaboratam adspirare cuivis contingit) speramus tamen, rem ipsam, bonis omnibus gratam, tibi verò *Tyronibusque*, quibus scripta sunt, non inutilem fore. Nos enim non aliis, quam praxin forensensem hujus supremæ Curix aggressuris, viam ostendimus, quâ ad eam ritè legitimeque exercendam pervenire possint. Scripserunt alii de officio *Advocati*, utpote *Ioannes Baptistæ Caccialupi*, & *Lancelotus Politus*, quos nos legimus: sed ita succinctè & breviter, ut illorum operâ parum nos adjuutos profiteamur. Tractant enim quæstiones quasdam, ad rem non pertinentes, & quæ dubia non sunt, in disceptationem vocant; quales sunt: An *Advocati* officium de jure divino licitum sit: An sit laudabile & vitæ humanæ necessarium (quod tamen *Imperatores Leo & Anthemius*, l. *Advocati*. C. d. *Advocatus divers. judiciorum*, & l. *laudabile*. Tit. seq. disertis verbis astruunt & prædicant:) An pro patrocínio & consilio, sine labore præstito, justè salarium accipiat *Advocatus*: An pauperibus gratis patrocinari teneatur, & alias consimiles. Quid enim attinet istiusmodi quæstionibus, ratione dubitandi carentibus, chartam replere? Nos eum tantum scopum nobis propositum habuimus, ut paucis & crassâ (quod

Z

dici

*Quinam de officio Advocati  
sunt scripti?*



dici solent) *Minervâ* describamus, quid *Advocatus* in tractandis litibus, causisque forensibus, & facere & vitare debeat; Ordinem judicarium, ac Curiae stylum secuti. Reliquum est, ut tu, qui eam, nobis suadentibus, favente *Minervâ*, ingressus es, & strenuè jam in eâ progredieris, ita te componas gerasque, ut omnibus bonis fidem facias, nihil te præter boni viri, ac *Christiani Advocati* officium unquam facturum. Loquor autem de integritate animi, & voluntate, propositòque rectè agendi: Nam si vel praxis ignoratione, vel inconsideratè, in aliquâ parte officii peccatum quid erit, nihil lædit existimationem, licet culpam non effugiat, qui hallucinatur in eo, quod ad professionem suam spectat. Tuum erit, G I S B E R T E fili, hæc ipsa, ut monita paterna, præceptionesque Curiae, cui jurejurando obstrictus es, amplecti, diligenter observare, & re ipsâ ostendere, tibi, qui magnis sumptibus, laboribusque ac vitæ periculis, (quibus *Imper. Fredericus* juris studiosos obnoxios esse testatur, *Auth. habita. C. ne filius pro patre.*) in Gallico carcere crudelissimo, injustissimo, ac diuturno exantlatis, Doctoralem Lauream in *Pontimusanâ Academiâ* (in quâ celeberrimum illum *Petrum Gregorium* docentem audivisti) cum laude adeptus es, ut accepimus, nihil prius neque potius esse, quàm in hac *Advocationis* palæstrâ ita decertare, ut non solum nomen bonum famamque apud *Frisios tuos*, aliosque, qui operâ tuâ usuri sunt, consequaris; sed etiam vel maximè, ut decurso hujus vitæ curriculò, regni cælestis ac beatæ immortalitatis particeps fias, sine quâ omnes omnium hominum actiones, vanæ ac infrugiferæ censeri debent.

bent. Ad quam tibi aditum parabis, si in solo CHRISTO spe positâ, extrâ quem nulla cuiquam salus speranda est, *Actorem cap. vi.* memor fueris sententiæ istius celeberrimæ, *Quid prodest homini, si universum mundum lucretur, animæ vero suæ detrimentum patiatur.* MATH. cap. xvi. Quam qui cordis sui penetralibus infixam habet, nihil injustè, nihil sordidè, nihil subdolè, faulenterque facturus est, non litem redempturus, aut de quotâ illius cum cliente pacturus, etiamsi cunctos homines fallere ac latere posset, qui semper DEUM præsentem credens, utique cavebit, ne quid vel opere, vel verbo committat, quod oculos futuri iudicis offendere queat. Quemadmodum autem semper & ubique fidem bonam, industriam, atque modestiam in exercendâ praxi tibi commenda- vi, ita quoque quàm possum maximè, te hortor at- que obtestor, ut avaritiam, deterrimam & execran- dam pestem, ordini nostro proverbialiter, (quod e- nim lingua causidici damnifera sit, nisi funibus argen- teis circumligetur) vulgò adscriptam, quam longissi- mè, CHRISTO præcipiente, à te pellas, ac cane pejus & angue (ut habet proverbium) fugias. Illa siquidem neminem non tentat, & præsertim iis, qui captandis ex arte lucris nimis addicti sunt, LUCÆ xii. insidias semper struit. Velim itaque, GISEBerte fili, si ditescendi cupiditate abripi te senseris, ut co- gites, quàm hæc mundana & externa bona sint fragi- lia, lubrica & vana, quæ teste *Plinio secundo*, post te alium atque alium dominum fortientur, & quan- tis periculis, tum corporalibus, tum spiritualibus, ob- noxia sit hæc vita nostra, quæ animum nostrum è re-

*Ditiorum vulgò in  
Hæc vita;*



Et o statu pellunt ac evertunt. Laqueis undique cin-  
 cti sumus, & quasi affectionum clavis perforamur.  
 Quod ipsum pulchrè describit *D. Ambrosius Episcopus  
 Mediolanens.* in *Tractatu de Bono mortis*, cap. v. his  
 verbis: *Laqueus in auro, viscum est in argento, nexus  
 in prædio, clavus in amore dum aurum petimus, stran-  
 gulamur, dum argentum quærimus, in visco ejus hære-  
 mus, dum prædium invadimus, alligamur. Et paulo  
 post: Clavus est libido, clavus tristitia, clavus superbia,  
 clavus iracundia, clavi sunt omnes passiones, quæ velut  
 veru quoddam animam nostram penetrant, & infigunt  
 corpori, visceribusque ejus annectunt. Fugiamus ergò  
 hæc mala, & exaltemus animam nostram ad illam ima-  
 ginem DEI & similitudinem, quæ fugâ peccatorum, &  
 virtutibus acquiritur. Anima nostra alta petat, su-  
 præ nubes volet, renovatis splendescat exuviis, cælo vo-  
 latus nostros inferat, ubi in laqueos incidere non possit.  
 Avis enim, teste eodem Ambrosio, quæ descendit ex  
 alto, vel quæ in altum extollere se non potest, frequen-  
 ter aut laqueis capitur, aut visco fallitur, aut quibus-  
 cunque irretitur insidiis. Ut autem prædicta mala de-  
 clinare, effugere, atque evadere possis, author tibi  
 sum, atque hortor quantum possum, ut literas sacras  
 tibi, meo exemplo, familiares reddas, & quod suadet  
*D. Hieronymus*, de manibus tuis nunquam deponas.  
 Latet enim in illis, teste *Ioanne Pico Mirandulano*,  
*Concordiæ Comite*, in *Epistolâ ad Ioannem Franciscum*,  
 ex fratre nepotem. cælestis quædam vis viva & effi-  
 cax, quæ legentis animum, si modò eas purè hu-  
 militerque tractaverit, mirabili quadam potestate  
 transformat, has & harum præcepta cælestia penetra-  
 li-*

libus mentis tuæ imprimas , ac tabulis cordis tui inscribas. Quarum vim & utilitatem describens *D. Paulus Apostolus Epist. II. cap. III.* Timotheum hortatur , ut in illarum lectione perseveret , hac subjectâ ratione , quod ad salutem ipsum instruere valeant , & concludens sermonem , inquit , *Omnis scriptura divinitus inspirata , utilis est ad docendum , ad arguendum , ad corripiendum , ad erudiendum , ut perfectus sit homo DEI , ad omne opus bonum instructus.* Cujus Apostoli auctoritatem secutus , eas volve & revolve , & nocturnâ verses manu , versesque diurnâ , eas domi legas , eas foris ac in itinere , quod magnum illum *Hopperum* facere consuevisse accepimus , tecum circumferas , ut prædictorum commodorum compos fias. Illud te admonitum velim *GISBERTE* fili , ut hæc duo nunquam obliviscaris , & filium DEI pro te esse mortuum , & te quoque etiam si diu vixeris , brevi moriturum : Hisce quidem quasi geminis stimulis , altero quidem timoris , amoris altero , urge equum tuum , per breve stadium momentaneæ vitæ , ad præmia felicitatis æternæ , quando nullum alium finem præfinire nobis aut debemus , aut possumus , quàm ut perpetuâ utriusque hominis pace , infinito bono fruamur. Cujus quidem tum demum participes reddemur , si persuasum nobis habentes id , quod de *Christianis* prædicat *Athenagoras Atheniensis philosophus , in Apologiâ pro Christianis ad Imp.* nos & universum mundum totius vitæ hîc transactæ , rationem redditurum conditori DEO , modestam , humanam & tenuem vitam eligamus , nullum tam grave malum nos hic passuros rati , etiam si animam nobis aliquis eripiat,



piat, ut cum præmiis illis conferri queat, quæ illic ab iudice magno pro vitâ placidâ, humanâ, & iustâ percipiemus. Ad quæ consequenda velis equisq; ut habet adagium, contendere, adspirare & anhelare debemus. Hoc negotium nostrum, hoc ocium, hic labor, hæc quies esse debet, in his vigiliam, in his etiam somnum reponamus. Denique unam hanc petamus à domino, hanc requiramus, ut inhabitemus in domo domini cum consensu, omnibus diebus vitæ nostræ. Longius me provexit dulcedo quædam tecum loquendi, & quæ dicta sunt inculcandi ac infigendi. Proinde iterum atque iterum te moneo, GIBERTE fili, hortor, atque pro jure meo tibi præcipio, ut in praxi exercendâ summâ fide, pari constantiâ, nec verecundiâ minore verferis, & non tam famam quàm conscientiam tuam verearis, ac apud te non minus honestas, quàm necessitas apud alios valeat. In auditorio nihil incondito turbidoque clamore agas, nemini convicium vel verbis, vel scriptis facias, sed unicuique, juxtâ *D. Pauli Apostoli Epist. ad Rom. cap. XIII.* præceptum, quod suum est tribuas, cui honorem, honorem; cui timorem, timorem. In eo enim versatur munus ac officium jurisconsulti ac *Advocati*, cui toto velim animo vaces, ac *Spartam* quam nactus es ornes. In primis verò pupillorum, viduarum, peregrinorum pauperumque causas justas, prompto & alacri animo, absque salarii spe, si inopes sint, defendendas suspicias. Ita enim futurum est, ut DEI OPT. MAX. favorem, gratiam ac misericordiam sis consecuturus: Qui nihil acceptius sibi fieri posse apud prophetam *Hierem. cap. 21.* testa-


testatur his verbis, *Facite iudicium & iustitiam, & liberate vi oppressum de manu calumniatoris, & advenam, & pupillum, & viduam nolite contristare, neque opprimatis iniquè.* Id si feceris, G I S B E R T E fili, uti te facturum spero & confido, eveniet tibi quod per *Esaïam Prophetam cap. LVIII.* reliqua misericordiæ opera ibi numerata facienti D E U S promittit: *Erumpet quasi manè lumen tuum, & sanitas tua citius orietur, & anteibit faciem tuam iustitia, & gloria domini colliget te.* Tunc invocabis, & dominus exaudiet te, clamabis, & dicet, ecce adsum. Porro cum hasce de officio *Advocati* & supremæ Curix Frisix Stilo meditationes, nulli alii quàm tibi inscripserim, & præter morem ac consuetudinem, patronum nullum delegerim, tibi incumbit, ut eas, velut primum ingenii mei foetum, in his tantum quæ veritate nituntur, adversus invidos ac iniquos censores, foveas, tuearis, atque defendas. Quod eò quidem facilius præstabis, quòd ego *Plinii illius Secundi* morem in publicandis scriptis secutus, eas in publicum emissurus, doctissimorum quorundam juriscons. praxin callentium, amicorum meorum iudicio, antè examinaverim, & ipsemet quoque sæpè sub limam revocaverim. Quod si non omnibus eas placere iutellexeris, nec te, nec me turbare debet, cum vix unquam quisquam repertus sit, qui omnibus lucubrationes suas probare potuerit. Quis enim ignorat, varia esse hominum iudicia, varias cogitationes? Adnissus tantum sum tyronibus inservire, ut illi, vitatis scopulis quibusdam, in hoc freto practico occurrentibus, absque discrimine, recto cursu portum subire queant. Fateor equidem,



dem, esse quædam in his meditationibus meis, quæ & plenius, & accuratius tractari possint, sed ut vetus habet dictum, non omnia possumus omnes: bona certè voluntas mea, quæ in magnis vel sola probatur, de tyronibus hujus supremæ Curix *Advocatus* benemerendi, etiam viribus destituta, apud æquos rerum æstimatores, laude suâ caritura non est. Mihi suffecerit, GISBERTE fili, si ad pietatem, & in causis agendis integritatem, hisce meditationibus meis, tibi nunc etiam sponte currenti, calcar additum percepero. Quid enim, quæso, magis in voto mihi esse potest, quàm ut tu, qui primogenitus filius es, & ad virilem ætatem jam pervenisti, reliquis liberis meis, si quid humanitus mihi, annum sexagesimum secundum agenti acciderit; fido consilio & ope adsis, & apud *Frisios* tuos, nec non externos, operam tuam requisituros honestum tibi nomen pares. Quod ipsum si consecutus fueris, (consequèris autem, si monita præceptaque, hisce meditationibus meis comprehensa, diligenter observaveris, factisque expresseris: virtutis enim laus omnis in actione consistit. *Cicerone* teste) utrique nostram optimè consultum erit: Nam & tu bonæ conscientix testimonio fultus, hilarem jucundamque hîc vitam duces, ac corpore spoliatus, cum CHRISTO sine fine victurus, & ego reliquum vitæ meæ tempus quod superest, piis meditationibus transmittens (causis enim agendis abstineo) de viatico ad longum illud iter conficiendum necessario, paulatim & seriò mihi prospiciam, & gradibus ad meliora conscendam. *Vitæ namque summa brevis* (ut *Poëtæ* verbis utar) *spes me vetat inchoare*  
lon-

*longas.* Quid enim aliud sperare vel debeo vel possum homo senex, quàm ut & spretis contemptisque omnibus hujus seculi curis & illecebris, pravis affectibus devictis, omnibusque turbidis animi motibus cohibitis, nec non pietatis charitatisque operibus præstitis, divinam gratiam ac misericordiam mihi comparem, ut eâ tectus atque munitus, à morte secundâ illæsus permaneam, quod mihi DEI & beatæ Virginis filius IESUS CHRISTUS humani generis Servator concedere dignetur, AMEN.

F I N I S.



A a

Elen.



*Elenchus Caputum*  
H U J U S  
TRACTATIONIS.

- Cap. 1. *De Etymologia vocabuli, & variis Advocati appellationibus.* Fol. 1.
- Cap. 2. *Definitio sive descriptio Advocati.* 2.
- Cap. 3. *Quod sit Advocati officium in genere, erga Deum & homines.* 5.
- Cap. 4. *Quomodo rectè inter homines aget Advocatus.* 7.
- Cap. 5. *Quòd non sufficiat, si Advocatus honestè vivat, nisi ab alterius læsione absteineat, & unicuique quod suum est tribuat.* 10.
- Cap. 6. *Quomodo in litibus exercendis versari debeat Advocatus.* 12.
- Cap. 7. *Utrum justam causam fovendi liceat injustè litigantem dolò circumvenire.* 14.
- Cap. 8. *De Cautionibus quas Cautelas vocant & earum usu.* 19.
- Cap. 9. *Quod sit officium Advocati in tractandis causis civilibus.* 23.
- Cap. 10. *Quomodo Advocatus se gerere debeat apud proprium clientem.* 27.
- Cap. 11.

Cap. 11.	<i>Quomodo apud Iudicem.</i>	30.
Cap. 12.	<i>Quomodo clientis sui adversarium tractare debeat.</i>	34.
Cap. 13.	<i>Quomodo Advocatum diversæ partis.</i>	38.
Cap. 14.	<i>Quod sit Advocati officium, in exercendis ordinis judicarii partibus, &amp; primum quoad Citationem.</i>	40.
Cap. 15.	<i>Quomodo Reum defendere debeat Advocatus.</i>	46.
Cap. 16.	<i>De recusatione judicis, aliisque Exceptionibus.</i>	49.
Cap. 17.	<i>De libello, Responsione, Replicatione, Duplicatione, aliisque scripturis.</i>	54.
Cap. 18.	<i>Quod sit Advocati officium in includendo ac instruendo processu ante sententiam interlocutoriam.</i>	60.
Cap. 19.	<i>De sententia Interlocutoria.</i>	61.
Cap. 20.	<i>De dilationibus probatoriis.</i>	63.
Cap. 21.	<i>De positionibus, Articulisque probatoriis.</i>	65.
Cap. 22.	<i>De Confessionibus.</i>	68.
Cap. 23.	<i>De interrogationibus quæ vulgò inrerrogatoria dicuntur.</i>	71.
Cap. 24.	<i>De testibus producendis.</i>	74.
Cap. 25.	<i>De instrumentorum editione.</i>	80.
Cap. 26.	<i>De Renunciatione.</i>	81.
Cap. 27.	<i>De Reprobationibus testium.</i>	83.
Cap. 28.	<i>De Salvationibus testium.</i>	85.
	<i>A a 2</i>	Cap. 29.



Cap. 29.	<i>De Conclusionē &amp; complemento seu repertorio processus post sententiam interlocutoriam.</i>	87.
Cap. 30.	<i>De consiliis seu juris informationibus.</i>	89.
Cap. 31.	<i>De Sententia Definitiva.</i>	92.
Cap. 32.	<i>De Appellationibus.</i>	96.
Cap. 33.	<i>De Reauditione.</i>	100.
Cap. 34.	<i>De Revisione impetranda &amp; exequenda.</i>	102.
Cap. 35.	<i>De Executione rei judicatæ.</i>	107.
Cap. 36.	<i>De literis dilationum quinquennialium &amp; aliis.</i>	115.
Cap. 37.	<i>De beneficio Inventarii.</i>	117.
Cap. 38.	<i>De beneficio Cessionis bonorum.</i>	120.
Cap. 39.	<i>De Actione injuriarum.</i>	126.
Cap. 40.	<i>De officio Advocati in causis capitalibus.</i>	133.
Cap. 41.	<i>De iis qui purgationi carcerique se offerunt.</i>	144.
Cap. 42.	<i>De beneficio remissionis criminum.</i>	148.
Cap. 43.	<i>De sumptibus litis.</i>	154.
Cap. 44.	<i>De honorariis seu salariis Advocatorum.</i>	158.
	<i>Epilogus seu Peroratio.</i>	167.

F I N I S.

